




ԶՄԻԱԾԻՆ





ԼՂ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ՅԻՆԱՅԻՐ

1977



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



**ՀԱՅՐԱՊԵՏԱԿԱՆ ՔԱՐՈՋ ՓՐԿՉԻ ՀՐԱՇԱՓԱՌ ԵՎ ՍՈՒՐԲ
ԾՆՆԴՅԱՆ ՏՈՆԻ ԱՌԹԻՎ ՄԱՅՐ ՏԱԾԱՐՈՒՄ
(1977 թ. հունվարի 6)**

Սիրելի հավատացյալներ,

Այսօր ուրախ են մեր սրտերը բոլոր, որովհետև երկինքը վերստին բերում է մեզ բարի լուրը Հիսուսի Ծննդյան և Նրա Հայտնության որպես Որդի Աստուծո: Ի պատասխան հրեշտակների մեծ ու սքանչելի այս ավետիսի, արդ բոլորս մանկացած հոգիներով երգում ենք՝ «Փառք հրաշափառ Ծննդեան և Աստուածայայտնութեան քո, Տէ՛ր»:

Անցել են դարեր, եկել-գնացել են սերունդներ բազում, հիմնովին փոխվել է այսօր պատկերը մարդկային կյանքի, սակայն մնացել է և մնում է միշտ հմայիչ, միշտ հրամայականորեն այժմեական, պատգամը երկնքի՝ «յերկիր խաղաղութիւն, ի մարդիկ հաճութիւն», որ Հիսուս Իր ծնունդով պարզ և բերեց աշխարհին, ժողովուրդներին, պատմությանը: Հիսուսի մարդկությանը ու Աստվածահայտնությամբ խաղաղությանն նոր ու վերջնական ուխտը կնքվեց Աստուծո և մարդու միջև:

Այս իմաստով մանավանդ Հիսուս եղավ ու մնաց «լրումը օրինաց և մարգարէից» ու նաև լրումը մարդկային խոնարհ բազմությունների դարավոր սպասումների: Այդ սպասումների տեսանկյունից դիտված, մարդկային ցեղի պատմությունը ամբողջ, մի հերոսական մաքառում է ի խնդիր՝ «խաղաղութեան և ի մարդիկ հաճութեան» աստվածային պատգամի երկրի վրա հաստատման ու կենսագործման: Գուցե ավելի քան այլուր նույնանում են խոսքը Աստուծո և երազանքը մարդու:


Այսօր էլ նույն երազանքն ու նույն կամեցողությունը բոցավառում են հոգիները բոլոր ազնիվ մարդկանց, բոլոր ժողովուրդների լայն զանգվածների: Մեր աշխարհի բոլոր հորիզոններից, բոլոր մարդկային սրտերից բարձրանում է մի հուզակույտ աղերս՝ զինաթափություն, խաղաղ գոյակցություն, համերաշխ գործակցություն ազգությունների ու պետությունների միջև: Ահա թե ինչու, մեզ՝ քրիստոնյաներիս համար ավելի քան երբեք բաղըր

քան հավատարիմ ու հոգատար զավակները Հայաստանյայց եկեղեցու, աստվածակառույց սուրբ Էջմիածնին, որը աշխարհի ամենահին ու ամենավաղական քրիստոնեական պյունեից մեկն է հանդիսանում՝ հաստատված Արևելքի դռների առաջ, հայոց հիմնավորց սուրբ գրական հոդի վրա:

Հավատացյալ որդիք Մեր սիրելի, «գլխադադրության զհետ երթայք ընդ ամենեսին՝ և զսրբության. առանց որոյ ոչ ոք տեսանիցէ զՏէր» (Եբր. ԺԲ 14):

«Ծնորհք Տեառն մերոյ Յիսուսի Քրիստոսի եղիցին ընդ ձեզ»:

Ծնորհավոր Նոր տարի և սուրբ Ծնունդ ու Աստվածահայտնություն:
Ամեն:





ՆՈՐԻՆ ՍՐԲՈՒԹՅՈՒՆ ՊՈՂՈՍ Զ ՊԱՊԻ ՊԱՏԳԱՄԸ 1977
ԹՎԱԿԱՆԻ ՀՈՒՆՎԱՐԻ ՄԵԿԻ «ԽԱՂԱՂՈՒԹՅԱՆ
ՀԱՄԱՇԽԱՐՀԱՅԻՆ ՕՐՎԱ» ԱՌԹԻՎ*

Բարձր պատասխանատվությունների կոչված բոլոր մարդկանց.

Ձե՛զ նույնպես, անթիվ ու անհամար անձանություններ.

Ձե՛զ բոլորիդ, բարեկամներ Մեր.

Ահա մի անգամ ևս, տասներորդ անգամ լինելով, Մենք գալիս ենք դեպի ձեզ, Մենք նորից ձեզ հետ ենք: 1977-ի Նոր տարվա այգաբացին, Մենք ներկայանում ենք ձեր դռանը և բախում ենք այն (Հայտն. Գ. 20): Բա՛ց արեք, խնդրում ենք ձեզ: Մենք ավանդական ուխտավորն ենք, որն անցնում է աշխարհի ճամփաներով առանց երբեք հոգնելու և առանց կորցնելու իր ճանապարհը: Մենք ուղարկվել ենք՝ բերելու համար ձեզ սովորական պատգամը: Մենք խաղաղության մարգարե ենք: Այո՛, Մենք քայլում ենք գոչելով՝ Խաղաղություն, Խաղաղություն, իբրև պատգամաբերը սևեռուն մի գաղափարի, որ հին է, քայց միշտ նոր՝ ներկա ժամանակի անհրաժեշտության պատճառով, որը պահանջում է այն իբրև մի հաշտագործություն, իբրև մի պարտականություն, իբրև երանություն: Թվում է, թե խաղաղության գաղափարն ընկալվում է որպես քաղաքակրթության համարժեք և կատարյալ արտահայտություն: Չկա քաղաքակրթություն առանց խաղաղության: Բայց իրականում խաղաղությունը երբեք ամբողջական չէ, ոչ էլ՝ ապահով: Նկատած կլինեք անշուշտ, որ նույնիսկ առաջադիմության նվաճումները կարող են պատճառ դառնալ բախումների. և ինչպիսի՜ բախումների: Բարի եղեք ուրեմն ավելորդ չհամարել, ուստի և ձանձրալի, Մեր ամենամյա պատգամը ի նպաստ խաղաղության:

...Խաղաղության գաղափարը, որպես մարդկային հասարակության բուն գործունեությունը մեկ կեսի շուրջ քննացնող իդեալ, կարծես ճակատագրականորեն տեղի է տալիս այն բանի առաջ, որ աշխարհը իբրև թե անկարող լինեք կառավարելու ինքն իրեն խաղաղության մեջ և խաղաղության հետ: Խաղաղությունը ինքնըստիներյան տրված մի իրողություն չէ, եթե

* Սույն պատգամից հրատարակվում են որոշ հատվածներ:


նույնիսկ մարդկային բնության ամենախոր մղումները ձգտեն դրան: Խաղաղությունը կարգ է, և կյանքում ամեն բան, ամեն եղելություն ձգտում է կարգի, ինչպես նախահաստատված մի ճակատագրի, ինչպես նախասահմանված մի գոյապատճառի, որը սակայն իրագործվում է բազմապիսի գործոնների հետ համընթացության և համագործակցության մեջ:


...Մենք վերահաստատում ենք Մեր համոզումը. խաղաղությունը մի պարտականություն է, խաղաղությունը հնարավոր է: Այս է ահա Մեր պատգամը նորից, որ ի նկատի է ունենում քաղաքակրթության իդեալը, արձագանքում է ժողովուրդների տենչանքին, զորացնում է խոնարհ և տկար մարդկանց հույսը և, առաջ մղելով արդարությունը, ազնվացնում է ուժեղների ապահովությունը: Դա լավատեսության պատգամն է, դա ապագայի նախանշանն է: Խաղաղությունը երազ չէ, ոչ ուտոպիա, ոչ սին պատրանք: Եվ ոչ էլ Սիզիպոսի ապարդյուն աշխատանք: Խաղաղությունը կարող է երկարաձգվել և ամրապնդվել. այն կարող է ճշմարտություն պատմության ամենագեղեցիկ էջերը, ճշմարտություն ոչ միայն հզորության ու փառքի մեծապանծ հիշատակարաններով, այլև շատ ավելի լավերով՝ մարդկային առաքինության, ժողովրդական բարության, հավաքական բարեկեցության, ճշմարիտ քաղաքակրթության, այսինքն՝ սիրո քաղաքակրթության հիշատակարաններով:

...Խաղաղություն և կյանք. սրանք գերագույն բարիքներ են քաղաքացիական կարգի մեջ. և առնչակից բարիքներ: ...Եթե խաղաղություն ես ուզում, պաշտպանիր կյանքը: Կյանքը խաղաղության բարձրակետն է: Եթե մեր գործունեությունը իր մղումն ստանում է կյանքի սրբազան արժեքի գիտակցությունից, պատերազմը, որպես իրավունքի, հետևաբար և խաղաղության իշխանությունը հաստատել տալու բնական ու սովորական միջոց, փաստորեն արժեզրկվում է: Խաղաղությունը ուրիշ բան չէ, եթե ոչ իրավունքի անժխտելի գերիշխանությունը և, վերջին հաշվով, կյանքի երջանիկ հղույթնությունը:

...Վավերական և երջանիկ մի խաղաղություն ունենալու համար հարկավոր է պաշտպանել կյանքը, վերանորոգել կյանքը, առաջ մղել կյանքը... «Եթե խաղաղություն ես ուզում, ապա պատրաստի՛ր պատերազմ» բանաձևը, որ քաղաքականության մեջ բազմաթիվ հետևորդներ ունեցավ և ունի տակավին, ընդունելի չէ առանց արմատական վերապահումների (Ղուկաս ԺԴ 31): Մեր սկզբունքների համարձակ անկեղծությամբ, Մենք դատապարտում ենք «սպառնալիքությունների մրցավազքի», ժողովուրդների միջև գաղտնի մրցակցության կեղծ ու վտանգավոր ծրագիրը ռազմական գերազանցություն ձեռք բերելու նպատակով: Եթե նույնիսկ, իմաստության երջանիկ մի մնացորդի կամ մարդակործան ընդդիմադիր ուժերի հավասարակշռության լուռ, բայց արդեն իսկ վտանգավոր պահպանման շնորհիվ, պատերազմը չի պայթում (և ինչպիսի՞ պատերազմ կլինե՞ր այդ), ինչպես չափսոսալ տնտեսական միջոցների և մարդկային ուժերի այն անհաշիվ վատնումը, որ կատարում է յուրաքանչյուր երկիր՝ պահպանելու համար միշտ ավելի մեծածախս, միշտ ավելի ավերիչ իր գեներլի հանդերձանքը, ի վնաս դպրոցների, մշակույթի, գյուղատնտեսության, առողջապահության, հասարակական կյանքի համար տրամադրելի բյուջեի: Խաղաղությունը և կյանքը իրենց վրա կրում են վիթխարի և անհաշվելի բեռներ՝ պահպանելու համար կյանքի նկատմամբ մշտական սպառնալիքի վրա հիմնված մի խաղաղություն, ինչպես նաև պաշտպանելու համար կյանքը՝ շնորհիվ խաղաղության նկատմամբ

գոյություն ունեցող տեսական մի սպառնալիքի: Գուցե ասեն՝ դա անխուսափելի է: Այդպես կարող են մտածել քաղաքակրթության մասին դեռևս շատ թերի գաղափար ունեցող մարդիկ: Բայց ընդունենք գոնե, որ սահմանադրական այն մարտահրավերը, որ սպառնալիքությունների մրցավազքն է հաստատում կյանքի և խաղաղության միջև, ըստ ինքյան կեղծ մի բանաձև է, որ անհրաժեշտ է սրբազրել և առաջ անցնել: Պետք է ողջունել արդեն իսկ նախաձեռնված այն ջանքերը, որոնց նպատակն է թուլացնել և ի վերջո վերացնել այն անհեթեթ սատր պատերազմը, որն առաջ է գալիս ազգերի փոխադարձ ռազմական հզորության պրոգրեսիվ աճից, կարծես այս վերջինները ուրիշ ելք չունենային, քան թշնամիներ լինել միմյանց, և կամ կարծես անկարող լինեին նկատելու, թե միջազգային հարաբերությունների նման մի հասկացություն մի օր անխուսափելիորեն պիտի հանգեցներ խաղաղության և անհամար մարդկային կյանքերի կործանման:





**ՎԵՀԱՓԱՌ ՀԱՅՐԱՊԵՏԻ ԱՅՑԵԼՈՒԹՅՈՒՆԸ ՀԱՅԿԱԿԱՆ ՍՍՀ
ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ՆԱԽԱԳԱՀ
ԲԱԲԿԵՆ Ե. ՍԱՐԿԻՍՈՎԻՆ**

Հունվարի 18-ին, հինգշաբթի օրը, առավոտյան ժամը 11-ին, Վեհափառ Հայրապետը՝ Նոր տարվա առիթով պաշտոնական իր առաջին այցելությունը տվեց ՀՍՍՀ Գերագույն սովետի նախագահության նախագահ Բ. Ե. Սարկիսովին:

Այս առիթով Հայոց Հայրապետին ընկերակցում էին Արարատյան հայրապետական թեմի առաջնորդական փոխանորդ տ. Կոմիտաս արքեպ. Տեր-Ստեփանյանը և Ադրբեջանի հայոց թեմի առաջնորդ տ. Հուսիկ եպս. Սանթրոյանը:

Հայոց Հայրապետի և Հայաստանի Հանրապետության մեծահարգ պարոն նախագահի միջև տեղի ունեցավ ջերմ զրույց, որին ներկա էր նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը:



Քույր Եկեղեցիներ



ԱՄԱՆՈՐԻ ԵՎ ՓՐԿԶԻ ՀՐԱՇԱՓԱՌԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ ՔՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

Հոռմեական կաթոլիկ եկեղեցու Քահանայապետ, Նորին Սրբություն
ՊՈՂՈՍ Զ ՊԱՊԻՆ (Հոռմ),
Կոստանդնուպոլսի հունաց տիեզերական Պատրիարք, Նորին Սրբություն
ԴԵՄԵՏՐԻՈՍԻՆ (Ստամբուլ),
Մոսկվայի և համայն Ռուսաստանի Պատրիարք, Նորին Սրբություն
ՊԻՄԵՆԻՆ (Մոսկվա),
Ալեքսանդրիայի և համայն Աֆրիկայի հունաց ուղղափառ եկեղեցու
Պատրիարք, Նորին Սրբություն ՆԻԿՈՂԱՅՈՍ Զ-ԻՆ
(Ալեքսանդրիա),
Երուսաղեմի հունաց ուղղափառ եկեղեցու Պատրիարք, Նորին Սրբություն
ԲԵՆԵԴԻԿՏՈՍ Ա-ԻՆ (Երուսաղեմ),
Ղպտի ուղղափառ եկեղեցու Պատրիարք, Նորին Սրբություն
ԱՄԲԱ ՇԵՆՈՒԴԱ Գ-ԻՆ (Ալեքսանդրիա),
Անտիոքի և համայն Արևելքի հունաց ուղղափառ եկեղեցու Պատրիարք,
Նորին Սրբություն ԷԼԻԱՍ Դ-ԻՆ (Դամասկոս),
Համայն Եթովպիայի Պատրիարք, Նորին Սրբություն
ԱԲՈՒՆԱ ՏԵԿԼԵ ՀԱՅՄԱՆՈՏԻՆ (Ադիս-Աբեբա),

Հնդկաստանի և Արևելքի մալարար եկեղեցու կաթողիկոս, Նորին
Սրբություն ԲԱՍԻԼԻՈՍ ՄԱՐԹՈՄԱ ՄԱՏԹԵՈՍ Ա - Ի Ն,
(Բոթալամ),

Համայն Վրաց Պատրիարք-կաթողիկոս, Նորին Սրբություն
ԴԱՎԻԹ Ե - Ի Ն (Թբիլիսի),

Ռումին օրթոդոքս եկեղեցու Պատրիարք, Նորին Սրբություն
ԺՈՒՍՏԻՆ ԻԱՆԻՆ (Բուխարեստ),

Բուլղար օրթոդոքս եկեղեցու Պատրիարք, Նորին Սրբություն
ՄԱԶՍԻՄԻՆ (Սոֆիա),

Անտիոքի և համայն Արևելքի հույն կաթոլիկ եկեղեցու Պատրիարք, Նորին
Սրբություն ՄԱԶՍԻՄՈՍ Ե ՀԱԶԻՄԻՆ (Դամասկոս),

Անտիոքի ասորի կաթոլիկ եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՅԵԿ Բ - Ի Ն (Բեյրութ),

Քենթրբերիի արքեպիսկոպոս, համայն Անգլիայի եպիսկոպոսապետ և
միտրոպոլիտ, Նորին Գերաշնորհություն
ՅՐԵԴԵՐԻԿ ԴՈՆԱԼԴ ԿՈԳԱՆԻՆ (Լոնդոն),

Աթենքի և համայն Հելլադայի միտրոպոլիտ, Նորին Գերաշնորհություն
ՍԵՐԱՖԻՄԻՆ (Աթենք),

Սերբիայի և համայն Հարավսլավիայի Պատրիարք, Նորին Սրբություն
ՀԵՐՄԱՆԻՆ (Բելգրադ),

Վարշավայի և համայն Լեհաստանի միտրոպոլիտ, Նորին Գերաշնորհություն
ՎԱՍԻԼԻՆ (Վարշավա),

Պրագայի և համայն Չեխոսլովակիայի միտրոպոլիտ, Նորին
Գերաշնորհություն ԴՈՐՈՅԵՆ (Պրագա),

Հայ կաթոլիկ եկեղեցու Պատրիարք, Նորին Ամենապատվություն
ՀՄԱՅԱԿ ՊԵՏՐՈՍ ԿԵՏԻԿՅԱՆԻՆ (Բեյրութ),

Կիպրոսի արքեպիսկոպոս, Նորին Գերաշնորհություն
ՄԱԿԱՐԻՈՍԻՆ (Նիկոզիա),

Եկեղեցիների համաշխարհային խորհրդի ընդհանուր քարտուղար
դոկտ. ՅԻԼԻՊ ՓՈԹԸՐԻՆ (Ժնև),

Վատիկանի պետական քարտուղար, Նորին Ամենապատվություն
կարդինալ ԺԱՆ ՎԻԼԼՈՅԻՆ (Վատիկան),

Վիեննայի արքեպիսկոպոս, Նորին Ամենապատվություն
կարդինալ ՖՐԱՆՅ ԿՅՈՆԻԳԻՆ (Վիեննա),

Փարիզի արքեպիսկոպոս, Նորին Ամենապատվություն
կարդինալ ՖՐԱՆՍՈՒԱ ՄԱՐՏԻՆ (Փարիզ),

Լիոնի արքեպիսկոպոս, Նորին Ամենապատվություն
կարդինալ ԱԼԵԿՍԱՆԴՐ ՌԸՆԱՐԻՆ (Լիոն),

Քրիստոնեական միության քարտուղարություն նախագահ, Նորին
Ամենապատվություն կարդինալ ԺԱՆ ՎԻԼԼԵՐԱՆԴՍԻՆ (Վատիկան),

Մարսելի արքեպիսկոպոս, Գերաշնորհ
ՌՈԺԵ ԷԶԵԿԱՐԱՅԻՆ (Մարսել),

Լատվիական ՍՍՀ ավետարանական-լուծարական եկեղեցու արքեպիսկոպոս,
Նորին Գերազանցություն Յ. Պ. ՄԱՏՈՒԼԻՍԻՆ (Ռիգա),

Էստոնական ՍՍՀ ավետարանական-լուծարական եկեղեցու արքեպիսկոպոս,
Նորին Գերազանցություն ԱԼՖՐԵԴ ՏՈՈՄԻՆԳԻՆ (Տալլին),

Միջին Արևելքի հայ ավետարանական եկեղեցիների միության նախագահ,
Վերապատվելի ՀՈՎՀԱՆ ՆԵՍՍԱՀԱՐՈՆՅԱՆԻՆ (Բեյրութ),

Ֆրանչիսկյան միաբանության կուստոդ
ՄԱՌԻՐԻԻՈՍԱԿԿԻՆ (Երուսաղեմ),
 Խաղաղության համաքրիստոնեական կոնֆերանսի գլխավոր քարտուղար
 դոկտ. **ԿԱՐՈԼԻՏՈԹԻՆ** (Պրագա),
 Իրաքի պապական նվիրակ, Գերաշնորհ
ԺԱՆՌՅՈՒՊԻՆ (Բաղդադ),
 Մխիթարյան ուխտի աբբահայր, Գերապայծառ Հայր
ՊՈՂՈՍ վարդապետ ԱՆԱՆՅԱՆԻՆ (Վենետիկ),
 Մխիթարյան ուխտի աբբահայր, Գերապայծառ Հայր
ԳՐԻԳՈՐԻՍ վարդապետ ՄԱՆՅԱՆԻՆ (Վիեննա),
 Վերապատվելի **ՀԱՐՈՒԹՅՈՒՆ ՀԵԼՎԱԾՅԱՆԻՆ** (Մայսել),
 Վերապատվելի **ՎԱՀԱՆ Հ. ԹՈՒԹԻԿՅԱՆԻՆ** (Նյու-Յորք),

«Քրիստոս ծնաւ և յայտնեցաւ»:

Մեր Տիրոջ և Փրկչի սուրբ Ծննդյան ավետիսով, երջանիկ ենք Ձերոյ
 Սրբությանն առաքելու Մեր եղբայրական ողջույնը ամենաբարի մաղթանք-
 ներով, որ Ձեր հովվապետական սրբազան առաքելությունը միշտ լուսավորվի
 պտղառատ արդյունքներով՝ ի փառս ձեր պատմական մեծ եկեղեցու և ի կեն-
 սագործուն մասնաճյուղի և ի մարդիկ հաճության երկնառաք պատգամ-
 ների:

Հուսացյալ և ուրախ սրտով մաղթում ենք Ձեզ քաջառողջ երկար տարի-
 ներ խաղաղ ու սրնշատ օրերով:

Եղբայրական ամենաջերմ գնահատանքով ու հարգալից սիրով ի Քրիս-
 տոս՝

ՎԱԶԳԵՆ Ա


ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
 ԱՄԵՆԱՅՆ ՀԱՅՈՑ


Ա. Էջմիածին

*
 *

Ամենայն Հայոց Վեհափառ Հայրապետի՝ Ամանորի և Փրկչի հրաշափառ և
 սուրբ Ծննդյան շնորհավորական գրություններին ի պատասխան ստացվել են
 քույր եկեղեցիների հոգևոր պետերի և կրոնական այլ համայնքների ու կազ-
 մակերպությունների ղեկավարների՝ այդ առթիվ ուղարկված ջերմագին
 շնորհավորական հեռագրեր ու գրություններ, որոնցում մի անգամ ևս պայ-
 ծատորեն արտահայտվում է քրիստոնեական եղբայրության ու համագոր-
 ծակցության սրտագին ոգին քույր եկեղեցիների ու կրոնական այլ համայնք-
 ների և կազմակերպությունների միջև:

Հանուն Հայոց Հայրապետի ջերմ շնորհակալություն ենք հայտնում
 ստացված պատասխան շնորհավորականների համար:





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ
ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ
ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Քրիստոս ծնաւ և յայտնեցաւ»:

Այս լուս առավոտյան, երբ մեծ ավետիսովը Քրիստոսի սուրբ Ծննդյան
երկնքի բարձունքներեն մեր հոգիներուն բոլոր առատապես կբաշխվի հրեշ-
տակներուն երգը «խաղաղութեան և ի մարդիկ հաճութեան», Մենք առաջին
սպասավորը մեր եկեղեցվո ու ժողովուրդի, բերկրյալ սրտով ողջուն և օրհ-
նություն կբերենք Ձեզ, միաբանության և համայն Մեր հավատացյալ զա-
վակներուն, այն մշտանորոգ անմար հույսով, թե մարդկային աշխարհը
քաղցրությամբ պիտի ընդունի սուրբ Ծննդյան երկնային պատգամը ու պի-
տի դավանի զայն իբրև իր կյանքի ու ճակատագրի փրկության գերագույն
հրամայականը:

Խաղաղությունն ու հաճությունը թող իջնեն նաև հայ եղբայրներու եկե-
ղեցական ու ազգային կյանքեն ներս, հառավել պայծառացում մեր ժողո-
վուրդի հոգևոր ու մշակութային առաքելության:

Վասնզի հայ ազգը իր նախնյաց հավատքով, իր մայր եկեղեցիով ու
իր ոգեծին մշակությամբ, լուսաբաշխ առաքելություն մը կհանդիսանա մարդ-
կության ու պատմության հորիզոնին վրա:

Սուրբ Ծննդյան շնորհներով, ավելի խաղաղություն աշխարհին համայն, ավելի հանություն ի մարդիկ բոլոր:

Նաև առավել լույս ու խաղաղություն մեր սուրբ եկեղեցիին, առավել սեր և միություն համայն ազգիս հայոց:

Քրիստոսակառույց սուրբ Էջմիածնեն և Մեր սրտեն Ձեզ սիրո ողջույն ամենաբարի մաղթանքներով հանդերձ:

«Ընորհք և խաղաղութիւն Տեառն մերոյ Յիսուսի Քրիստոսի եղիցին ընդ ձեզ. ամէն»:

Վ Ա Ջ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. Էջմիածին

•
•

Ամանորի և ս. Ծննդյան տոների ստիպ Ամենայն Հայոց Վեհափառ Հայրապետի առումով ստացվեցին ամենաջերմ և հարգալից զգացմունքներով զեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, թեմական-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:





ՍՈՒՐԲ ԳՐԱԿԱՆ ԸՆԹԵՐՑՈՒՄՆԵՐ

ՀԻՍՈՒՍԻ ԾՆՈՒՆԳԸ ԵՎ ՀՈՎԻԿՆԵՐԻ ԱՅՑԸ

Այն օրերին Օգոստոս կայսեր կողմից հրաման էլավ՝ ամբողջ երկրում մարդահամար անելու համար: Այս առաջին մարդահամարը տեղի ունեցավ, երբ Կյուրենիոսը կուսակալ էր Ասորիքում: Եվ բոլորը գնում էին արձանագրվելու մարդահամարի՝ յուրաքանչյուրն իր քաղաքում: Հովսեփն էլ Դավթի տնից և ազգից լինելով՝ Գալիլիայի Նազարեթ քաղաքից էլավ-գնաց դեպի Հրեաստան՝ Դավթի քաղաքը, որը Բեթղեհեմ է կոչվում, մարդահամարի մեջ արձանագրվելու Մարիամի հետ, որi ցրա հետևանքով էր և հղի էր: Եվ երբ արանք այնտեղ հասան, արա ծննդաբերելու օրերը լրացան, և նա ծնեց իր անդրանիկ որդուն, խանձարուրի մեջ փաթաթեց արան ու դրեց մսուրի մեջ, որովհետև իջևանում արանց տեղ չկար:

Եվ այդ շրջանում բացօթյա բնակվող հովիվներ կային, որոնք իրենց հոտերի գիշերային պահպանությունն էին անում: Եվ Տիրոջ հրեշտակը երևաց արանց, Տիրոջ փառքը ծագեց արանց շուրջը, ու արանք սաստիկ վախեցան: Եվ հրեշտակը ասաց արանց. «Մի՛ վախեցեք, որովհետև ահա ձեզ մեծ ուրախություն էմ ավետում, որը ամբողջ ժողովրդինը կլինի. որովհետև այսօր Դավթի քաղաքում ձեզ համար ծնվեց մի Փրկիչ, որ օծյալ Տերն է: Եվ սա՛ ձեզ համար նշան կլինի. խանձարուրով փաթա-

թած և մսուրի մեջ դրված մի մանուկ կգըտնեք»: Եվ հանկարծակի այդ հրեշտակի հետ երևաց երկնային զորքերի մի բազմություն, որ օրհնում էր Աստծուն ու ասում. «Փա՛ռք Աստծուն՝ բարձունքներում, և երկրի վրա խաղաղություն և հաշտություն՝ մարդկանց մեջ»: Եվ երբ հրեշտակները արանցից հեռանալով երկինք բարձրացան, հովիվներն ասացին միմյանց. «Եկեք գնանք մինչև Բեթղեհեմ և տեսնենք, թե ի՛նչ բան է այս եղածը, որ Տերը մեզ ցույց տվեց»: Եվ արանք շտապով եկան ու գտան Մարիամին ու Հովսեփին և մսուրի մեջ դրված մանկանը: Եվ ճանաչեցին արան այն խոսքից, որ իրենց ասվել էր մանկան մասին: Եվ բոլոր լսողները զարմանում էին այն բաների վրա, որ հովիվները ասացին իրենց: Իսկ Մարիամը այս բոլոր բաները պահում էր իր մեջ և իր սրտում խորհում: Եվ հովիվները վերադարձան. փառավորում և օրհնում էին Աստծուն այն ամենի համար, որ լսեցին ու տեսան, ինչպես իրենց պատմվել էր:

(Դով. Բ 1—20)

ՄՈԳԵՐԻ ԵՐԿՐՊԱԳՈՒԹՅՈՒՆԸ

Երբ Հիսուս ծնվեց Հրեաստանի Բեթղեհեմ քաղաքում, Հերովդես արքայի օրով, ահա արևելքից մոգեր եկան Երուսաղեմ և ասացին. «Ո՛ր է հրեաների արքան; որ ծնվեց, որովհետև արա աստղը տեսանք արևելքում և եկանք արան երկրպագելու»:

Եվ երբ Հերովդես արքան լսեց այս, խռովեց, նրա հետ՝ և ամբողջ Երուսաղեմը: Եվ հավաքելով բոլոր քահանայապետներին ու ժողովրդի դպիրներին՝ հարցրեց նրանց, թե ո՞ւր պիտի ծնվի Քրիստոսը: Եվ նրանք ասացին նրան. «Հրեաստանի Բեթղեհեմ՝ քաղաքում, որովհետև մարգարեի միջոցով այսպես է գրված. «Եվ դու, Բեթղեհեմ, Հուդայի՝ երկիր, Հուդայի իշխողների մեջ փոքրագույնը չես. քեզնից մի իշխան պիտի ելնի ինձ համար, որ պիտի հովվի իմ ժողովրդին» Իսրայելին»:

Այն ժամանակ Հերովդեսը գաղտնի կանչեց մոգերին և նրանցից ստուգեց աստղի երևալու ժամանակը: Եվ նրանց Բեթղեհեմ ուղարկելով՝ ասաց. «Գնացե՛ք, ստույգ իմացե՛ք մանկան մասին և երբ գտնե՛ք, տեղեկացրե՛ք ինձ, որպեսզի ես էլ գամ-երկրպագեմ նրան»: Եվ նրանք երբ թագավորից լսեցին այս, գնացին: Եվ ահա այն ատուղը, որ տեսել էին արևելքում, առաջնորդեց նրանց, մինչև որ եկավ-կանգնեց այն տեղի վրա, ուր մանուկն էր: Երբ աստղը տեսան, չափազանց ուրախացան: Եվ երբ այն տունը մտան, տեսան մանկանը իր մոր՝ Մարիամի հետ միասին և ընկան ու երկրպագեցին նրան. և բանալով իրենց գանձերը՝ նրան նվերներ մատուցեցին՝ ոսկի, կնդրուկ և գնդուս: Եվ երազի մեջ հրաման ստանալով չվերադառնալ Հերովդեսի մոտ, այլ ճանապարհով գնացին իրենց երկիրը:

(Մատթ. Բ 1—12)

ԵՎ ԲԱՆՆ ՄԱՐՄԻՆ ԵՂԵՎ

Սկզբից էր Բանը, և Բանը Աստուծո մոտ էր, և Բանը Աստված էր: Նա սկզբից Աստուծո մոտ էր: Ամենայն ինչ նրանով եղավ. և առանց նրան չեղավ ոչինչ, որ եղել է: Կյանքը նրանով էր: Եվ այդ կյանքը մարդկանց լույս էր: Եվ լույսը խավարի մեջ լուսավորում է, և խավարը նրան չնվաճեց:

Կար մի մարդ՝ Աստծուց ուղարկված.

նրա անունը՝ Հովհաննես: Սա եկավ որպես վկա, որպեսզի վկայի լույսի մասին, որ բոլորը նրա միջոցով հավատան: Ինքը լույսը չէր, այլ եկել էր, որ վկայի լույսի մասին:

Նա էր ճշմարիտ լույսը, որ լուսավորում է ամեն մարդու, որ գալու է աշխարհ: Նա աշխարհի մեջ էր, և աշխարհը նրանով եղավ, սակայն աշխարհը նրան չճանաչեց: Յուրաչինների մոտ եկավ, քայց յուրաչինները նրան չընդունեցին: Իսկ ովքեր նրան ընդունեցին, նրանց իշխանություն տվեց լինելու Աստուծո որդիներ, նրանց, որոնք իր անվանը կհավատան: Նրանք ո՛չ արյունից, ո՛չ մարմնի կամքից և ոչ էլ այր մարդու կամքից, այլ Աստծուց ծնվեցին: Եվ Բանը մարմին եղավ ու բնակվեց մեք մեջ, և տեսանք նրա փառքը, որպես փառքը Միածնի՝ Հոր կողմից՝ լի շնորհով ու ճշմարտությամբ:

Հովհաննեսը վկայում էր նրա մասին, աղաղակում և ասում. «Սա՛ է, որի մասին ասացի: Նա, որ իմ ետևից էր գալու, ինձնից առաջ եղավ, որովհետև ինձնից առաջ կար»: Մենք բոլորս նրա լիկությունից ստացանք շնորհ՝ շնորհի փոխարեն. որովհետև օրենքը Մովսեսի միջոցով տրվեց, իսկ շնորհը և ճշմարտությունը Հիսուս Քրիստոսի միջոցով եղան:

Աստծուն ոչ ոք երբեք չի տեսել, քացի միայն միածին Որդուց, որ Հոր ծոցում է. նա՛ հայտնեց:

(Հովհ. Ա 1—18)

ԵԿԵՂԵՑԻՆ ԵՎ ԱՍՏՎԱԾԱՊԱՇՏՈՒԹՅԱՆ ՄԵԾ ԽՈՐՀՈՒՐԴԸ

Եվ հայտնապես մեծ է աստվածապաշտության խորհուրդը, որ երևաց մարմնով, արդարացալ հոգով, հայտնվեց հրեշտակներին, քարոզվեց հեթանոսների մեջ, ընդունելի եղավ աշխարհում և վերացավ փառքով:


(Ա Տիմոթ. Գ 16)



ՀԱՂՈՐԴԱԳՐՈՒԹՅՈՒՆ

Մայր Աթոռի Դիվանը հայտնում է հանրությանն ի գիտություն, թե Նորին Սրբություն Ս. Տ. Վազգեն Ա կաթողիկոսի հովանավորության ներքո լիբանանահայ կարոտյալների օգտին հանգանակված են առ 31 դեկտեմբեր 1976 թվականը ստորև նշված գումարները և նույն տարվա ընթացքում մաս առ մաս փոխանցված են ամբողջությամբ Վեհափառ Հայրապետի՝ Բեյրութում կազմած «Լիբանանահայ օգնության հանձնախմբին»՝ ընդ նախագահությամբ տիար Հովհաննես Գասարճյանի.

1. Մայր Աթոռից	20000.00 դոլար
2. Նյու-Յորքի առաջնորդարանի միջոցով	20998.80 դոլար
3. Նյու-Յորքի առաջնորդարանի միջոցով	4998.80 դոլար
4. Գալուստ Կյուլպենկյան հաստատությունից	10000.00 դոլար
5. Ժնևից՝ հանգանակիչ հանձնաժողովի միջոցով 35000 շվեյցարական ֆրանկ	13618.65 դոլար
6. Լոնդոն՝ հանգանակիչ հանձնաժողովի միջոցով՝ 5000 ստեռլինգ (Ս. Սարգիս եկեղեցու Թրատտիից 2500 ստեռլինգ, մնացյալը՝ 297 նվիրատուներից)	8575.00 դոլար
7. Տիար Նասպոլեոն Պուլլոքյան (Լիոն)	5000.00 դոլար
8. Տիար Երվանդ Հյուսիսյան (Միլան)	5000.00 դոլար
9. Տիար Կոպեռնիկ Սեֆերյան՝ 2000 դոլար (Բուենոս-Այրես)	1998.80 դոլար
10. Տիար Հակոբ Սեֆերյան (Միլան)	2000.00 դոլար
11. Տիար Կ. Փափազյան (Վիեննա)՝ 7500 շվեյցարական ֆրանկ	2912.62 դոլար
12. Վիեննայի Ուսանողների միություն՝ 52100 շիլլինգ	2824.79 դոլար
13. Ժնևի հանգանակիչ հանձնաժողովից՝ 3500 շվեյցարա- կան ֆրանկ	1400.00 դոլար
14. Լիոնից՝ 1162 շվեյցարական ֆրանկ	451.26 դոլար
15. Ավստրալիայից՝ անանուն նվիրատու	400.00 դոլար
16. Անանուն նվիրատու	523.80 դոլար
17. Չորս անանուն նվիրատուներ	167.02 դոլար
18. Մայր Աթոռի հաշվից լրացում	300.00 դոլար
Ընդամենը՝	101169.54 դոլար
Փոխանցված է Բեյրութի «Լիբանանահայ օգնության հանձնախմբին»	97767.84 դոլար
Մնացորդ՝	3401.70 դոլար



Բացի վերոհիշյալ գումարներից, Ֆրանսիայի շրջանում, ընդ նախագահությանը հայրապետական պատվիրակ գերաշնորհ յո. Սերուբե արքեպիսկոպոս Մանուկյանի, հանգանակիչ հանձնաժողովի կողմից հանգանակված է (1.031.624 ֆրանսիական ֆրանկ) շուրջ 210.000 դոլար, և նվիրատուների ցուցակները հրապարակված են Փարիզի «Յառաջ» և «Աշխարհ» թերթերում, հետևյալ թվականներին՝ 1975-ի 10 և 18 դեկտեմբերին, 1976-ի 3 և 23 հունվարին, 11 և 17 փետրվարին, 4 և 11 մարտին, 8 ապրիլին, 18 մայիսին, 14 սեպտեմբերին, 21 հոկտեմբերին, 11 և 21 դեկտեմբերին:

Ֆրանսահայ նվիրատուներից զանձված գումարները հանգանակիչ հանձնաժողովի կողմից փոխանցված են ուղղակի Բեյրութ՝ «Լիբանանահայ օգնության հանձնախմբին»:


Որով, առ 31 դեկտեմբեր 1976 թ. Մայր Աթոռի հովանավորության ներքև հանգանակված ընդհանուր գումարը կազմում է 307.767 դոլար՝ ամբողջությամբ փոխանցված Բեյրութի «Լիբանանահայ օգնության կենտրոնական հանձնախմբին»: Չփոխանցված մնում է Մայր Աթոռում 3401 դոլար:

Մայր Աթոռս իր խորին շնորհակալությունն է հայտնում վերոհիշյալ բոլոր քարեփրտ նվիրատուներին, ինչպես նաև իր սրտագին գնահատանքը՝ Բեյրութի «Լիբանանահայ օգնության հանձնախմբին» և բոլոր հանգանակիչ մարմիններին:

ԴԻՎԱՆ ՄԱՅՐ ԱԹՐՈՒ

Ա. Էջմիածին,
26 հունվարի 1977 թ.





ԱՄԱՆՈՐԸ ՄԱՅՐ ԱԹՈՌՈՒՄ

Ժամանակ հասկացությունը և նրա խորհուրդը միշտ էլ հուզել է մարդկության և՛ հոգեկան, և՛ մտային աշխարհը: Այդ մեծ խորհուրդի ժամանակադարձի պահը մենք ապրում ենք և այսօր, 1976 թվականի ավարտին, երբ հին ժամանակի վերջին կրցվում է նորի սկիզբը՝ ցույց տալով, որ անվերջ կրկնվող նորը միշտ հին շարունակությունն է և զարգացումը:

Ժամանակի այս դարձակետին լուրաքանչյուր անհատ, լուրաքանչյուր մտածող էակ իսկապես շատ լուրջ խորհրդածությանց նյութ ունի՝ ի՞նչ է արել հին տարում, որքա՞ն է կարողացել օգտագործել իր ժամանակը: Նպատակային որևէ բան արե՞լ է ինչպես հասարակության, այնպես էլ իր կամ ընտանիքի համար:

Նոր տարվա սեմին մարդն իրեն ավելի երիտասարդ, կայտառ ու ժիր է զգում, մտածելով, որ հաղթահարել է կյանքի դժվարությունները և հասել այդ նորացած օրին:

Այս երկրորդ տարին է արդեն, որ Մայր Աթոռի միաբանությունը, Վեհափառ Հայրապետի նախագահությամբ, հոգևոր ճեմարանի դասախոսական կազմով և ուսանողներով նոր տարին դիմավորում է վերակառուցված Ղազարապատի միաբանական սեղանատանը: Ինչպես ժամանակի խորհուրդը, այնպես էլ այդ սեղանատունը լուրահատուկ խորհրդավորություն է ստեղծում այնտեղ մտնողների համար: Կամարակապ կառույցի, քանդակների, սրբապատկերների առկայությունը և հոգևորականների խոհուն ներկայությունն արդեն իսկ մի խնկարույր մթնոլորտ են ստեղծում:

Միաբանական սեղանատունն իր հյուրերին դիմավորում է Մայր Աթոռի բարիքնե-

րով ծանրաբեռնված սեղաններով: Վեհափառ Հայրապետն օրհնում է լի սեղանը: Այնուհետև գործադրության է դրվում օրվա հանդիսությանը նվիրված գեղարվեստական ճոխ ծրագիրը: Հոգևոր ճեմարանի սաները, երաժշտության դասախոս խորեն Մեյխանեջյանի գլխավորությամբ, մեծ ոգեվորությամբ կատարում են ճեմարանի քայլերգը, «Հայրապետական մաղթերգ»-ը և «Էջ Միածինն ի Հօրե» շարականը...

Այնուհետև հոգևոր ճեմարանի փոխ-տեսուչ տ. Անանիա վրդ. Արաքսյանը, ի դիմաց հոգևոր ճեմարանի դասախոսական կազմի, ընթերցում է, Վեհափառ Հայրապետին նվիրված, իր գրած հետևյալ ձոն-ուղերձը.

«Աստուած մեծ, հօգօր և փառաւորեալ,
Տարեմուտի յայսմ յերեկոյիս
Ընկալ գմաղթանս արտից մերոց,
Եւ լուր աղօթից ծառայից քոց:

Աստուածարեալ և սուրբ Հայրապետին
մերոյ

Ծառայիդ Քո Վազգենի

Ծնորհեա, Տէր,

Իմաստութեամբ և փառօք Քո՝

Աւուրս բազո՛ւմ, բազո՛ւմ:

Զօրութիւն Քո, Տէր, և սուրբ Աջ Քո

Եղիցին ի վերայ Նորա, և

Յաստուածահաճոյ գործս Նորա

Որպէս պարգևք Քո:

—Վազգէ՛ն, յԱստուծոյ կոչեցեալ,

Հայրապետ իմաստուն և շինարար,

Եղիցին ւսուրբ Քո

Իբրև զերկինս պայծա՛ռ, պայծա՛ռ»:

Ապա հրավիրվում է Վեհափառ Հայրապետը՝ Իր օրհնությունն ու պատգամը տա-

լու բոլոր ներկայներին՝ Նոր տարվա ուրախ առիթով.

ՎԵՀԱՓԱՆ ՀԱՅՐԱՊԵՏԻ ԽՈՍԲԸ ԱՄԱՆՈՐԻ ՍԵՂԱՆԻՆ

«Նոր տարին եկավ-հասավ և արդեն մեր դռան մոտ է գտնվում, մաղթենք բարի գալուստ նոր տարիին՝ 1977 թվականին: Մեզ գանից ամեն մեկը, բնական կերպով, իր կյանքի ճանապարհը չափում է տարիների վազքով և ահա այդ վազքի՝ մեր կյանքի ճանապարհին մենք բոլորս, մենք ավելի տարեցներս և դուք՝ երիտասարդներդ, դիմավորում ենք մի նոր տարեշրջան: Եվ տարվե-տարի հյուսվում է մեզանից ամեն մեկի կյանքի պատմությունը:

Նոր տարին բացառիկ գրավչական ուժ ունի, ինչպես զգում ենք բոլորս: Ոչ միայն մենք, այլև մեր ամբողջ ժողովուրդը և ամբողջ աշխարհը: Գուցե չենք սխալի, եթե ասենք, որ միակ տոնակատարությունն է, որի շուրջ որևէ անհամաձայնություն չկա, որին մասնակցում են այս երկրագնդի բոլոր բնակիչները՝ լինեն քրիստոնյաներ կամ այլ կրոնքների պատկանողներ. ասենք մահմեդականներ, բուդդայականներ, մուսուսականներ, և տակավին նաև տոնն է բոլոր այն մարդկանց, որոնք որևէ կրոնք չունեն:

Այսպես ուրեմն, բոլոր մարդիկ սիրով, ոգևորությամբ դիմավորում են Նոր տարին, բոլոր մարդիկ անխտիր, անկախ կրոնական հասկացություններից»:

Այնուհետև Վեհափառ Հայրապետը շեշտում է այն միտքը, թե Նոր տարին նաև կրոնական բնույթ ունի մանավանդ քրիստոնյա աշխարհի համար, որովհետև Նոր տարին Քրիստոսի ծննդյան տարեդարձն է, և 1977 թվականը պատմականորեն հաշվվում է Քրիստոսի ծննդյան տարուց: «Եվ ասիկա պատահական երևույթ չէ,—ասում է Վեհափառ Հայրապետը,—նշանակում է, որ Քրիստոսի ծնունդը, նրա կյանքի ու աստվածահայտության խորհուրդը այնքան ցնցող է եղել մարդկային պատմության ճանապարհի վրա, որ մարդկության ողջ պատմությունը բաժանվել է երկու դարաշրջանների՝ Քրիստոսից առաջ և Քրիստոսից հետո: Ահա այս գիտակցությամբ է մանավանդ, որ մենք՝ քրիստոնյաներս պետք է մոտենանք Նոր տարվա խորհրդին և աշխատենք արժանի լինել Նրա որդիները, Նրա հետնորդները կոչվելու, այսինքն բարի, ազնիվ քրիստոնյաներ լինելու մեր ամենօրյա կյանքով, մեր աշխատանքների, մեր մտածումների, մեր երազանքների և մեր ապագա գործունեության մեջ:

Այս գիտակցությամբ պետք է մոտենանք և ըմբռնենք գՔրիստոս և Նրա վարդապետությունը: Ուրեմն, սիրելիներ, մանավանդ երիտասարդներ, ձեզ ենք ուղղում Մեր հայրական խոսքը: Նախ շնորհավորում ենք ձեր Նոր տարին անշուշտ, և Մեր խոսքը ուղղելով ձեզ՝ թելադրում ենք, որ տարվա ընթացքին միայն մի քանի կարևոր առիթներով չէ, որ հիշեք թե քրիստոնյաներ եք, այլ տևապես, ձեր ամեն մեկ գործողության կամ աշխատանքի ընթացքին, որպեսզի ճշմարտապես դառնաք մեր ժողովրդի հավատավոր զավակներ և մեր եկեղեցու հավատարիմ ծառայողները: Իրականությունն է, արտասահմանում մանավանդ, որտեղ որ հայեր ապրում են, նրանց կյանքի կենտրոնում գտնվում է հայկական եկեղեցին, և մյուս բոլոր տեսակի գործունեությունները՝ մշակութային, գիտական, գեղարվեստական, մարզական և քարեպորակա և այլն, բոլորն էլ համախմբվում են եկեղեցու շուրջ: Եվ եկեղեցու միջոցով այդ գործունեությունները ավելի արժևորվում են, և մեկ ուղղությամբ, շիտակ ուղղությամբ ծառայում են հայ ժողովրդի պահպանմանը, հայ ժողովրդի հոգու պահպանմանը, և հայոց լույս հավատի փառավորմանը:

Ինչպես անցյալ դարերի ընթացքին, այսօր էլ տեսնում ենք, որ նույն ճշմարտությունը կա և մնում է անասան հայ ժողովրդի կյանքում: Ուրեմն Մենք մտածում ենք և մաղթում՝ որ դուք ըմբռնեք մեր եկեղեցու այս դերը, ապագային էլ՝ ձեր աշխատանքի նպատակը և դառնաք մեր սուրբ հավատքի զինվորները:

Այս մտածումներով կրկին անգամ շնորհավորում ենք բոլորիդ, բաշխելով ամենիդ Աստծու օրհնությունը, գոչելով. կեցցե Մայր Աթոռ ս. Էջմիածինը, կեցցե Հայաստանյայց առաքելական ս. եկեղեցին»:

Այնուհետև երգչախումբը կատարում է «Հայաստան աշխարհ», «Կենաց երգ» խմբերգերը: Ա լսարանի ուսանող Վահրամ Տերտերյանն արտասանում է Միապ Մեծարեցի «Արդի մարդու հայր մերը»: Երգչախումբը կատարում է դարձյալ խինդ ու եռանդ ներշնչող «Սեղանն է ստառ» ու «Գարուն Երևան» երգերը:

Ի դիմաց դասախոսական կազմի «Էջմիածին» ամսագրի խմբագիր Ա. Հատիսյանը շնորհավորում է Վեհափառ Հայրապետի Նոր տարին հետևյալ խոսքով.

«Վեհափառ Տեր,

Ամանորի այս նվիրական երեկոյին Ձեր շնորհաբեր ներկայությանը Մայր Աթոռի բարիքներով ծանրաբեռն Նոր տարվա սեղանների շուրջ հավաքվել են դարձյալ Մայր

Աթոռի միաբանությունը, թեմակալ առաջնորդ արքայանքները, հոգևոր ճեմարանի դասախոսական կազմն ու ուսանողությունը, մայրավանքի աշխատավորության ղեկավար անձնավորություններ և այլ հրավիրյալներ՝ ճանապարհելու հին տարին, որն արդեն պատմություն է դարձել, և նոր հույսերով, երազանքներով, հավատքով ու աշխատանքային նոր նվաճումներով դիմավորելու նորը, որը գալիս է որպես աղոթքի և կառուցումների նոր մատյան՝ լցվելու համար աստվածահաճո և հայրենամկեր անհատական ու հավաքական սխրանքներով:

Թույլ տվեք, Վեհափառ Տեր, որ Ամանորի այս ուրախ ու տոնական առիթով իմ մի քանի մտորումներն ու խոսքերը, որպես հոգևոր ճեմարանի դասախոսի, ուղղված լինեն հատկապես մեր ուսանողությանը, որոնք Ձեր հայրական նալվածքի ներքո հատնանալով այս սրբազան մթնոլորտում, վաղը շարունակելու են քրիստոնեական առաքելության ու հայրենասիրական Ձեր գործը, որպես հարազատ զավակները համագալիս այս մեծ Հաստատության, որ Մայր Աթոռ ս. Էջմիածինն է:

«Ո՛ր տալը ինձ զծուխն ծխանի և զսուսուտն նսասարդի...»:

Նոր տարին Մայր Աթոռ ս. Էջմիածնի և հայրենի հողի վրա դիմավորելը մեծ խորհուրդ ունի իր մեջ, մանավանդ մեր ճեմարանի ուսանողության համար:

Երկու սրբություններ կան մեր ժողովրդի պատմության մեջ, որոնց խորհուրդը լցրել է հայ սրտերն ու հոգիները և մեր եկեղեցական-ազգային տարեգրությունը:

Դո՛ւք, սիրելի ուսանողներ, տարիների ընթացքում սովորել եք և քաջ գիտեք մեր ժողովրդի ու եկեղեցու կյանքում սուրբ Էջմիածնի կատարած նախախնամական դերն ու առաքելությունը, հոգևոր, մշակութային ու հայրենասիրական բնագավառում:

Մեր գրականության մեծ վարպետը՝ Ավետիք Իսահակյանը, որը սովորել է Գևորգյան ճեմարանում և իր առաջին բանաստեղծությունները 1892-ին գրել այս սրբազան մթնոլորտում, հետագայում բովանդակ հայ ժողովրդի սերն ու պաշտամունքը սուրբ Էջմիածնի հանդեպ արտահայտել է հետևյալ խոսքերով.

«Ս. Էջմիածինը հայ ժողովրդի համար ազգային ամենաառաջին սրբավայրն է: Հայ ժողովուրդը հավատաց նրա հրաշագործ գործությանը, երկնից ուղարկված նրա նշանակությանը: Ս. Էջմիածինը մեր ազգային գոյության խարխիսն է, ազգային միության խորհրդանշանը: Հայ ժողովրդի զապված հայրենասիրական զգացմունքը էր գտնում նրա մեջ, կրոն և ազգություն

հոմանիշներ էին դարձել: Ստրկացված հայությունը իր մարդկային իրավունքները, հույսերը, երազանքները մարմնացրել էր ս. Էջմիածնի մեջ: Բոլոր հանդեսներում և խնջույքներում առաջին բաժակը Էջմիածնի համար էին բարձրացնում և ոտքի վրա էին երգում հիմնավորք երգերը.

«Էջ Միածինն ի Հօրե և լոյս փառաց ընդ նմա»:

«Միշտ անշարժ պահեա զԱթոռ Հայկազ-նայս»:

Հայերը Էջմիածնի անունով էին երգում և այդ երդումը հավասար էր Աստծու անունով երդումի:

Հայությունը Էջմիածնա ազգ է, Էջմիածնա ժողովուրդ:

Առանց հայ ժողովրդի չկա Էջմիածին և առանց Էջմիածնի չկա հայ ժողովուրդը:

1976 թվականի հոկտեմբերի 27-ին Մայր Աթոռ ուխտի էր եկել Վիլյամ Սարգսյանը: Վեհաբանում նա իր հուժկու բազուկների մեջ առած Հայոց Հայրապետին, մանկական անկեղծությամբ և իր հոգու ամբողջ ջերմությամբ ասում էր. «Երկրորդ անգամ կտեսնիմ հայոց թագավորին. Դու՛ն մեր ժողովրդին ճշմարիտ Վեհափառն ես»:

Այնուհետև շրջելով Նոր Վեհաբանում, Մայր տաճարում, մայրավանքի շրջապատում, իր տպավորություններն արտահայտում էր ազգային հպարտության, «Հիանալի է, զարմանալի է» խանդավառ պոռթկումներով: Իսկ Մայր Աթոռից և Հայոց Հայրապետից հրաժեշտ առնելով, Ոսկյա հուշամատյանում գրում է.

«Սուրբ Էջմիածինը հայ հոգու կենտրոնն է, սիրտը և ամբողջականությունը: Այստեղ գտնվելը հոգեկան մեծ փորձառություն է և ներքին զորացման ու անխորտակելիության մի լուսավորում, այս անցողական և խոցելի մարդկային աշխարհում: Այն միաժամանակ խոնարհության և հպարտության մի պահ է ինձ, այսօրվա այցելուիս համար»:

Իսկ մեր վերածնված հայրենիքն այսօր, իր անցյալի մոխիրներից հարություն առած հեքիաթային փյունիկի պես նորափետուր զարդարված, հայության տեսիլքով, որպես ոգեղեն մի ներշնչարան իր ոսկեդարն է կերտում բոլոր բնագավառներում, նաև որպես մեր նահատակների գեղեցիկ երազների իրականացումն ու հուշարձանը:

Քիչ հետո, ժամը 24-ին, սիրելի ուսանողներ, խմբովին մտնելու եք Մայր տաճար՝ ամփոփվելու և աղոթելու, երբ զանգերն ավետեն նոր տարվա գալուստը: Թող ձեր շրթների վրա միշտ հնչի ս. Ներսես Ծնորհալու աղոթքն այս ուսումնական տարվա ողջ ընթացքում.

«Սէր անուն Յիսուս
Սիրով քով ճնշեա
Սիրտ իմ քարեղէն...
Տենչալոյդ տեսեա՛մք
Տոբ ինձ յագենալ
Տէր Յիսուս Քրիստոս:
Հաստեա հաստով,
Հաստատեա յուսով,
Հիմնեցո սիրով»:

Ամանորի այս երեկոն արտագին բարեմաղթությունների պահ է միաժամանակ: Մեր բոլորի արտերն այս ժամուն երախտագիտությամբ և որդիական խոր սիրով ուղղված են ազգիս սրբազնագույն Հայրապետին, Որի բարձր անձնավորության մեջ մեր օրերին «Հայոց պատմությունը կքալէ և կխոսի աշխարհին»: Թող Նորին Ս. Օծությունը երկար տարիներ գահակալի ս. Լուսավորչի Աթոռի վրա՝ մարմին տալու համար Իր եկեղեցաշեն ու հայրենակներ բոլոր ծրագրերին:

Գալը բարի, նոր տարի: Թող մեր արտերը ու հայրենի ամբարներն է՛լ ավելի լեցվեն մեր աշխատանք ու ազնիվ ժողովրդի հազար բերք ու բարիքով՝ ի բարօրություն հայրենյաց:

Թող է՛լ ավելի բարգավաճի մեր վերածնված Հայոց աշխարհը, եղբայրական ժողովուրդների հզոր ու խաղաղ ընտանիքում: «Ո՛ տայր ինձ գծուխն ծխանի և առաօտն Ըստաարդի»:

Մեր բոլորի արտագին բաղձանքն է այս սրբազան պահին.

«Թող ասանին և փշրին բարձր բերդերն
անտիկ,
Եվ իյնան վար պատնեշներն զրահապատ
եությունց.
Ամեն մարդու հավասար թող բաժնի ամեն
գանձ,
Թող պարտեզները բացվին և թող խոժեն
հոն մարդիկ,
Բայց չկոտրեն ոչ մեկ ծառ, չճզմեն ոչ մեկ
ծաղիկ»:

(ՎԱՀԱՆ ԹԵՔԵՅԱՆ)

Վեհափառ Տէր, շնորհավոր Ձեր Նոր տարին:

Ա յարանի ուսանող Հրաչ Օղյուզյանն արտասանում է Դանիել Վարուժանի «Օրհնություն» բանաստեղծությունը: Նույն յարանի ուսանող Արա Ծլուկյանն անգլերեն լեզվով ընթերցում է «Օրհներգ սիրո» (Ա Կորնթ. ԺԳ 1—13) առաքելական թողաբանությունը: Ի դիմաց ուսանողության Վեհափառ Հայրապետի, տեսչական-դասախոսական կազմի, միաբանության անդամների Նոր տա-

րին է շնորհավորում Գ յարանի ուսանող Սորին սրկ. Մանդակյանը հետևյալ բովանդակալից ողերձով.

«Վեհափառ Տէր,

Գերաշնորհ, հոգեշնորհ հայրեր և
Հարգելի դասախոսներ,

Տոնական այս երեկոյին մենք՝ ուսանողներս, մեծ ուրախություն ենք զգում՝ Ձեզ մի անգամ ևս ունենալով մեր մեջ: Ավանդություն է դարձել միաբանների, դասախոսների և ուսանողների համար ամեն տարի միասին, Վեհափառ Հայրապետի օրհնաբեր ներկայությամբ, անցկացնել դեկտեմբերի վերջին երեկոն և դիմավորել նոր տարին:

Միևնույն ընտանիքի անդամները միշտ ձգտում են միասին լինել այսպիսի հանդիսավոր պահին: Այդ ձգտումը կա և մեր մեջ, որովհետև մենք բոլորս անդամ ենք մի մեծ ընտանիքի, որ Մայր Աթոռ ս. Էջմիածինն է: Մենք անցկացնում ենք մեր կյանքի օրերը այս աստվածահիմն Հաստատության հովանու ներքո, որպես մի մեծ ընտանիք, որի միությունը հիմնված է ոչ թե արյան, այլ հոգեկան հարազատության վրա: Հոգին, կենարար հոգին է, որ միացնում է մեզ: Բոլորս գիտենք այդ ոչ բանցկանությունը, այլ արտով: Եվ բոլորս զգում ենք, որ մեզ միացնող այս ոգեկան ուժը կմիացնի նույնպես ապագայում այս սրբազան հարկի տակ սովորող նորանոր սերունդների, կմիացնի անցյալը, ներկան և գալիքը: Մեզանից ոչ մեկը չի մտածում կյանքի անցողիկության մասին: Անցյալը գնում է անցյալը, սակայն նա մի քայլ առաջ է այս Հաստատության գոյատևման ճանապարհին:

Ոչ միայն մենք, այլ նաև ողջ մարդկությունը քայլում է առաջ՝ դեպի միևնույն նպատակը, դեպի երջանկություն: Իսկ գերագույն երջանկությունը կայանում է՝ շարունակաբար Աստծուն սիրելու մեջ, որովհետև Նա, ստանց սիրո բանալիի, ոչ ոքի չի ընդունի Իր հոգուց ներս: Մերն է, իր ազնվությամբ ու անկեղծությամբ, որ բոլորին հավասարեցնում է և բարձրացնում դեպի Աստված: Նույն սերն է պատճառը, որ այսօր Դուք, Ձերո Սրբություն, այստեղ եք, որպեսզի ուրախացնեք Ձեր հոգևոր զավակներին և ուրախանաք նրանց հետ: Ձեր սերը գոհացում է տալիս այս երիտասարդ սանների երախտագետ արտերին՝ նրանց մոռացնել տալով մի պահ տան կարողը, տխրությունը և այլ մտածումներ: Ցնծում են այժմ մեր հոգիները շնորհիվ այս ազնիվ զգացման:

Դեկտեմբերի վերջին օրը խնդության, հրճվանքի օր է ոչ միայն մեզ, այլև բոլոր

մարդկանց համար: Բոլորի առաջ բացվում են նոր տարվա դռները, իսկ մարդիկ պատրաստ են մտնելու այդ դռներից ներս նոր երազանքներով ու ձգտումներով՝ կյանքի ճանապարհին ավելի մեծ եռանդով քայլելու որոշումով: Դժվար է այս ճանապարհը, բայց վախ չկա մարդկանց սրտերում: Նույնպես և մենք՝ ուսանողներս, պատրաստ ենք բաց ճակատով շարունակելու այս ճանապարհը դեպի մեր նպատակը, որ մեր երջանկությունն է լինելու: Երջանկությունը, այսինքն՝ Աստուծո հանդեպ անկեղծ սերը, պայմանավորված է մարդկանց նկատմամբ ունեցած սիրով և ծառայությանը: Դժվար և պատասխանատու գործ է այդ, մենք բոլորս լավ գիտենք, բայց վստահությունը մեր սեփական ուժերի, Ձեր օգնության և Աստուծո շնորհի վրա, քաջալերում է մեզ:

Վեհափառ Տեր, այս երիտասարդ ուսանողները, Ձեր Նոր տարին շնորհավորելով հանդերձ, նվիրում են Ձեզ իրենց հոգիները՝ հույս ունենալով, որ այս նվերը կուրախացնի Ձեզ: Ընդունեցեք այս փոքրիկ նվերը, մշակեցեք և փոխանցեցեք մեր հոգիները հայ ժողովրդին և ողջ մարդկությանը: Այս տոնական օրը, երբ մարդիկ ուրախանում են նվեր ստանալով, մենք ուրախանում ենք նվիրելով: Անտեսանելի է մեր նվերը, բայց ապագան կապացուցի նրա գոյությունը: Ապագան կապացուցի ոչ միայն այն, որ այսօրվա մեր խոսքերը լոկ խոստումներ չեն, այլ նաև այն, որ մեր սրտերում երախտագիտությունն առհավետ կգոյատևի:

Վեհափառ Տեր, 1977 թվականը թող լինի Ձեզ համար երջանիկ, պայծառ, երազանքների իրագործման մի տարի: Թող Աստված պարգևի Ձեզ, ինչպես և այստեղ գտնվող բոլոր ներկաներին, քաջաողջություն և երկար կյանք՝ ավելի արդյունավորելու համար Ձեր և բոլորիս աստվածահաճո գործունեությունը:

Այս անկեղծ ցանկություններով և մտածումներով, թույլ տվեք, Վեհափառ Տեր, հոգևոր ճեմարանի ուսանողության անունից շնորհավորել Ձեզ և բոլոր ներկաներին Նոր տարվա առիթով և, համբուրելով Ձեր սուրբ Աջը, ստանալ Ձեր հայրական օրհնությունը:

Հոգևոր ճեմարանի «Զվարթնոց» նվագախումբը, Կիրակոս սրկ. Հովնանյանի գլխավորությամբ, է՛լ ավելի տոնական խանդավառություն է հաղորդում տարեմուտի հանդեսին «Ամպել ա, ձուն չի գալի», «Սուրբ գիշեր» (անգլերեն) և վրացական «Յալե-գի-յալե-գի» երգերի կատարումով:

Նոր տարվա տոնակատարության վերջում Գ լսարանի ուսանող Բյուզանդ սրկ.

Գալալջյանը երգիծական բնույթ կրող դիպուկ կադանդեքներ է բաժանում ներկաներից ոմանց՝ ուրախ մթնոլորտ ստեղծելով: Հանդիսության ավարտին տեղի է ունենում ավանդական վիճակահանություն:

Մայր Աթոռի հարկի տակ Նոր տարվա առթիվ կազմակերպված հանդիսությունն ավարտվում է Վեհափառ Հայրապետի «Պահպանիչ»-ով և խմբովին երգված Տերունական աղոթքով:

Մայրավանքի ժամացույցի աշտարակից ազդարարվում է ժամը 24-ը՝ նոր տարվա մուտքը աշխարհ և Մայր Աթոռ: Հնչում են միաժամանակ Մայր տաճարի զանգակները: Որքա՛ն խորհրդավորություն է պարունակում իր մեջ այդ զանգակների 365 դղանքը գիշերվա լուսության մեջ:

Հոգևոր ճեմարանի սաները նոր տարին ողջունելու համար Մայր տաճար են մղում՝ իրենց ինքնամիտի աղոթքները վեր առաքելու առ Աստված և հայցելու նորաճար շնորհներ իրենց ուսումնառության շրջանը հաջողությամբ ավարտելու, հոգով և՛ մտքով է՛լ ավելի պայծառանալու և կատարելագործվելու համար:


Հունվարի 1-ին, շաբաթ. Կադանդ-Տարեմուտ: Մայր տաճարում ս. պատարագ է մատուցում ս. Գեղարդ վանքի վանահայր տ. Վահան եպս. Տերյանը:

Ս. պատարագին ներկա է լինում Վեհափառ Հայրապետը:

Հավարտ ս. պատարագի Իջման ս. սեղանի առաջ Նոր տարվա խորհրդին նվիրված գեղեցիկ քարոզ է խոսում պատարագիչ սրբազանը՝ բնաբան ունենալով Ներսես Ծնորհալու հետևյալ խոսքերը. «Նորոգող հնությունաց, նորոգող և գիս, նորոգարդարեա»: Սրբազանը ջերմ ու սրտաբուխ բարեմաղթություններով շնորհավորում է Հայոց Հայրապետի ու Մայր Աթոռի միաբանության Ամանորը:

Այնուհետև կատարվում է հայրապետական մաղթանք: Եկեղեցական արարողությունից հետո Վեհափառ Հայրապետն առաջնորդվում է Վեհարան, ուր միաբանությունը աջահամբուրով շնորհավորում է Վեհափառ Հայրապետի Ամանորը: Հանուն միաբանության Հայոց Հայրապետի Նոր տարին շնորհավորում է Մայր Աթոռի դիվանապետ տ. Արսեն եպս. Բերբերյանը՝ ցանկանալով Նրան երկար տարիների քաջաողջ ու բեղուն գործունեություն և հետագա Նրա բոլոր եկեղեցաշեն ու հայրենանվեր ծրագրերին իրականացում:

Վեհարանում Վեհափառ Հայրապետը շնորհավորում է Մայր Աթոռի միաբանության Նոր տարին և տալիս հայրական Իր օրհնությունը բոլորին:



Ա. ԾՆՆԴՅԱՆ ՏՈՆԸ ՄԱՅՐ ԱԹՈՒՈՒՄ

Հունվարի 5-ին, չորեքշաբթի. «Ծրագալոյց Ծննդեան եւ Աստուածայայտնութեան Տաւռն մերոյ Յիսուսի Քրիստոսի»: Երեկոյան ժամը 16-ին Մայր տաճարում կատարվում է Ծրագալոյցի ավանդական ժամերգութուն, որի ընթացքում կարդացվում են, ըստ Շաշոցի, օրվա խորհուրդը նշող աստվածաշնչական ընթերցումները: Հոգևոր ճեմարանի ուսանողները եկեղեցու բնակից ընթերցում են «Դանկիէլի գիրքը»:

Օրվա պատարագիչն էր վրահայոց թեմի առաջնորդ տ. Գևորգ եպս. Սերապիարյանը: Ա. պատարագին ներկա էր Վեհափառ Հայրապետը:

Ա. պատարագից հետո, Վեհափառ Հայրապետի նախագահությամբ, կատարվում է Ծննդյան նախատոնակ: Մայր տաճարում հնչում է Ծննդյան հրաշալի շարականը՝ «Խորհուրդ մեծ»: Հավարտ Ծննդյան նախատոնակի Վեհափառ Հայրապետն առաջնորդվում է Վեհարան, իսկ միաբանության անդամները և ճեմարանի ուսանողները՝ միաբանական սեղանատուն, որ Ավետարանի ընթերցմամբ ու աղոթքով օրհնվում են Մայր Աթոռի աղն ու հացը:

Ապա ներկաները ուրախ սրտով վաչեղում են նավակատիքի ավանդական ընթերցելը:

Հունվարի 6-ին, հինգշաբթի. «Տօն Ծննդեան և Աստուածայայտնութեան Տաւռն մերոյ Յիսուսի Քրիստոսի»:

Օրվա մեծ տոնի առիթով Մայր տաճարում ս. պատարագ է մատուցում տ. Արսեն եպս. Բերքերյանը: Մայր տաճարը լիքն է հավատացյալների հոծ բազմությամբ: Պատարագին ներկա են տեր և տիկին Նահապետ Նահապետյանները՝ Բուենոս-Այրեսից, հայտնի երգահան-երաժիշտ Լորիս Եգևալորյանը՝ Լոնդոնից, և այլ հրավիրյալներ:

«Հայր մեր»-ից առաջ Վեհափառ Հայրապետը առաջնորդվում է Ավագ սեղան՝ շնորհավորելու ողջ հայության Նոր տարին և ս. Ծննդյան տոնը, և ապա քարոզում է օրվա մեծ խորհրդի նշանակության մասին: Սույն քարոզը երեկոյան ժամը 23-ին ձայնավորվում է Երևանի ուղիտկայանից արտասահմանյան հաղորդումների ժամանակ: Հայրապետական սույն քարոզը հրատարակվել է «Էջմիածին» ամսագրի այս համարում (էջ 3):


Վեհափառ Հայրապետն այնուհետև Մայր տաճարում նախագահում է Զորհնչաց հանդիսությանը: Տաճարում հնչում են «Քրիստոս ծնաւ և յայտնեցաւ», ինչպես նաև «Այսօր ծայնն հայրական», «Ով զարմանալի» երգերը: Ս. պատարագի երգեցողությանն իր սրտագին մասնակցությունն է բերում նաև անվանի երգչուհի Գոհար Գասպարյանը՝ ս. պատարագի մի շարք երգերի մենակատարումով:


Ս. պատարագից հետո Վեհափառ Հայրապետն առաջնորդվում է Վեհարան, ուր ընդունում է շնորհավորանքներ ս. Ծննդյան տոնի առթիվ: Այստեղ ներկա էին ՀՍՍՀ Միհիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը, տեղակալ Անդրանիկ Հասարայանը, Գերագույն հոգևոր խորհրդի անդամները, արտասահմանյան ուխտավորները և այլ պաշտոնական անձինք:

Ժամը 15-ին Վեհարանի սեղանատանը, ս. Ծննդյան տոնի առթիվ, տրվում է ճաշկերույթ, որին ներկա էին տ. Կոմիտաս, տ. Արսեն, տ. Գևորգ սրբազանները, Գերագույն հոգևոր խորհրդի անդամ դոկտ.-պրոֆ. Սարգիս Մելիքսեյանը, տեր և տիկին Նահապետ Նահապետյանները, Լորիս Ծգնավորյանը, Գոհար Գասպարյանը, դոկտ.-պրոֆ. Ռոբերտ Աթաբեկյանը, Մայր Աթոռի պատասխանատու աշխատողները և այլ հրավիրյալներ:

Ծաշկերույթին ներկա էին նաև Սարգիս Գասպարյանն ու Անդրանիկ Հասարայանը: Ծաշկերույթի ընթացքում բարիգալստյան և շնորհավորական ջերմ ճառեր են փոխանակում Վեհափառ Հայրապետը, Սարգիս Գասպարյանը, Նահապետ Նահապետյանը և Լորիս Ծգնավորյանը:

Ս. Ծննդյան ճաշկերույթն ավարտվում է Վեհափառ Հայրապետի գոհաբանական աղոթքով:





Ս. ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳՆԵՐԻ ԶԵՌՆԱԴՐՈՒԹՅՈՒՆ ՄԱՅՐ ԱԹՈՐՈՒՄ

Դեկտեմբերի 24-ին, ուրբաթ օրը, երեկոյան ժամերգությունից հետո, Մայր տաճարում կատարվում է ս. Ստեփանոս նախավկայի տոնի նախատոնակը:

Նախատոնակի ավարտին Մայր տաճարի լուսարարապետ տ. Հուսիկ եպս. Սանթրույանը դպրության չորս աստիճաններ է շնորհում հոգևոր ճեմարանի Գ դասարանի ինն ուսանողների, ուրար կրելու իրավունք՝ Ա լսարանի ութ ուսանողների, հուսկ հետո՝ Գ լսարանի երկու ուսանողների և մեկ քահանայացուի՝ կիսասարկավագության աստիճան:

Դեկտեմբերի 25-ին, շաբաթ օրը, «Տօն է սրբոյն Ստեփանոսի նախավկային եւ սուսջին մարտիրոսին»:

Արդեն ավանդություն դարձած ս. Ստեփանոսի տոնը Հայաստանյայց եկեղեցու և դպրեվանքների մեջ համարվում է սարկավագաց տոն: Առավոտյան ժամերգության ընթացքին վեհ ու տպավորիչ հնչում են «Այսօր դուր» և «Ստեփանոս քաղցրիկ տատրակ» տաղերը, որ կատարում են սարկավագները:

Ժամը 10.30-ին սկսվում է ս. պատարագը: Պատարագին է հոգևոր ճեմարանի տեսուչ տ. Հովհաննես ավագ քհն. Մարությանը:

Ժաշոց գրքի ընթերցումից հետո սկսվում է սարկավագական ձեռնադրությունը: Տ.

Հուսիկ եպս. Սանթրույանը, Ամենայն Հայոց Վեհափառ Հայրապետի բարեհաճ կարգադրությամբ, սարկավագական աստիճան է շնորհում Գ լսարանի կիսասարկավագ ուսանողներ Բյուզանդ Գալայջյանին, Գրիգոր Հաճյանին և ապա քահանայացու Գեվորգ Զելվեյանին:

Խարտավիլակի պաշտոնը կատարում էր տ. Հակոբ աթղ. Գրլընճյանը:

Ձեռնադրության հանդիսությունը կատարվում է ըստ Ձեռնադրության Մաշտոցի՝ համապատասխան շարականներով ոգեկոչելով «Աստուածային եւ երկնային շնորհ, որ միշտ լնու զպէտս սրբոյ սպասատրութեան սուսքեյական եկեղեցոյ, կոչէ գնուսս ի դպրութենէ ի սարկավագութիւն ըստ վկայութեան անձանց իրեանց և ամենայն ժողովրդեան»:

Այնուհետև ձեռնադրիչ սրբազան իրատական ոգով հոգեշունչ քարոզ է խոսում՝ քննարան ունենալով «Երանի է ձեզ՝ յորժամ նախատիցեն զձեզ և հաղածեացեն և սպիցեն զամենայն քան չար զձեց տոտ՝ վասն իմ» (Մատթ. Ե 11):

Հավարտ ս. պատարագի, Հուսիկ եպիսկոպոսի գլխավորությամբ, Մայր Աթոռի բոլոր սարկավագական խումբը (թվով 11) գնում է Վեհարան՝ ստանալու Հայոց Վեհափառ Հայրապետի հայրական օրհնությունն ու պատգամը:

Նման առիթներին Հայոց Վեհափառ Հոր սիրտը ուրախության թրթռուներ է ապրում, վասնզի նոր մշակներ են հասունանում հայ հավատավոր հոգիների անդաստանը հերկելու:

Վեհափառ Հայրապետը ջերմորեն է ընդունում Իր հոգևոր զավակներին և հատկապես՝ նորընծաներին, շնորհավորում նրանց տունը և երկնային շնորհ հայցում նրանց հոգու զորացման ու արիության համար, բարեմաղթում, որ նրանք լցվեն ս. Ստեփանոսի ոգով, հավատքով և ներողամտությամբ՝ արժանավորապես կատարելու համար իրենց հոգևոր սպասավորությունը Հայաստանյայց եկեղեցուն և հայ ժողովրդին:

Այնուհետև, ժամը 14.30-ին, վանական սեղանատանը, սարկավագաց տոնի առթիվ, տրվում է ճաշկերույթ, որին մասնակցում են Մայր Աթոռի միաբանությունը, հոգեվոր ճեմարանի դասախոսական կազմը և ուսանողությունը: Ծաշկերույթի ժամանակ սարկավագների տունը շնորհավորում է ճեմարանի դասախոս և «Էջմիածին» ամսագրի խմբագիր Արթուր Հատիտյանը:

Նորընծա սարկավագների անունից Վեհափառ Հայրապետին, տեսչական ու դասախոսական կազմին ուղղված երախտագիտական ջերմ խոսքով հանդես եկավ Բյուզանդ սարկավագ Գալաշյանը:

Ս. Ստեփանոսի տոնի առթիվ ձեռնադրված սարկավագներն են.

ա.—**Բյուզանդ սրկ. Գալաշյան:** Ծնվել է 1957-ին Բեյրութում: Սովորել է «Հովակիմյան-Մանուկյան» երկրորդական վարժարանում: Հոգևոր ճեմարան է ընդունվել 1973 թվականին:

բ.—**Գրիգոր սրկ. Հաճյան:** Ծնվել է 1957-ին Տրիպոլիում (Լիբանան): Նախ սովորել է «Նուպար-Խրիմյան» նախակրթարանում և ապա «Փարահ-Անտոն» արաբական երկրորդական վարժարանում, որն ավարտել է 1973-ին: Նույն թվականին էլ ընդունվել է հոգևոր ճեմարան:

գ.—**Գևորգ սրկ. Զելվեյան:** Ծնվել է 1950-ին Նիկողիայում (Կիպրոս): Միջնակարգ դպրոցն ավարտել է Լեմինակյանում 1969-ին: 1976-ին եկել է Մայր Աթոռ միամյա քահանայական կուրսեր անցկացնելու համար:

Ուրար կրելու իրավունք ստացան Ա լսարանի հետևյալ սաները. Ավետիքյան Վաչագան, Դիշիքըրդյան Մկրտիչ, Խարազյան Խաչիկ, Շլուկյան Արա, Պալըզյան Հովսեփ, Սահրադյան Տիգրան, Տերտերյան Վահրամ, Օղլուկյան Հրաչ:

Դպրության չորս աստիճաններ ստացան Գ դասարանի հետևյալ սաները. Ավագյան Վարդգես, Գարգալաջն Գագիկ, Գրիգորյան Հովհաննես, Դավթյան Ստեփան, Հակոբյան Վրամշապուհ, Մալյան Բորիս, Մանդալյան Ազատ և Գյուլեզյան Օնիկ:





ՀԱՅՐԵՆԻՔ-ՍՓՅՈՒՌ ՀԱՐԱԲԵՐՈՒԹՅՈՒՆՆԵՐ

Գեկտեմբերի 31-ին, երկուշաբթի օրը, առավոտյան ժամը 11-ին, Երևանում, Հայաստանի արվեստի աշխատողների տան դահլիճում, տեղի է ունենում Սփյուռքահայության հետ մշակութային կապի կոմիտեի տարեկան պլենումը՝ կոմիտեի հիմնադրության 12-րդ տարեդարձի առիթով:

Պլենումին ներկա է նաև Վեհափառ Հայրապետը: Ն. Ս. Օծույանը ընկերակցում էին Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը, Մայր Աթոռի դիվանապետ տ. Արսեն եպս. Բերբերյանը և «Էջմիածին» ամսագրի խմբագիր Արթուր Հատիտյանը:

Վեհափառ Հայրապետը պլենումի պատվո նախագահության սեղանի շուրջ գրավում է իր տեղը:

Պլենումի մասնակիցները մեկ րոպե հոտնկալու և լուռությամբ հարգում են հիշատակը կոմիտեի վերջին պլենումից հետո հանգուցյալ անդամների:

Պլենումի օրակարգում դրված էին երկու հարցեր.

1. Սփյուռքահայության հետ մշակութային կապի կոմիտեի գործունեության համարաբաշխումը վերջին պլենումից հետո, և
2. Կազմակերպչական հարցեր:

Օրակարգի առաջին հարցի վերաբերյալ բովանդակալից ու ընդարձակ գեկուցումով հանդես է գալիս կոմիտեի նախագահ Վարդգես Համազասպյանը, որը հանգամանորեն ներկայացնում է կոմիտեի հայրենիք-սփյուռք մշակութային և հայրենասիրական աշխատանքների ու իրագործումների ամբողջական և բազմակողմանի պատկերը՝ խոսելով միաժամանակ կոմիտեի գործունեության հետագա հեռանկարների և ծրագրերի մասին:

Այնուհետև տեղի է ունենում գեկուցագրում շոշափված հարցերի ու կոմիտեի հետագա գործունեության և անելիքների մասին մտքերի հետաքրքիր փոխանակություն, որին մասնակցում են ՀՍՍՀ Միհաստրների

տվետին առընթեր պետական կենտրոնական արխիվային վարչության պետ դոկտ. Աշոտ Հարությունյանը, հեռուստատեսության և ռադիոյի պետական կոմիտեի նախագահի տեղակալ Ծահեն Տատուրյանը, Հայաստանի կոմպոզիտորների միության նախագահ, ՀՍՍՀ ժողովրդական արտիստ Էդվարդ Միրզոյանը, ս. Մեսրոպ Մաշտոցի անվան ձեռագրաց մատենադարանի դիրեկտորի տեղակալ Բաբկեն Չուբազյանը և Կենտրոնի ինֆորմացիայի ու արտասահմանյան կապերի բաժնի վարիչ Լևոն Մանասերյանը:

Ապա հրավիրվում է Հայոց Հայրապետը՝ իր ողջույնի խոսքն ասելու պլենումի մասնակիցներին և իր գնահատանքը հայտնելու կոմիտեի կատարած մշակութային ու հայրենասիրական գործունեության վերաբերյալ:

«Մեծ գոհունակությամբ եմք եկել այսօր այստեղ՝ Մեր ողջույնը քերելու պլենումի բոլոր մասնակիցներին և Մեր գնահատանքը հայտնելու Սփյուռքահայության հետ մշակութային կապի կոմիտեի իրապես օգտակար և բազմակողմանի գործունեությանը, որի մասին այնքան հանգամանորեն և մանրամասնությամբ խոսեց կոմիտեի նախագահ տիար Վարդգես Համազասպյանը:

Կոմիտեն իր հիմնադրության առաջին իսկ օրից սերտ կապ է պահպանում սփյուռքի հետ, և ծավալում է շատ շնորհակալ մշակութային և հայրենասիրական գործունեություն, որ արժանի է մեր բոլորիս անվերապահ գնահատականին:

Մենք լավ գիտենք, որ կոմիտեն մեծ ու փրկարար աշխատանք է կատարում սփյուռքի հայապահպանման գործում: Մեր ջերմ մաղթանքն է, որ կոմիտեն է՛լ ավելի հետևողականությամբ, խանդավառությամբ ու լավատեսությամբ շարունակի իր առաքելությունը:

Այս առթիվ Մենք ջերմորեն ողջունում ենք 1975 թվականի դեկտեմբերին Մոսկվա-

յում արտասահմանի սովետական քաղաքացիների հետ մշակութային «Հայրենիք» («Родина») կոմիտեի կազմությունը, որի ներկայացուցիչներն այժմ այստեղ են: «Հայրենիք» միութենական մշակութային կոմիտեն, վստահ ենք Մենք, որ մեր հանրապետական մշակութային կոմիտեի հետ է՛լ ավելի պիտի ծավալի իր գործունեությունն արտասահմանում:

Ձեկուցումից գոհունակությամբ տեղեկացանք կոմիտեի մտահոգությունների մասին լիբանանահայերի ողբերգական կացության վերաբերյալ: Այս կապակցությամբ Մենք կկամենայինք հայտնել այստեղ, թե լիբանանի կարոտյալ ընտանիքներին օգնելու համար Մենք Բեյրութում կազմեցինք յոթ հոգուց բաղկացած «Լիբանանահայոց օգնության հանձնախումբ»-ը, որի մեջ ընդգրկված էին հայ քաղաքական չորս կազմակերպությունների ներկայացուցիչները, ինչպես նաև մեկական ներկայացուցիչներ հայ կաթոլիկ և հայ բողոքական համայնքներից: Մեր կոչերի հիման վրա արտասահմանում սկսվեց հանգանակություն, որի արդյունքներն ուղարկվեցին Բեյրութի օգնության հանձնախումբին, ծառայելու համար իրենց նպատակին: Մայր Աթոռն ինքը ևս հանգանակությամբ մասնակցեց, իր համեստ միջոցներից տրամադրելով 20000 դոլլար: Առ 1976 թվականի դեկտեմբերի 31-ը Բեյրութի օգնության հանձնաժողովին փոխանցվեց 307000 դոլլար: Հանգանակված փողերի հաշիվը Մայր Աթոռը վերջերս հրատարակեց «Էջմիածին» ամսագրում և սփյուռքահայ մամուլում:

Հայոց Հայրապետի կոչով հանգանակված գումարի մեջ լիբանանահայությունը տեսավ նաև հոգատար վերաբերմունքը մայր հայրենիքի: Մեր հրապարակած կոչերը լայն արձագանք գտան և սփյուռքում հանգանակություններ սկսան կազմակերպել նաև այլ միություններ, մույն նպատակի համար: Կարևոր գումարներ հանգանակվեցին մանավանդ Հ. Բ. Ը. Միության ջանքերով:

Այստեղ կարևորությամբ խոսվեց նաև սփյուռքի հայ երիտասարդության մասին: Իրապես շատ կարևոր հարց է դա և հույժ զնահատելի է կոմիտեի այս ուղղությամբ կատարած գործը: Սփյուռքից ուսուցիչների և երիտասարդների հրավիրումը մայր հայրենիք կարևոր ու հույժ օգտաշատ միջոցառում է: Մենք կցանկանայինք այստեղ հիշել մանավանդ ԱՄՆ-ի հայոց թեմերից եկեղեցասեր երիտասարդաց կազմակերպությունների այցելությունները Հայաստան: ԱՄՆ-ից եկած մեն մի երիտասարդ հայկականության լիցք է ստանում այստեղ և վե-

րադառնում է մեծ ոգևորությամբ: Այդ երիտասարդները իրենց համայնքների ծոցում դառնում են ճշմարիտ պատգամախոսները հայրենիքի: Դրական մեծ և կարևոր գործ է նրանց այցը մայր հայրենիք: Այդ միջոցառումին իր մասնակցությունն է բերում նաև Մայր Աթոռը նյութապես օգնելով, իսկ կոմիտեն կազմակերպում է մշակութային դաստիարակչական աշխատանքը դասընթացների, դասախոսությունների, շրջապատյալների միջոցով:

Այս միջոցառումը է՛լ ավելի պետք է ընդարձակել՝ է՛լ ավելի արդյունավետ դարձնելու համար: Մենք պիտի թելադրենք կոմիտեին, ամեն տարի արտասահմանից հրավիրել երիտասարդական բազմաթիվ խմբեր: Մեր առաջարկն է՝ երիտասարդ այս խմբերի համար Երևանում և կամ նրա մոտակայքում կառուցել մասնավոր մի հաստիկ շենք՝ սփյուռքահայ երիտասարդների պալատ, առնվազն 100 ննջարաններով, հարակից բոլոր հարմարություններով: Հայոց Հայրապետը պատրաստ է օգնելու այս ձեռնարկի հաջողության համար: Վստահ եղեք, որ կաթողիկոսը կհարգի իր խոստումը՝ անպայման:

Մեր բոլորիս պարտականությունն է, քանի դեռ ուշ չէ մտածել սփյուռքի հայ մոր սերնդի ներկայի ու ապագայի մասին:


Փրկել սփյուռքի այսօրվա երիտասարդությունը, նշանակում է փրկել հայ սփյուռքը: Եթե կարողանանք փրկել այսօրվա երիտասարդությունը, վստահ եղեք, որ սփյուռքի կյանքը երկարաձգած կլինենք առնվազն մի քանի տասնյակ տարիներ:

Հայոց Հայրապետի հայաշունչ խոսքը լսվում է մեծ հետաքրքրությամբ:

Այնուհետև ողջույնի խանդավառ խոսքով հանդես է գալիս Արտասահմանի հայրենակիցների հետ մշակութային կապերի սովետական «Հայրենիք» ընկերության նախագահի տեղակալ Ն. Պ. Գուսենը, որը խոսեց Սփյուռքահայության հետ մշակութային կապի կոմիտեի հայրենիք-սփյուռք հարաբերությունների ամրապնդման մասին:

Պլենումը զբաղվում է նաև կազմակերպչական աշխատանքներով:

Սփյուռքահայության հետ մշակութային կապի կոմիտեի պլենումն իր աշխատանքներն ավարտում է խանդավառ մթնոլորտում, հայրենիք-սփյուռք հայրենասիրական հետագա կապերի է՛լ ավելի սերտացման սրտառույժ վճռականությամբ և պայծառ հեռանկարներով՝ ի մխիթարություն սփյուռքի հայրենակարոտ հայության և հայրենաբնակ մեր ժողովրդի:



ԵԿԵՂԵՑԱԿԱՆ ԲԵՄ. ԼՈՒՐԵՐ

Հունվարի 2-ին, կիրակի.—Այսօր Մայր տաճարում ս. պատարագ է մատուցում ուխտավորաբար Մայր Աթոռում գտնվող Անթիպասի Աթոռի միաբան տ. Անուշավան վրդ. Դանիելյանը և քարոզում Նոր տարվա տոնի առիթով մարդու հոգևոր ու բարոյական վերանորոգության մասին:

Հունվարի 7-ին, ուրբաթ.—Յիշատակ մենեղոց.

Այսօր Մայր տաճարում ս. պատարագ է մատուցում տ. Նշան քնն. Բեյերյանը: Հավարտ ս. պատարագի կատարվում է հոգեհանգստյան պաշտոն՝ «վասն համօրէն ննջեցելոց»:

Հունվարի 9-ին, կիրակի.—Այսօր Մայր տաճարում ս. պատարագ է մատուցում տ. հակոբ քնն. Հակոբյանը:

Հունվարի 10-ին, երկուշաբթի.—Այսօր, Նոր տարվա և ս. Ծննդյան արձակուրդներից հետո, վերսկսվեցին հոգևոր ճեմարանի դասերը:

Ժամը 13-ին վերատեսչի նախագահությամբ գումարվեց մանկավարժական խորհրդի նիստ, որը զբաղվեց ուսումնադաստիարակչական աշխատանքների քննությամբ՝ ուսումնական տարվա 2-րդ կիսամյակի առթիվ:

Նույն օրը Մայր Աթոռ է ժամանում Հոռմի քահանայապետական Արևելյան ինստիտուտի բյուզանդական ծիսագիտության դասախոս հայր Միգել Արրանցը:

Երեկոյան հարգելի հյուրը հոգևոր ճեմարանի հարկի տակ դասախոսություն է կարդում «Կաթոլիկ եկեղեցին և Էկումենիզմը» թեմայի շուրջ: Դասախոսությանը ներկա էին Մայր Աթոռի միաբանությունը, հոգևոր ճեմարանի դասախոսական կազմն ու ուսանողությունը:

Դասախոսության ավարտին հայր Միգել Արրանցը պատասխանում է ներկաներից ունեցած հարցերին:

Հունվարի 11-ին Վեհափառ Հայրապետը քարեհաճում է ընդունել հայր Միգել Արրանցին և նրա հետ ունենում ջերմ զրույց հայ և կաթոլիկ եկեղեցիների հարաբերությունների մասին՝ Էկումենիկ ոգով:

Հայր Միգել Արրանցը Մայր Աթոռում գտնված օրերին այցելում է Երևանի ս.

Մեսրոպ Մաշտոցի անվան ձեռագրաց Մատենադարան, պատկերասրահ, պատմության թանգարան և Բյուրականի աստղադիտարան: Հարգարժան հյուրը ուխտի է գնում ս. Գեղարդ վանք և այցելում Գառնիի վերջերս վերակառուցված հեթանոսական տաճար:

Հունվարի 12-ին հայր Միգել Արրանցը հրաժեշտ է տալիս Վեհափառ Հայրապետին ու մեկնում լավագույն տպավորություններով:

*
*
*

Հունվարի 18-ին, հինգշաբթի.—Տոն անուանկոչության Տեառն մերոյ Յիսուսի Հրիստոսի:

Այսօր Մայր տաճարում ս. պատարագ է մատուցում ս. Գայանե վանքի վանահայր տ. Գուրգեն քհն. Աշուրյանը:

*
*
*

Նույն օրը, հին տոմարով Նոր տարվա առթիվ, Վեհափառ Հայրապետի մոտ տեղի է ունենում ընդունելություն, որին ներկա են լինում Գերագույն հոգևոր խորհրդի անդամները՝ տ. Կոմիտաս և տ. Հովսեփ սրբազանները, դոցենտ Հովհաննես Թովուդյանը, Մայր Աթոռին առընթեր ճարտարապետների հանձնաժողովի անդամներ՝ հնագետ, ակադեմիկոս Բաբկեն Առաքելյանը, դոկտ.-պրոֆ. Վարադգատ Հարությունյանը, ակադիս ակադեմիկոս Գրիգոր Խանջյանը, պրոֆ. Կոստանդին Հովհաննիսյանը, դոկտ. Ալեքսանդր Սահինյանը, ճարտարապետ Բաղդիկ Արզումանյանը և Մայր Աթոռի գլխավոր ճարտարապետ Արծրուն Գալիկյանը:

Ընդունելությանը հրավիրվել էին նաև Մայր Աթոռի աշխատավորության ղեկավար անձնավորություններ:

Ընդունելությանը ներկա էին նաև ՀՍՍՀ Միևիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը և տեղակալ Անդրանիկ Հասարայանը:

Ընդունելության ժամանակ ողջույնի և շնորհավորանքի ջերմ ճառեր են փոխանակվում:

*
*
*

Նույն օրը, երեկոյան ժամը 20.30-ին, Վեհափառում տեղի է ունենում միաբանական հերթական հանդիպում:

Հանդիպմանը ներկա էր Վեհափառ Հայրապետը:

*
*
*

Հունվարի 16-ին, կիրակի.—Այսօր Մայր տաճարում ս. պատարագ է մատուցում տ. Հակոբ արք. Գլընճյանը և «Հայր մեր»-ից առաջ քարոզում «Զայս գիտեմք, զի որ յարոյց զՅիսուս և զմեզ ընդ Յիսուսի յարուսցէ և յանդիման կացուցէ ձեօք հանդերձ» (Բ Կորնթ. Գ 14) քննարանով:

*
*
*

Հունվարի 21-ին, ուրբաթ.—Այսօր, երեկոյան ժամը 19-ին, Վեհափառում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

*
*
*

Հունվարի 28-ին, կիրակի.—Այսօր Մայր տաճարում ս. պատարագ է մատուցում տ. Անանիա վրդ. Արաքաջյանը և քարոզում «Ամէն, ամէն ասեմ քեզ, եթէ ոչ որ ծնցի վերստին, ոչ կարէ տեսանել զարքայութիւն Աստուծոյ» (Հովհ. Գ. 3) քննարանով:

*
*
*

Հունվարի 28-ին, ուրբաթ.—Այսօր, երեկոյան ժամը 18.30-ին, հոգևոր ճեմարանի դահլիճում տեղի է ունենում Երևանի Կոմիտաս վարդապետի անվան լարային քառյակի համերգը:

Համերգին ներկա էր Վեհափառ Հայրապետը՝ շրջապատված Մայր Աթոռի միաբանության անդամներով, հոգևոր ճեմարանի դասախոսներով և ուսանողությամբ:

Լարային քառյակին իրենց մասնակցությունն էին քերել միջազգային մրցությունների դափնեկիր **Էդվարդ Թադևոսյանը** (Ա ջութակ), անդրկովկասյան մրցույթի դափնեկիր **Հակոբ Մեքինյանը** (Բ ջութակ), համառուսաստանյան մրցույթի դափնեկիր **Յակով Պապյանը** (ալտ), անդրկովկասյան մրցույթի դափնեկիր և միջազգային դիպլոմանտ **Ֆելիքս Սիմոնյանը** (թավջութակ), Հայաստանի կուլտուրայի միևիստրության երաժշտական հիմնարկների բաժնի պետ կոմպոզիտոր Ռոմեն Դավթյանը և արվեստի վաստակավոր գործիչ կոմպոզիտոր Ադամ Խուրդյանը:

Քառյակը հանդես եկավ հետևյալ ծրագրով.

Բերնովեն՝ 4-րդ լարային քառյակ.
Բարաջանյան՝ լարային քառյակ (Դ. Շու-
տակովիչի հիշատակին գրված).

Ա. Խուդյան՝ լարային քառյակ (Կոմի-
տասի անվան քառյակին նվիրված).


Կոմիտաս-Ասլամազյան՝ Հայկական ժո-
ղովրդական մեղեդիներ:

Համերգի վերջում կոմպոզիտոր Ա. Խու-
դյանը սրտագին շնորհակալություն հայտ-
նեց Վեհափառ Հայրապետին այն հրավերի
համար, որով նորակազմ քառյակի մասնա-
կիցներին հնարավորություն տրվեց ելույթ
ունենալու նաև Մայր Աթոռում:

Այս ֆոգևոր ճեմարանի դասախոսների,
միաբանության անդամների, սաների շնոր-

հակալության զգացմունքների թարգմանը
հանդիսացավ ճեմարանի տեսուչ տ. Հով-
հաննես ավագ քին. Մարությանը՝ ոգեկո-
չելով նաև խնկելի հիշատակը, որպես
Մայր Աթոռի միաբանի, Կոմիտաս վարդա-
պետի և նրա անմոռաց ու ազգանկեր գոր-
ծունեության:

Հունվարի 30-ին, կիրակի.—Այսօր Մայր
տաճարում ս. պատարագ է մատուցում տ.
Մովսիս վրդ. Սարգսյանը: «Հայր մեր»-ից
ստաջ քարոզում է «Եւ այլն անկաւ յերկիր
բարի և պարարտ, և բուսեալ արար պտուղ
հարիւրապատիկ» (Ղուկ. Ը 8) բնաբանով:



ՄԽԻԹԱՐ ՎԱՐԴԱՊԵՏ ԱՅՐԻՎԱՆԵՑԻՆ ԵՎ ԱՎԱԳ ՀԻՆԳՇԱԲԹԻ ՕՐՎԱ «ՄԻՐՏ ԻՄ ՍԱՍԱՆԻ» ԳԱՆՁ-ԵՐԳԸ

Մխիթար Այրիվանեցին ԺԳ դարի հայ նշանավոր երաժիշտներից է։ Դա երևում է նրա վարքագրական աշխատություններից¹, հայտնի ժառանգություններից², ինչպես և երաժշտա-քանաստեղծական ստեղծագործություն-

ներից³։ Հարմար առիթով և հատուկ հոգի-վածով կանդրադառնանք երաժիշտ Այրի-վանեցուն։

Այրիվանեցու գանձերից առնվազն երեք-չորս տասնյակ պատկերներ հայոց եկեղե-ցիներում ժամանակին հնչել են գանձ-եր-գերի ձևով։ Սակայն, ցավոք, դրանցից, եղբայրներով հանդերձ, ավանդության ուժով մինչև մեր օրերը հասել են, գլխա-վորապես, երկու գանձ-երգեր. «Այս խոր-հուրդ լըցաւ» և «Միրտ իմ սասանի»։ Եր-կուսն էլ Այրիվանեցու՝ Ավագ հինգշաբթի օրվա գանձիցն են («Ջահել գանձընմին, զխորհուրդս խորին»)։

Երկու գանձ-երգերն էլ ձայնագրել են թե՛ Ն. Թաշճյանը⁴, թե՛ Ե. Տնտեսյանը⁵ և թե՛ մանավանդ Կոմիտաս վարդապետը⁶։

¹ Մասնավորապես Ստեփանոս Այունեցու (Բ-ի) վկայաբանությունից, որտեղ, բացի Այունեցու երաժշ-տական գործունեության վերաբերող տեղեկություննե-րից, գտնում ենք նաև նրա երաժիշտ-քանաստեղծ քող⁷։ Սահակադուխտի, ինչպես և ընկերակից, կար-կատուն երաժիշտ ու երգահան Գրիգոր Գոգիկ վար-դապետի մասին անգնահատելի տեղեկություններ։ Վկայաբանությունը, ուր Այրիվանեցին հիշատակում է իր սեփական երաժշտա-ստեղծագործական աշ-խատանքներից մեկը ևս, վաղուց հրատարակել է Գա-րեգին արքեպ. Հովսեփյանը։ Տես նրա «Մխիթար Այ-րիվանեցի» (նորագյուտ արձանագրություն և երկեր), 1931։ Օգտվելով դրանից, ինչպես և այժմ Մաշտոցի անվան Մատենադարանում պահվող համապատաս-խան գրչագրից (ՊՖ 6261, էջ 628ա), մենք ծամա-նակին առանձնացնելով հրատարակեցինք Գրիգոր Գոգիկի վարքը, որ շատ շահեկան նյութ է բովան-դակում հայ և բյուզանդական երաժշտության պատ-մության համար։ Հմտ.՝ «Գրիգոր Գոգիկը և հայ-բյուզանդական երաժշտական կապերը», «Բանբեր Երևանի համալսարանի», 1968, № 3։

² Վաղուց հայտնի և մանրամասն նկարագրված ու գնահատված միավոր է սա էլ։ Հմտ.՝ Հ. Տաշճյան, Ցուցակ հայերեն ձեռագրաց Մատենադարանի ի վիճակում, 1895, էջ 552 և 556—558։

³ Այն մասին, որ Այրիվանեցին ինքն իսկ ցուց-մունք է թողել՝ իր գանձերը երգելով (ձայնեղանա-կով) կատարել, տե՛ս Է. Հարությունյան, Մխիթար Այրիվանեցու «Գանձարանը», «Պատմա-քանասիրա-կան հանդես», Երևան, 1975, № 3, էջ 101։

⁴ Մաշտոցի անվան Մատենադարան, ձեռ. № 8251, էջ 202ա, 202բ։

⁵ Տե՛ս «Ձայնագրեալ երգեցողութիւնք սրբոյ Պա-տարագի», Վաղարշապատ, 1878, էջ 216—220։

⁶ Ե. Տնտեսյան, Ծարական ձայնագրեալ, Իսթան-բուլ, 1934, Ե մաս, էջ 775—778։

⁷ Կոմիտաս վարդապետ, Տուրք և Ալեկուք Հա-յաստանեայց Առաքելական և, եկեղեցու, Փարիզ, 1946, էջ 14—16։

Իրանցից «Սիրտ իմ աստանի» երգը, հատկապես Կոմիտասի ձայնագրությամբ, քնարական լայն շնչի հազվագյուտ կորով է: Գաղափարական բովանդակությամբ այն հայ հոգևոր երաժշտարվեստում ներկայացնում է Հուդայի սարսազդեցիկ կերպարի և նրա դավաճանության ու մատնության հետ կապված նյութը: Ներքին ապրումն այստեղ (մասնավորապես երաժշտության ընձեռած միջոցներով) տրված է հոգեբանական նոր խորացումով և անհատականացման նոր աստիճանի վրա: Երևում է, որ հեղինակը ծանոթ է Նարեկացու, Շնորհալու, Տարոնեցու և այլոց ստեղծագործությանը և իր երկին հաղորդել է ԺԳ դարին միանգամայն վաղել տեքնիկական ու գեղարվեստական սակարդակ:

Ամբողջ մեղեդին (կամ մեղեդիական

տունը) համապատասխանում է գրական բնագրի մեկ տողին ու ներկայացնում՝ ներքուստ ընդլայնված երաժշտական պարբերություն, հավելյալ եզրափակիչ կարճաբերություն, հանգաձևով: Պարբերությունը բաղկացած է երեք նույնատիպ նախադասություններից, որոնք հաջորդաբար զուգորդվում են գրական տողի հնգավանկ երեք ոտքերի կամ անդամների հետ («Սիրտ իմ աստանի, սարսափ զիս ունի, վասն Յուդայի»): Երաժշտական կառույցի հիմքն առաջին նախադասությունն է: Այն նույնությամբ կրկնվում է տողի երկրորդ անդամի հետ՝ ստեղծելով սպասողական լարված փնակ: Իսկ երրորդ անդամի զուգորդությամբ ընդլայնվելով, շիկացած բարձրակետ է գոյացնում և աստիճանաբար մարում ու եզրափակվում:

ՍԻՐՏ ԻՄ ՍՆՈՇՆԻ

Միտրոս Կրիզանթոս

Largo

Ջալմազյան Կարապետ Կարապետ
Ներդաշնակեց և թանկագին

Basso solo

Organ

The musical score is for the piece "ՍԻՐՏ ԻՄ ՍՆՈՇՆԻ" (My Secret Dream) by Komitas Khachaturian. It is in 4/4 time and marked "Largo". The score is written in Armenian notation. The instrumentation includes a Basso solo and Organ. The organ part has a 6/4 time signature change. Dynamics include pp, p, mp, and mf. The score is written in Armenian notation.

A handwritten musical score for the song "The Rose Tree". The score is written on five staves. The first staff is a treble clef with a key signature of one flat (B-flat) and a common time signature (C). The second staff is a treble clef with a key signature of one flat (B-flat) and a common time signature (C). The third staff is a bass clef with a key signature of one flat (B-flat) and a common time signature (C). The fourth staff is a bass clef with a key signature of one flat (B-flat) and a common time signature (C). The fifth staff is a bass clef with a key signature of one flat (B-flat) and a common time signature (C). The music is written in a simple, handwritten style. The lyrics "The Rose Tree" are written below the staves. The score includes various musical notations such as notes, rests, and bar lines. The handwriting is in blue ink on aged paper.

Handwritten musical score for "The Song of the Lark" by S. Prokofiev. The score is written on four staves. The top staff is for the vocal line, featuring a melodic line with various dynamics (f, p, mf) and lyrics in Russian. The second staff is for the piano accompaniment, showing chords and arpeggiated figures. The third and fourth staves are for the cello and double bass, providing a harmonic foundation. The score is marked with a key signature of one flat and a 4/4 time signature.

A handwritten musical score for the song 'The Rose Tree'. The score is written on five staves. The top staff is a bass line, and the middle three staves are a grand staff (treble and bass clefs). The bottom staff is a single bass line. The music is in 2/4 time and features a key signature of one flat (B-flat). The melody is primarily in the treble clef, with a prominent triplet of eighth notes. The bass line provides a simple harmonic accompaniment. The score includes various musical notations such as notes, rests, beams, and slurs. There are also some handwritten annotations above the staff, including 'qhu', 'nu', '8', and 'gh'. The piece concludes with a final cadence in the bass line.

Handwritten musical score for piano, page 37. The score is written on three systems of staves, each containing a grand staff (treble and bass clef). The music is in a key with one flat (B-flat major or D minor) and 4/4 time. The first system begins with a piano (p) dynamic and a crescendo leading to a fortissimo (ff) dynamic. The second system continues with various dynamics including mezzo-forte (mf) and piano (p). The third system features a piano (p) dynamic and a section marked "allargando" (ritardando), which slows down the tempo. The score includes numerous musical notations such as notes, rests, slurs, and dynamic markings.

Handwritten musical score for piano, page 37. The score is written on three systems of staves, each containing a grand staff (treble and bass clef). The music is in a key with one flat (B-flat major or D minor) and 4/4 time. The first system begins with a piano (p) dynamic and a crescendo leading to a fortissimo (ff) dynamic. The second system continues with various dynamics including mezzo-forte (mf) and piano (p). The third system features a piano (p) dynamic and a section marked "allargando" (ritardando), which slows down the tempo. The score includes numerous musical notations such as notes, rests, slurs, and dynamic markings.



ՔՆՆՈՒԹՅՈՒՆ ՉԵՌԱԳՐԱՑ
Ը ԴԱՐՈՒ ՀԱՅ ՀԵՂԻՆԱԿ ՂԵՎՈՆԴ ԵՐԻՑՈՒ
ՊԱՏՄԱԳՐՈՒԹՅԱՆ

Կարապետ Եզյան 1887-ին Ս. Բեդերբորգի մեջ հրատարակեց Ղևոնդի պատմագրության երկրորդ տպագրությունը **Պատմություն Ղևոնդեայ Մեծի վարդապետի Հայոց վերնագրով**: Ցարդ այդ թվականին ասողին Ղևոնդ նոր հրատարակության մը չէ արժանացած:

Իր ընդարձակ ներածականին մեջ Եզյան կնշե շարք մը օգտակար տեղեկություններ Ղևոնդի պատմագրության այլ հրատարակությանց և ասոնց որպէս բնագիր ծառայող ձեռագրաց մասին, ըստ հետևյալին:

Էջ հը—«Ի ձեռագիր օրինակս պատմութեան Ղևոնդեայ է խորագիր այսպիսի Պատմություն Ղևոնդեայ մեծի վարդապետի Հայոց որ յաղագս երեւելոյ Մահմետի եւ զկնի նորին, թէ որպէս եւ կամ որով օրինակս տիրեցին տիեզերաց, իսկ ասանէլ ազգիս Հայոց»:

Էջ Ժ—«Յամի Տեսուն 1856-րդի Կարապետ վարդապետ Ծաննագարեանց ընծայեաց ի յոյս ի Փարիզ քաղաքի գթարգմանություն պատմութեանն Ղևոնդեայ ի լեզու գաղղիացոց հանդերձ բազմաթիւ ծանօթութեամբք, ընդ խորագրաս *Histoire des guerres et des conquêtes des Arabes en Arménie, par l'éminent Ghevond vartabet armenien, écrivain du huitième siècle.* «Իսկ յամին 1857 գտաջինն ընծայեաց նա ի յոյս ի նմին քաղաքի եւ զհայերէն բնագիր պատմությունս հանդերձ ծանօթութեամբք, զորս մեծաւ մասամբն առեալ ելել ի հայ ի գաղղիական թարգմանութենէն իրմէ:

«Ձտպագիրն իր արար Կ. Վ. Ծան-

նագարեան ըստ միում օրինակի, զոր գաղափարեալ էր նորա ի ձեռագիր պատմութենէն Ղևոնդեայ մատենադարանացն Ս. Էջմիածնի:

«Յամին 1862 ըստ ստաջարկութեան ճեմարանին գիտութեանց որ ի Ս. Բեդերբորգ արար Բ. Պատկանեան գթարգմանություն պատմութեանս ի լեզու Ռուսաց եւ յանէլ ի նմա ծանօթությունս բազումս կարի հետաքննականս:

«Նորս այս մեր տպագիր արարաւ համեմատութեամբ ստաջնոյ տպագրինն ընդ ձեռագիր օրինակի պատմութեանն Ղևոնդեայ որ առ մեզ, զորմէ ասանդեալ եւ լիակատար տեղեկութիւնք ի Յառաջաբանի Պատմութեանն Ասողկան յէջս 19-րդ: Եւ քանզի, որպէս անդն յիշատակի, թերի էր ի ձեռագրի յայմիկ Պատմությունն Ղևոնդեայ ի սկիզբն մինչեւ ցգլոյսն ԺԳ (յէջն 43 տպագրին մերոյ), վասն այսորիկ խնդրեցաք յարժանապատի Յուսկանէ վարդապետէ Մովսիսեանց տալ գաղափարել ի ձեռագիր օրինակէն Մատենադարանին Ս. Էջմիածնի գմասնն թերի ձեռագրիս մերոյ:

Էջ ԺԱ—«Բաղդատութեամբ ձեռագիր օրինակացս այսոցիկ ընդ ստաջնոյ տպագրինն ըստ խնդրոյ մերում կազմեաց զբնագիր մերոյս Տպագրի Սո. Մալխասեանց, հանդերձ ցուցմամբք տարբեր ընթերցումոցն ի ստորոտս իւրաքանչիւր իջից:

«Գլխակարգութիւնք յայսմ Տպագրի նշանակեցան ըստ բաժանմանց գլխոց Ձեռագրի օրինակին որ առ մեզ, քան-

զի գլխակարգությունը Փարիզեան տպագրին ոչ են Ղևոնդի, այլ հրատարակչի նորին Կ. Վ. Ծահնագարեանը»:

Վերոհիշյալ մեջբերումներեն կհայտնվի թե Ղևոնդի պատմագրությունը չորս հրատարակությանց արժանացած է ցարդ.—1856-ին ֆրանսերեն թարգմանությամբ և 1857-ին հայերեն թարգմատ, երկրորդն Կարապետ վրդ. Ծահնագարյանի կողմն է Փարիզ: 1862-ին Բերովյե Պատկանյան Ս. Բեդերբուրգի մեջ գայն կհրատարակե ուսերեն, և վերջապես նույն քաղաքին մեջ 1887-ին Ստեփան Մալխասյանցի թնական թնագիրը ի լույս կընծայե Կարապետ Եզյան:

Նույն հառաջաբանեն կհայտնվի նաև որ առաջին երկու հրատարակությանց համար Կ. Վ. Ծահնագարյան ի ձեռին կունենա միայն մեկ ձեռագիր գոր ինքն ընդօրինակած էր այլ ձեռագրե մը որ ի պահ կմնար ս. Էջմիածնի Մատենադարանին մեջ: Այս պարագան առավել կպարզվի Frederic Macler-ի հայթայթած տեղեկությամբ¹, ըստ որում Ծահնագարյան կատարած է թնագրի ընդօրինակությունը 1855-ին Թիֆլիսի Կարապետ արքեպս. Բագրատունիի ձեռագիր օրինակի վրայեն, Փարիզի Մատենադարանին խնդրանք²: Ծահնագարյանի գաղափարյալ ձեռագիրը Macler-ի ցուցակագրության մեջ կկրե 209 թիվը: Կարևոր է հետևաբար ստուգել Թիֆլիսի Կարապետ արքեպիսկոպոս Բագրատունիի ձեռագրին գոյությունը, քանի որ Ծահնագարյանի գույգ հրատարակությունները հիմնված են այդ միակ թնագրի վրա: Արդ, Մաշտոցի անվան Մատենադարանի ձեռագրաց ցուցակեն³ կստուգվի թե Մատենադարանի թիվ 3070 ձեռագիրը, գրված ԺԷ դարուն, իրոք կպատկաներ Թիֆլիսի Կարապետ արքեպս. Բագրատունի: Ստորև պիտի տանք սույն ձեռագրի նկարագրակալը իր կարգին:

F. Macler-ի նույն ցուցակին մեջ կա նաև այլ ձեռագիր մը Ղևոնդի պատմագրության որ կկրե 208 թիվը⁴: Սույն ձեռագիրը կկրե փոքրիկ հիշատակարան մը գրիչին իսկ

կողմն, Ed. Dulaurier-ի, որ ընդօրինակած է գայն M. Brosset-ի պատկանող ձեռագիր օրինակեն սեպտեմբեր 13—22-ի ընթացքին 1851 թվականին Dulaurier կհայտնե նաև որ Brosset-ի իսկ ձեռքով մնացած հիշատակարան մը, մատյանի պահպանակին վրա, կտեղեկացնե թե ձեռագիրը ընդօրինակված էր Թիֆլիսի Կարապետ արքեպս.-ի օրինակեն մի ոմն Ժան Լազարոֆի ձեռամբ, և թե ձեռագիրը ԺԷ դարու գրություն մը եղած է:

Ուստի, այժմ նկատելի է որ ԺԷ դարուն գրված Ղևոնդի պատմագրության թնագիրը, որ ներկայիս Մաշտոցի անվան Մատենադարանի թիվ 3070 ձեռագիրն է, կարևոր թնագիրներեն մին է Ղևոնդի երկին:

Եզյան իր 1887-ի հրատարակության մասին խոսելով կտեղեկացնե թե ինք իր ձեռքին տակ ուներ սեփական թնագիր մը (ձեռագիր) Ղևոնդի երկին որուն սակայն կպակսեին առաջին 12 գլուխները (մինչև 43-րդ էջը տպագրյալ թնագրին): Այս կարելիոր թերիին պատճառով Եզյան խնդրած էր Հուսիկ վրդ. Մովսիսյանն որ ս. Էջմիածնի Մատենադարանի օրինակեն ընդօրինակել տար պակսող 12 գլուխները:

Եզյանի հրատարակությունը, կատարված Ստ. Մալխասյանցի աշխատասիրությամբ, կհայտնե երեք թնագիրներու օգտագործումը.

ա) Ծահնագարյանի տպագիր հրատարակության (1857).

բ) Եզյանի սեփական ձեռագրին (թերի 12 գլուխներով).

գ) ԺԳ դարու լավագույն օրինակի (ձեռագիր թիվ 1902 Մատենադարանի):

Մաշտոցի անվան Մատենադարանի տնօրեն պրոֆ. Լևոն Խաչիկյան իր մարտ 31 1972 թվակիր նամակով կհաստատե այն թե «Կարապետ Եզյանը Ղևոնդ պատմիչի իր հրատարակությունն իրագործել է իր անձնական ձեռագիր օրինակի, 1857 թվի Կ. Ծահնագարյանի հրատարակության և Մաշտոցյան Մատենադարանի № 1902 ձեռագրի բաղաձայնությամբ»: Թե Եզյան օգտագործած է վերոհիշյալ ԺԳ դարու գրչագիր օրինակը լավագույնս կապացուցվի հրատարակյալ թնագրի վերջավորության գտնվող հիշատակարանեն որ նույնն է Մատենադարանի թիվ 1902 ձեռագրի հիշատակարանին հետ:

Եզյանի սեփական ձեռագիրը, որ թերի էր «ի սկիզբն մինչև 99-րդ ժԳ», կարելի է հեշտով նույնացնել Մատենադարանի թիվ 4584 ժողովածուին հետ, գրված Տիգրանակերտի մեջ 1668 թվին, որ և հիրավի նույն թերությունն ունի:

Հետևաբար, այժմ հայտնի կդառնա որ

¹ Frederic Macler, Catalogue des Manuscrits Armentiens et Georgiens de la Bibliotheque Nationale, Paris MDCCCXVIII.

² Անդ, ձեռ. թիվ 209, էջ 115—116:

³ Ցուցակ ձեռագրաց Մաշտոցի անվան Մատենադարանի, հատ. Բ, Երևան, 1970, խմբ. Լ. Խաչիկյանի և Ա. Մնացականյանի:

⁴ Անդ (ներածակյան), էջ 68: Տես Հ. Ն. Ակիմեան, Մատենագրական հետազոտություններ, հատ. Գ, Վիեննա, 1980, էջ 842:

⁵ Macler F., նշ. աշխ., էջ 115:

Եզյան իր 1887-ի հրատարակությանը համար քաղդաստած է հետևյալ ձեռագիրները. ա) Թիվ 1902, ԺԳ դարու լավագույն օրինակը.

բ) Թիվ 4584, ԺԷ դարու թերի օրինակը.

գ) Թիվ 3070, ԺԷ դարու Թիֆլիսի կաթարատ արք. Բագրատունյի օրինակը (հետ սպագրության Կ. Վ. Ծահմագարյանի կողմից):

Կարելի է ընդունիլ որ իր հրատարակությանը Եզյան աչքի առջև ունեցած է գոյություն ունեցող գրչագիրներեն նախնագույն (ու ամենավաղագույն), ինչպես նաև երկու այլ ընտիր օրինակներ որոնց շնորհիվ սույն հրատարակությունը կարելի կըլլա նկատել ընտիր և թերևս նույնիսկ քննական:

Ղեկնղի պատմագրության ձեռագիրները

Մեր ուսումնասիրությունը առավել հաստատ և համոզիչ դարձնելու մտքը ստորև կուտանք գոյություն ունեցող և մեզի ծանոթ գրչագրաց ցուցակն ու հիշատակարանները: Հատուկ շնորհակալիք կպարտիմ պրոֆ. Լևոն Խաչիկյանի, Մաշտոցյան Մատենադարանի տնօրենին, որ հաճեցավ մեր խրնդարանքին վրա արտագրել և ուղարկել Մատենադարանին մեջ պահվող Ղեկնղի յոթը ձեռագրաց հիշատակարանները:

Երևանի Մաշտոցյան Մատենադարանին մեջ կպահվին ընդամենը ութը ձեռագրեր որոնցմե մին (թիվ 4442) ընդօրինակված է արդեն իսկ տպագրյալ բնագրե մը: Մեզի կմնա ուրեմն ծանոթանալ մնացյալ յոթը օրինակներուն:

ՁԵՌԱԳԻՐ ԹԻՎ 1902

ԺՈՂՈՎԱԾՈՒ

ԺԳ դար: Գրիչ՝ Սարգիս: Ստացող՝ Համագաստ Հաղբատեցի: Կագմող՝ Ծնավուն վրդ.: Թերթ՝ 515: Թուղթ: 24,4×16,4: Միասյուն: Բոլորգիր: Տող՝ 19—20: Պահպանակ՝ մագաղաթ 1 (մասունք), ուղղագիծ երկաթագիր: Կագմ՝ կաշեպատ տախտակ: Աստու շերտազարդ կտավ: Հիշատակարան գրչի՝ 130բ, 217բ. կագմողի 4ա, 239բ, 294ա (1664 թ.), 310ա (1690 թ.):

Բովանդակություն. Ղեկնղեայ երիցու Պատմություն հայոց: Եւագրեայ Հարիւրաւորքն վեցերորդք, խրատք, Թուղթ առ Մելանիա. կից Լուծմունք, գոր արարեալ է ումեմն ի լեռնէն Նմէի ի խնդրոյ եղբարց: Պատմություն Վրաց:

(Ղեկնղի մասն) Թերթք 3բ—130բ. Պատմություն Ղեկնղեայ մեծի վարդապետի Հայոց, որ չաղագս երեւելոյն Մահմետի և զկնի նորին, թէ որպէս և կամ որով օրինակաւ տիրեցին տիեզերաց, եւս առաւել թէ

Հայոց ազգիս. Նախ և առաջին, որք և Ամիրջմումնիք անունեցան, զի գրասն ամ կալեալ զիշխանութիւնն, Մահմետ մեռանի...) (մինչեւ եղեւ թողութիւն գիտից և ծառայից և պարտոց և ապա կատարած: (Վերջ)

ՀԵՐԱՏԱԿԱՐԱՆ

Թ. 180բ. (գրչի) «Վատարեցաւ վարդապետութիւն Ղեկնղի վասն ժամանակագրաց տանն Թորգոմայ, ի հրամանէ տնտն Ծապհոյ Բագրատունոյ, որ և ցանկացող եղեալ սորին տէր Համագաստ ի պատուաւոր յազգէն Մարիկոնեանց, ի հալալ արդեանց եւս հրաման ծրել փծուն գրչի Սարգ(ս)ի: Աղաչեմ յիշեցէր յողորմածն Աստուած, և նմա փառք յախտեանս, ամէն»:

Թ. 217բ. «Արդ աղաչեմ զամենեւեան, որք ընթեռնույք, լսէք և կամ արիւնակէք զմեծախաւատակ ճգնաւորին Եւագրեայ զհոգիաշահ հրամանքս, յիշեցէր զարժանին բարի յիշատակաց և զբազմաց վկայեալն ի լան զտէր Համագաստ: Թէ յիշէր զփծուն գրիչ զՍարգիս, որ եւ սովեալ ի հոգեւոր կերակրաց, ողորմածն Աստուած ամենեցուն ողորմեսցի յարն կարեաց, զի նմա վաւել փառք և երկրպագութիւն այժմ և միշտ և յախտեանս յախտեցից, ամէն»:

Թ. 293բ—294ա. (նորոգող-կագմողի) «Պատմութիւնս Ղեկնղեայ և զիրքս Եւագրեայ և վերջին Պատմութիւնս Վրացեաց յիշատակ է Յոհաննու Կարճասանցւոյ, որ փտեալ կայր, վերստին նորոգեցի և կագմեւ ետու սիրեցելոյն իմոյ Ծմաուն վարդապետի Լոնցւոյ, ի թվիս ՌՃԺԳ (1664), ի փառս Քրիստոսի, որք վաւելէք յիշեսցիք ի Քրիստոս»:

Թ. 310ա. (Հետագայի) «Զստացող գրոցս, որ կոչի Ղեկնղ պատմագիր և Վրաց պատմագիր և սուրբ հօրն անապատաւրացն Եւագրի բանք և խրատք բազում, որ և Վարդան վարդապետս Բաղիշեցի ստացայ ի հալալ արդեանց իմոյ և ետու յիշատակ ի դուռն սուրբ Էջմիածնի ի փրկութիւն հոգւոյ իմոյ, որք ընթեռնույք և օգտիք ի սուրբ գրոյս, յիշեցէր ի Քրիստոս զհաղիշեցի Վարդան վարդապետն և զճնօղսն իւր, ամէն: Ի թվին ՌՃԼԹ (1690)»:

Վերևի հիշատակարաններեն թեև ձեռագրիս գրության ստույգ թվականը չգիտցվիր և սակայն բավարար չափով հաշտնի կըլլա երբ նկատի առնենք տէր Համագաստ Մարիկոնյանի Հովհաննա վանոց վանահայրության շրջանը (1279—1311)⁶: Տէր Հա-

⁶ Հմմտ. Լ. Ն. Անիսեան, Մատենագրական հետազոտություններ, Վիեննա, հատ. Գ, էջ 34:

մագապի վանահայրության հիշատակը պահած են կարգ մը արձանագրություններ⁷: 1664-ին ձեռագիրս կատանա Հովհաննես Կարճավանեցի, նորոգել ու կազմել կոտա գայն իր աշակերտներեն Լոռեցի Շմավոն վարդապետին, և հետո ձեռագիրս կմնայ Ամրտողու վանքի քանասեր Վարդան վրդ. Բաղիշեցվո մոտ 1670-ին որ և գայն ս. Էջմիածնի Մատենադարանին կմվիրեն 1690-ին: Հայտնի է ուրեմն որ Սարգիս գրիչ օրհնակած է գայն 1279—1311-ի շրջանին Հովհաննես վանքին համար, թե իսկ գրության վայրն անհայտ ըլլա: Ըստ Հ. Ն. Ալիկյանի «մեզի հասած բոլոր օրհնակները ծագած են Շմավոն Լոռեցվո նորոգած այս ձեռագրեն, ուրեմն 1664-են հետո»⁸:

ՋԵՌԱԳԻՐ թիվ 4584

ԺՈՂՈՎԱԾՈՒ

1668 թ. Տիգրան--ակերտ--: Գրիչ՝ Արախան երեց: Ստացող՝ Խշ Ավետիս, Դարաղաշ Ամթեցի, Խշ Սահակ: Թերթ՝ 389: Թուղթ: 28×20: Երկայուն: Նորագիր: Տող՝ 55: Մանրանկար՝ կիւ, լգ: Պահպանակ՝ մագաղաթ 2, ուղղագիծ երկաթագիր, Ավետարան: Կազմ՝ կաշեպատ տախտակ: Հիշատակարան՝ գրչի 11ա, 24ա, 35բ, 48ա, 73բ, 74ա, 129ա:

Բովանդակություն—Մովսէս Խորենացի, Սո. Տառնեցի, Ար. Լաստիվերտցի, Եւսեբիոսի Պատմք. Եկեղեցական, Ագաթանգեղոս, Դաշանց Թուղթ, Մեսրոպ Վայցոցանեցու Պատմք. Մեծին Ներսէսի, Յովհան Մամիկոնեան Պատմք. Տառնոյ, Փաստոս, Եղիշէ, Օրբելեան, Պատմք. Հացունեաց, Սոկրատայ Պատմք., Միխայելի Ասորոյ ժամանակաց գրոյցք, Վարդան Արեւելցի, Կիրակոս Գանձակեցի, Թովմայ Մեծոփեցի, Կիր. քանասիրի վարք Թովմ. Մեծոփեցու: Մնաստայ Սպարապետի Պատմք.: Ի ժամանակաց գրոյցից Միխ. Ասորոյ (հատուած): Դեմոնիկայ Երիցու Պատմութիւն Հայոց:

(Ղևոնդի մասն) Թ. 375ա—386բ.— (Սկզբեն թերի է) ...առ գունդ, այլ ըմբշամարտ մարտին: Եւ յապաղէր խաքանն զխառնամիսի պատերազմն...)(մինչեւ եղև թողութիւն գիւղից եւ ծառայից եւ պարտոց եւ ապա կատարած: Կատարեցաւ

⁷ Հմմտ. Հ. Յ. Տաշեան, Ժողովածոյք առակաց Վարդանայ, Վիեննա, 1900, էջ 188—189: Նաեւ M. Brosset, Rapports sur un voyage archeologique dans la Georgie et dans l'Arménie, III, St. Petersbourg, 1849.

⁸ Ալիկյան Հ. Ն., Մատենագրական հետազոտութիւններ, Գ, էջ 342:

վարդապետութիւն Դեմոնի վասն ժամանակագրաց տանն Թորգոմայ, ի հրամանէ տեառն Շապհոյ Բագրատունոյ, ի փառս եւ ի գովեստ ամենասուրբ Երրորդութեանն, որ է օրհնեալ այժմ եւ միշտ, յափտեանս յափտենից, ամեն:

ՀԻՇՍԱՍԿԱՐԱՆ

Թ. 11ա (գրչի) «Ով ընթերցող սուրբ հայրապետք եւ աստուածաբան վարդապետք, յիշեսցիք ի մաքրափայլ աղօթս ձեր գտացող գրոյս գմահդասի խոճա Աւետիսն եւ զանարծան Աբրահամ գրիչս տէր ողորմեալի:

Թ. 24ա. Որք հանդիպիք սմա յիշեսցիք յաղօթս ձեր գտացող գրոյս Յամթեցի մղտեսի Դառաղաշն եւ զճնօղսն նորա եւ մեղսաբաւալ Աբրահամ գծողս եւ դուք յիշեալ լիջիք ի Քրիստոսէ, ամեն:

Թ. 35բ. ...Մանաւանդ գտացող գրոյս գմահդասի Աւետիսն եւ զճնօղսն իւր զԿընպօն եւ գմայրն գմահդասի Մարրն եւ գորդին զՊաղտասարն եւ դուստրն զՍառան եւ զհոգւոյ որդին զՍարուխանն եւ զծող գրոյս:

Թ. 48ա. Ով սրբասէր եւ բանաստեղծ փիլիսոփայք, յորժամ օգտիք բան ինչ գրոցս այս, յիշեսցիք ի մաքրափայլ աղօթս ձեր գտացող գրոյս գմահդասի Դարաղաշն եւ զծող գրոյս զԱբրահամ երեցն եւ դուք յիշեալ լիջիք ի Քրիստոսէ, ամեն:

Թ. 73բ. Գրեցաւ ձեռամբ Աբրահամ անարծանի ի Տիգրան քաղաքի ի մատրանին սուրբ Սարգիս ՌԺԺԷ (1668) թվին, աղաչեմ յիշել զիս եւ զճնօղքն իմ գտէր Յովհաննէսն եւ զԹամամն, եւ դուք յիշեալ լիջիք ի Քրիստոսէ, ամեն:

Թ. 74ա. Ով դասք լուսերամից, յորժամ ընթեռնուք, յիշեսցիք ի մաքրափայլ աղօթս ձեր գմահդասի Դարաղաշն եւ զճնօղսն իւր զԿնպօն, մայրն գմահդասի Թունիկն եւ զկողակիցն գմահդասի Մարրն եւ ըզդուստրն զՍառան եւ զորդեակն իւր զՊաղտասարն, որ առ Աստուած փոխեցաւ եւ զհոգւոյ որդին զՍարուխանն եւ դուք յիշեալ լիջիք ի Քրիստոսէ, ամեն:

Թ. 129ա. Զստացող տառիս զՍահակն եւ զհայրն իւր զԹորոսն եւ զմայրն իւր գմահդասի Թանան եւ զկողակիցն իւր զՄաղթումըն եւ զհոգւոյ որդին իւր զԳրիգոր սարկաւազն, եւ զԱբրահամ գծողս յիշել ի Քրիստոս եւ դուք յիշեալ լիջիք, ամեն:

ՋԵՌԱԳԻՐ թիվ 3070

ԺՈՂՈՎԱԾՈՒ

1669—1674 թթ.: Վան: Գրիչ՝ Դավիթ անճղուկ, Գրիգոր երեց, Վարդան Բաղիշե-

ցի: Ստացող՝ Վարդան Բաղիշեցի: Թերթ՝ 438: Թուղթ՝ 20,1×15,5: Միապուն, երկայուն, եռապուն: Նոտրգիր, բոլորգիր: Տող՝ 19—20: Մանրանկար՝ Գր. Լուսավորիչ և Զեւոնք Գլակ 1, կիս, լգ: Պահպանակ՝ մագաղաթ 2, բոլորագիծ երկաթագիր, Ավետարան: Կազմ՝ կաշեպատ տախտակ: Հիշատակարան՝ գրչի 48ա, 158բ, 391բ, հետագայի 396բ (1721 թ):

Քովանդակություն.—Յովհան Մամիկոնեան Պատմիք. Տարօնոյ: Վասն Ս. իղյուն: Ստ. Ասողկան Պատմիք. Ժամանակաց: Արիստ. Լաստիկերցոյ վասն անցից անցելոց: Ղեւոնդայ երիցու Պատմիք. Հայոց: Պատմութիւն. Վրաց: Ստեփանոսի Որդոյ Յուսկան խրատ հաւատացելոց: Միսիրար Այրիվանցոյ Պատմութիւն: Մկր. Մեծփեցոյ Վարք Մի. Սաանցոյ: Յաղագս Արամայ եւ Եւայի: Ստ. Օրբելեան Վասն Մեծի Ասիաբարութեանն Օրբելեանց: Սահակայ Արծրունոյ Թուղթ առ Մովսէս: Վարդանայ Աշխարհացոյց: Գիր օձանարի: Անուաքէի Տաղ: Աշխարհացոյց լատինացոց (թրգմ. Յովհ. Անկիրացի):

(Ղեւոնդի մասն) Թ. 239բ—405բ. Պատմութիւն Ղեւոնդայ մեծի վարդապետի Հայոց, որ յաղագս երեւելոյն Մահմետի եւ զկնի նորին, թէ որպէս եւ կամ որով օրինակաւ տիրեցին տիեզերաց, եւս առաւել թէ Հայոց ազգիս.—Նախ եւ առաջին, որք եւ Ամիրջըմունիք անուանեցան, զի զքսան ամ կալեալ զհիսանութիւնն Մահմետ մետանի...)(մինչեւ եղեն թողութիւն գիտից եւ ծառայից եւ պարտոց եւ ապա կատարած: (Ծնթ. Կհաջորդէ Սարգիս գրիչի հիշատակարանը: Տես ձեռագիր թիվ 1902, թերթ 130բ):

ՀԻՇԱՏԱԿԱՐԱՆ

Թ. 48ա (գրչի). «Գրեցաւ սակաւ պատմութիւնս Զեւոնայ պատմագրի, ի վայելումն սրբազան րաբունոյն Վարդան վարդապետին Բաղիշեցոյն եւ յիշատակ հոգւոց իւրոյ եւ ծնողաց, ձեռամբ անարժան Դաւիթ ճրնճոկի: Թվ. ՌԾԺԸ (1669):

Թ. 158բ—159ա. Աղաչեմ մի անփոյթ առնէր եւ տէր հատուցէ քեզ զվարձս քո. ընդ նմին եւ եւ յետինս յամենեւեան եւ քան զքնաս յանցաւորս եւ անթիւ մեղօք ծանրաբեռնաւ եւ արժանիս մահուց եւ ոչ մի կենաց խաւարամածս ոգով Գրիգոր (ջրնջրված և գրված է Յօհան) գրչիս, որ չեմ յիշելոյ, աղաչեմ յիշել յաղթս առաջի Քրիստոսի զիս եւ զճնօղսն իմ, որպէսզի աղօթիք ձեր գացուք ողորմութիւն ի Քրիստոս, եւ տէր տաքէ զտիրտուրն ձեզ բազումս, ամէն:

Թ. 365բ. Գրեցաւ սակաւ բանքս ի քա-

ղաքս Վան, ընդ հովանեաւ սուրբ առաքելոցն Պետրոսի եւ Պողոսի, ՌԾԻԳ (1674) յովինն, ձեռամբ անարժան Գրիգոր երիցու: Աղաչեմ յիշել զիս միով տէր ողորմայի, եւ Աստուած ողորմի ասել ինձ մեղաւորիս:

Թ. 391բ. Յիշեալ գնեղուցեալ եւ բազմագրեւ ոգիս Վարդանայ վարդապետի Բաղիշեցոյ յոյժ ողորմելոյ եւ թափառելոյ, որ սակաւ աշխատեցայ ի գրել սորա հանդերձ սրբագրութեամբ կիտի եւ տնատութեամբ, զի հեշտասցի եւ քաղցրասցի ընկերցողացը, բայց եւ ի նեղութենէ իմմէ կոտի եւ ժողով գրեցի, դու թէ կամիս ընդարձակեալ, ով գաղափարող:

ԶԵՌԱԳԻՐ թիվ 1889

ԺՈՂՈՎԱԾՈՒ

1675 թ. Նոր Զուղա: Գրիչ՝ Մարկոս, Հայրապետ: Թերթ՝ 380: Թուղթ: 24,3×18,5: Երկայուն: Բոլորգիր, նոտրգիր: Տող՝ 30: Մանրանկար՝ լգ: Կազմ՝ կաշեպատ տախտակ: Աստուտ դրոշմազարդ կտավ: Հիշատակարան՝ գրչի 114բ, 266բ:

Քովանդակություն.—Եղիշէի Պատմութիւն Վարդանայ եւ Հայոց պատերազմին: Ի պատմութենէն Թովմ. Արծրունոյ: Ղեւոնդայ Երիցու Պատմութիւն Հայոց: Բարսի Մաշկետրցոյ Մեկնութիւն Մարկոսի: Մովսիսի Խորենացոյ Պատմութիւն Հայոց: Դաշակց Թուղթ:

(Ղեւոնդի մասն) Թ. 69ա—114բ. Պատմութիւն Ղեւոնդայ մեծի վարդապետի Հայոց, որ յաղագս երեւելոյն Մահմետի եւ զկնի նորին, թէ որպէս եւ կամ որով օրինակաւ տիրեցին տիեզերաց եւս առաւել, թէ Հայոց ազգիս... որք եւ Ամիրջըմունիք անուանեցան, զի զքսան ամ կալեալ զհիսանութիւնն Մահմետ մետանի...)(մինչեւ եղեն թողութիւն գիտից եւ ծառայից եւ պարտոց եւ ապա կատարած: Կատարեցան վարդապետութիւն Ղեւոնդի վասն ժամանակագրաց տանն Թորգոմայ, ի հրամանէ տեառն Ծապիոյ Բագրատունոյ ի փառս եւ ի գովեստ ամենասուրբ Երրորդութեանն, որ է օրհնեալ յափառանս, ամէն:

ՀԻՇԱՏԱԿԱՐԱՆ

Թ. 114բ (գրչի) «Գրեցաւ ձեռամբ ամենալիւն եւ քելնուայ Մարկոսի բանի սպասարի ի ՌԾԻԳ (1675) թուոց:

Թ. 266բ. Գրեցաւ եւ աւարտեցաւ սուրբ գիրս ի Ծաւշ քաղաքն, որ կոչի Իսպահան, ի գեղն Զուղայ, ի դրունս սուրբ Ստեփանոսին, ի հայրապետութիւն տէր Խաչատուր արի եւ քաջ վարդապետին, եւ սուտանուն հայրապետ գրիչս յիշեալ, որ զանունս միայն ունիմ եւ գործս ոչ»:

ՁԵՌԱԳԻՐ ԹԻՎ 5501

ԺՈՂՈՎԱԾՈՒ

1683, 1684 թթ. Բաղեշ: Գրիչ՝ Գրիգոր քհն. (Ա), Միքայել երեց (Բ): Ստացող՝ Վարդան Բաղիշեցի: Գրիգոր վրդ.: Թերթ՝ 391: Թուղթ: 20,2×14: Երկայուն: Բոլորգիր: Տող՝ 27: Կազմ՝ կաշեպատ տախտակ: Հիշատակարան՝ գրչի 243բ (1683 թ), 323ա, 389բ (1684 թ), հետագայի 390 (ԺԸ դ):

Բովանդակություն. Ստեփաննոս Օրբելեանի Պատմթ. տանն Սիսական: Սիսեաց ժբ գաւառաց հարկն: Ղեւոնդայ Երիցու Պատմություն Հայոց: Պատմություն Վրաց:

(Ղեւոնդի մասն). Թ. 247ա—323ա. Ղեւոնդայ Երիցու Պատմաբանություն Հայոց (խիստ պակասատր) ...որ ընդ իւրով իշխանութեամբ, զի ուր եւ իցեն առ նա հասցեն եւ վաղվաղակի հասնալք...) (մինչեւ եղեւ թողութիւն գիտից եւ ծառայից եւ պարտուց եւ ապա կատարած: Կատարեցաւ վարդապետութիւն Ղեւոնդի վասն ժամանակագրաց տանն Թորգոմայ ի հրամանէ տեսուն Ծապհոյ Բագրատունոյ, որ եւ ցանկացող եղեալ սորին տէր Համագասպ ի պատուարոր յազգէն Մամիկոնեաց:

ՀԻՇԱՏԱԿԱՐԱՆ

Թ. 248բ (գրչի) Փառք եռակի... Արդ գրեցաւ գիրքս այս մատենաբ, որ է Կոնդակ Տաթեւոյ ձեռամբ տէր Գրիգոր անարժանիս, ի խնդրոյ վեհի եւ երանեալ տեսուն Վարդանայ վարդապետի Բաղիշեցոյ. յիշատակ բարի ինքեան եւ ծնողաց իւրոց հօրն Եղիայն եւ մօրն Ղարիպին, ի թվականութեան Հայկազեան ւեռի ՌԺԼԲ (1683) ամին ի քաղաքս Բաղեշ, ընդ հովանեաւ սրբոյն Յովանու Մկրտչի եւ ի հայրապետութեան տեսուն Եղիազարու կաթողիկոսի, ի վայելյումն անձին իւրոյ եւ յուրախութիւն մանկանց Սիոնի: Արդ, որք հանդիպիք այսմ գրոցս, յիշեցէք ի Քրիստոս զքաջ բաբունապետն Վարդան, եւ Աստուած ողորմի ասացէք իւրն եւ ծնողաց իւրոց, զի կրկին Լուսաւորիչ գտաւ Հայոց, զի բազում եկեղեցիս շինեաց ի հիմանէ եւ բազում մոլորեալ մարդիկ դարձոյց ի մեղաց յաստուածգիտութիւն յորդարելս քարոզութեամբն իւրով: Եւ բազում գիրս ետ գրել եւ զայլ հինս նորոգել զամենայն տեղեաց, եւս առաւել զԱմիրթօյու վանքս ի հիմանէ շինեաց, տնէրով եւ հնցներով եւ արդիւնացոյց բազում գրեանս ի սմա եւ միաբանս բազումս առաւել, քան զՏաթեւուն, որ է յոյժ պայծառ սաղմոսներգութեամբ եւ պատարագօք, զոր տէր Աստուած հաստատուն պահեացէ, եւ

յայսմ ամի ձեռնարկեալ է ի գործս շինել անդս մեծամեծս վանիցն, որ Ոխուիք ասի, զի է յոյժ անհարթ եւ անհեթեթ վիմօք լըցեալ, եւ ետ վարդապետին քարակոխացն զվեման հատանել եւ զտեղիքն գերմակ մոխրով լնուլ եւ որմով շուրջանակի պարբապեալ ամրացոյց զգերեզմաններն եւ զագարակն: Որոյ տէր Աստուած հովանի եւ պարիսպ լիցի նմա եւ պահեացէ յամենայն արկածից չարեաց, եւ յետ աստեացս ելանելոյ ընդ երկոտասան սուրբ վարդապետացն եւ դասասաց է, լսել տացէ զերանելտ բարբառն, թէ եկ ծառայ բարի եւ հաւատարիմ, մոտ յուրախութիւն տեսուն քո. Եւ Աստուած ձեզ յիշողացդ եւ յիշեցելոյն եւ մեզ ողորմեացի յիւր միաւնգամ գալստեանն, ամէն:

Թ. 323ա. Վարդան բաբունապետն ի հալալ արդեանցն ետ հրաման ծրել փծուն գրչի Միքայելի մեղաւոր երիցու: Աղաչեմ յիշեցէք յողորմածն Աստուած եւ նմա փառք յաիտեանս, ամէն:

Թ. 389բ. Ըստերիւրեալ նորոգեցաւ պատմաբանութիւնս Հայկական ճեռի եւ տոհմի մականմած եւ ճշգրտագիտ երիւրմամբ լեզուակերտեալ Ղեւոնդեա երիցու գեղեցկախոս վիպասանի, նաեւ Եւագրեա սրբոյ նրբաբանի, ընդ սուսին եւ Զեւանշիրի վրացեաց հնամատ պատմագրողի ի Միքայել երիցէ, ի յատուրս ժամանակաց բազմազար եւ անպարտելի երկուց մահմետադարան թագաւորաց Ահմատայ Եւսմայելականի; որ ի Կոստանդուպոլիս եւ Ծահսէֆու. որ ի յարեւելս կոչս ի Ծօշ, որ եւ յԱպահան ճանաչիւր, որք եւ բազմախոր խաղաղութիւն նալեալ ընդ միմեանս, անշաշտ, դաշամբ իբրեւ զամս խ եւ Դ (44), զոր եւ ի յատուրս իշխանութեան Էջմիածնի հայրապետիս Եղիազարու, գրեցաւ այս գիրքս պայտմութեանց յիշատակ հոգելի եւ բանիքուն բաբունապետ Վարդանի եւ Գրիգոր վարդապետի, Աստուած զհրեանքն անասան պահէ յայսմ աշխարհիս եւ հետ աստեաց յելանելո ընդ երկոտասան վարդապետսն դասակից եւ պսակակից առնէ, ամէն: Չոր եւ աղաչեմ, առ ի յազտակարսդ, որ ի սմա, յիշեալ զնուաստ Միքայել երեցս հանդերձ ծնողիք իմովք առ ի Քրիստոս եւ Աստուած զձեզ յիշէ յիւր միաւնգամ գալլստեանն, ամէն: Թուին ՌԺԼԳ (1684):

ՁԵՌԱԳԻՐ ԹԻՎ 3588

ՂԵՒՈՆԴ ԵՐԷՑ, ՊԱՏՄՈՒԹԻՆ ՀԱՅՈՑ

ԺԸ դար: Թերթ՝ 195: Թուղթ: 19,5×14: Միաւայուն: Նոտրգիր: Տող՝ 26: Մանրակար՝ կխ, լգ: Կազմ՝ կաշեպատ տախտակ

որոշմազարդ: Աստատ կապույտ մետաքս-
յա:

Թ. 5ա-94բ. Պատմաբանություն Ղևոնդեայ մեծի վարդապետի Հայոց, որ յաղագս երեւելոյն Մահմետի և զկնի նորին, թէ որպէս և կամ որով օրինակաւ տիրեցին տիեզերաց, եւս առաւել, թէ Հայոց ազգիս.— Նախ և առաջին որք եւ(ւ) Ամիրջումնիք անուանեցան, զի զքսան ամ կալեալ զիշխանութիւնն Մահմետ մեռանի...) (մինչեւ եղեւ թողութիւն գիւղից և ծառայից և պարտոց և ապա կատարած: Կատարեցաւ վարդապետութիւն Ղևոնդի վասն ժամանակագրաց տանն Թորգոմայ ի հրամանէ տեսնն Շապհոյ Բագրատունոյ:

ԶԵՌԱԳԻՐ ԹԻՎ 3741

ՂԵՒՈՆԴ ԵՐԷՅ, ՊԱՏՄՈՒԹԻՒՆ ՀԱՅՈՅ

1856 թ.: Մոսկվա: Գրիշ՝ Ոսկան Հովհաննիսյանց Երեւանցի: Թերթ՝ 60: Թուղթ: 36×20,5: Շղագիր: Տող՝ 31—33: Կազմ՝ ստվարաթուղթ: Հիշատակարան՝ գրչի 1ա:

Թ. 1ա—50բ. Ղևոնդ պատմագիր.— («ի սկզբանէ պակասին երկոտառան գովար. յեք այսպէս գտաք՝ գրիշ): ...ստ գունդ այլ ըմբշամարտ մարտի...» (մինչեւ եղեւ թողութիւն գիւղից և ծառայից և պարտոց և ապա կատարած:

Կատարեցաւ վարդապետութիւն Ղևոնդի վասն ժամանակագրաց տանն Թորգոմայ ի հրամանէ տեսնն Շապհոյ Բագրատունոյ. փառս և ի գովեստ ամենատրք Երրորդութեանն, որ է օրհնեալ աշծմ և միշտ և յափտեանս յափտեցից, ամէն:

ՀԻՇՍԱՍԿԱՐԱՆ

Թ. 1ա (գրչի Ոսկան Տէր Գէորգեան Յովհաննիսեանց Երեւանցի: «3» Յովհսի, 1856 ամի: Ի Մոսկուա:

Վերոհիշյալ յոթ ձեռագիրներն բացի իսկ նաև երկու այլ ձեռագրեր, ինչպէս վերև մատնանշեցինք, Frederic Macier-ի ձեռագրաց ցուցակին մեջ, և որոնք ի պահ կմանն Փարիզի Ազգային Մատենադարանին մեջ⁹: Այդ ձեռագրերն են.

ԶԵՌԱԳԻՐ ԹԻՎ 209

ԺՈՂՈՎԱԾՈՒ

1855 թ.: Էջմիածին: Գրիշ՝ Կ. Վ. Ծախազարյան: Մտացող՝ Ազգային Մատենադարան Փարիզի: Թերթ՝ 67: Թուղթ: 26,5×21,5: Երկայուն: Նոտրգիր:

⁹ Macier, նշ. աշխ., էջ 115—116:

Բովանդակություն—**Ղևոնդ Երիցու Պատմություն Հայոց** (Ը դար). **Ջիվանքերի Պատմություն Վրաց** (Թ դար):

(Ղևոնդի մասն) **Թ. 1ա—39բ:** Histoire des conquêtes des Arabes en Arménie et dans les provinces de l'Empire grec, par le pretre Lewond (VIII^e s.).

ԶԵՌԱԳԻՐ ԹԻՎ 208

ՂԵՒՈՆԴ ԵՐԻՅՈՒ ՊԱՏՄՈՒԹԻՒՆ ՀԻՅՈՅ

1851—1852: Գրիշ՝ Ed. Dulaurier: Թերթ՝ 143: Թուղթ: 22,5×17,5: Երկայուն: Նոտրգիր:

Բովանդակություն—Histoire de Mahomet et des Khalifes, ses successeurs, ainsi que de leurs conquêtes dans les divers pays et principalement en Arménie jusque vers la fin du VIII^e siècle de l'ère chrétienne, par le pretre Lewond.

Այս երկու ձեռագրերն, ինչպես Brossel-ի հիշատակարանն ստուգապես կնշե¹⁰, օրինակված են Թիֆլիսի Կարապետ արք. Բագրատունու յատկանշալ օրինակեն, այսինքն նույն ինքն ԺԸ դարուն վանի մեջ գրված գրչագրեն (թիվ 3070): Brossel կշեշտե թե՛ ձեռագրին նախկին պատկանելությունն և թե՛ ձեռագրին ԺԸ դարուն գրված ըլլալն:

Վեներտիկի Մխիթարյաններուն մոտ կան Ղևոնդի պատմագրության չորս այլ ձեռագրեր որոնք սակայն «անգոհացուցիչ բաներ են և շատ ուշ դարերու» ինչպես կհաստատեն հանգ. Հ. Մեսրոպ վրդ. Ծանաշյան իր հոկտ. 27, 1973 թ. նամակով: Սա է ցանկըն Վեներտիկի ձեռագրաց.—

- 1) Թիվ 2390, անթվական, հավանաբար 1700-ի մեջ գրված: Գրիշն է Տիրացու Մելքիսեդեկ: Հիշատակարան չունի: Նոտրգիր հատված մըն է միայն և ոչ ամբողջական:
- 2) Թիվ 43: Պակասավոր օրինակ մը: Հիշատակարան չունի: ԺԸ դարու օրինակություն մը:
- 3) Թիվ 300: Օրինակություն պակասավոր:
- 4) Թիվ 2593: Գաղափարյալ 1836 թվին: Ո՞ր ձեռագրեն հայտնի չէ:

ԷԶՐԱՎԱՅՈՒԹՅՈՒՆ.—

Մեր ուսումնասիրություններն կարող ենք եզրակացնել որ Ղևոնդի պատմագրության բնագրի բնության համար կարևորագույն ձեռագրերն են նախնագույնն (ԺԳ դար) և ընտրելագույնը (ԺԸ դար): Առաջինը (թիվ 1902) վերջին անգամ կազմված

¹⁰ Անդ, էջ 115:

և նորոգված էր Շմավոն Լոռեցիի ձեռամբ 1664 թվին: Ինչպես վերև ըսինք ըստ Հ. Ն. Ակիմյանի «մեզի հասած բոլոր օրինակները ծագած են Շմավոն Լոռեցվո նորոգած այս ձեռագրեն, ուրեմն 1664-են հետո»: Իրոք, վերոգրյալ բոլոր ձեռագրերն կկրեն 1664-ին հաջորդող թվականներ: Երկրորդ ձեռագիրը (թիվ 3070) ուղղակի կապ ունի Վարդան Բաղիշեցվո հետ, անոր գրիչներն մին ըլլալով, ինչպես նաև ձեռագրին միակ ստացողը 1669 թվին: Այս ձեռագիրը, ինչպես վերև հաստատեցինք, կպատկաներ Թիֆլիսի Կարապետ արք. Բագրատունիի և ծառայած էր որպես բնագիր Կ. Վ. Շահնազարյանի 1857-ի հրատարակության, քանի որ վերջինս արտագրած էր իր օրինակը նույն այդ ձեռագրեն: Ծատ հավանական է Վարդան վրդ. Բաղիշեցվո հմայքին ու անունին հետ առնչել արտագրումը ԺԷ դարու (թիվ 3070) ձեռագրին որ կատարված պետք է ըլլա Շմավոն Լոռեցվո նորոգած ԺԳ դարու (այժմ թիվ 1902) ձեռագրեն, քանի որ վերջինս տակավին կմնար Ամրտոյու վանքին մեջ և Վարդան Բաղիշեցվո հսկողությամբ ներքև: Վարդան զայն ա. Էջմիածնի նվիրեց միայն 1690 թվին (ՌՃԼԹ): Տես վերև, հիշատակարան ձեռագրի թիվ 1902: Նաև, երկու ձեռագրաց հանգումությունն հայտնի կդառնա Սարգիս գրիչի հիշատակարանն որ կրկնված է ԺԷ դարու ձեռագրին մեջ, հիշատակարաններն առաջ, ճիշդ այնպես ինչպես կերևի ԺԳ դարու ձեռագրի վերջավորության:

Մնացյալ չորս ձեռագիրներն երկուքը թերի օրինակներ են, մին Բաղեշի մեջ օրինակված 1683—84 թվականներուն (թիվ


5501), ապահովաբար վերևի երկու ընտիր օրինակներն միույն վրայեն, և մյուսը Մոսկվայի մեջ գրված 1856 թվին (թիվ 3741), շատ հավանաբար սկիզբի երկուտասան գլուխներով թերի գրչագրի մը վրայեն, (ըստ երևույթին 1668 թվին ի Տիգրանակերտ գրված և այժմ թիվ 4584 օրինակի հետևողությամբ), քանի որ երկուքին նույն թերությունն ունին:

Կմնան երկու գրչագիրք. Նոր Զուղայի 1675 թվին գրվածն (թիվ 1889) և ԺԷ դարու գրվածն (թիվ 3583), երկուքն ալ լման բնագրերով: Վերջնույս տեղն անհայտ է և հիշատակարան չունի: Մեր կարծիքն այն է որ այս երկու ձեռագրերն ևս ծագած են հնագույն ԺԳ դարու ձեռագրեն և հետևաբար որոշ առավելություն մը չեն ցուցներ անոր վրա: Այսուհանդերձ, Դևոնդի պատմագրության գիտական հրատարակությունն կարելի է լիակատար և քննական նկատել բաղդատելն ետք այս երկու ձեռագրերն ևս:

Երուսաղեմի ա. Հակոբյանց վանուց ձեռագրատան մեջ ցարդ կարելի չէ եղած գտնել Դևոնդի բնագրեն օրինակ մը, ինչպես կհաստատեն Նորայր արք. Պողարյանն ու Michael Stone, համաձայն վերջնույս գրած նոյեմ. 12 1973 թ. նամակին: Նույնն կարելի է ըսել Վիեննայի Միխիթարյանց ձեռագրատան համար, հիմնվելով Հ. Հ. Տաշյանի 1895-ին հրատարակյալ Յուցակ հայերեն ձեռագրաց-ին վրա:

ԶԱՎԵՆ Ծ. ՎՐԴ. ԱՐԶՈՒՄԱՆՅԱՆ

Ֆիլատելֆիա
Հուլիս, 1975





ՍՈՒՐԵՆ ՏԻԳՐԱՆԻ ՍԱՂՈՒՄՅԱՆ

ՄՈՒՂՆՈՒ Ս. ԳԵՎՈՐԳ ԵԿԵՂԵՑԻՆ ԵՎ ՆՐԱ ՎԻՄԱԳՐԵՐԸ

Պատմական Արագածոտն գավառի հինավուրց գյուղերից մեկը՝ Մուղնին, այժմ Աշտարակ քաղաքի հյուսիսային թաղամասն է:

Վաղնջական ժամանակներից այստեղ եղել է մատուռ չար ուժերին հաղթող, արդարության սատարիչ, «քիբլիական հերոսների» հիշեցնող ազատաբեր ուժի՝, որբացված ասպետ Գևորգ զորավարի մատնեքների վրա:

Հին, խարխուլ, արտաքին ու ներքին փայլից զուրկ փոքր մատուռը ԺԷ դարի կեսերին քանդում է Մարտիրոս Մուղնեցին, կառուցում շրջապարիսպ, բնակելի տներ, խուցեր «և եկեղեցի վաչելույ ի մէջ պարսպին ի վերայ չորից սեանց»²: Նույն միտքը երկրորդելով Զաքարիա պատմագիրը նորակառույց շինությունը համարում է «կուպիտ քարի հոյակապ եկեղեցի»³: Սակայն Մարտիրոսաշեն եկեղեցին երկար կյանք չունեցավ: Այս մասին տեղեկացնում է Դավրիժեցուց ավելի ուշ, 1687 թ., իր պատմությունը շարահարած Զաքարիան, իսկ վանքի որմերին վիմագրված ընդարձակ հիշատակությունները համակողմանիորեն լրացնում են նրա կառուցման մանրամասները:

¹ Սիրարփի Տեր-Ներսեսյան, Հայ արվեստը միջնադարում, Երևան, 1975, էջ 86, 89:

² «Պատմություն Առաքել Վարդապետի Դարիժեցույ», Վաղարշապատ, 1896, էջ 350:

³ «Զաքարիայ սարկաւագի պատմագրութիւն», Վաղարշապատ, 1870, Բ. III, էջ 41:

Մարտիրոս եպիսկոպոսը մահանում և թաղվում է իր ձեռակերտ եկեղեցու մոտ՝ իրեն հաջորդ թողնելով եղբոր՝ Հակոբի որդի Հովհաննես վարդապետին: Վերջինս, թերևս նկատի ունենալով, որ երկնասույզ Արագածի փեշերին ազդասյունների նման հողին կառանված, սոսուկի նման շողշողացող Կարմրավորի, Հովհաննավանքի, Սաղմոսավանքի, Ամբերդի, Տեղերի և շրջակա այլ քերթությունների օղաշղթայում խեղճ ու անարտահայտիչ է իր հաստատությունը, անվաչել իր իսկ անվանը՝ հերոսության անմնացորդ մարմնացում Գևորգ զորավարին, քանդում է իր հորեղբոր կառուցած կուպտաքարե եկեղեցին «և շինեաց կուփածու քարամբբ եկեղեցի զարմանալի, և յարևմտեան դրանն զանգակատուն»⁴:

Սրանով ավարտվում է ժամանակակիցների հաղորդումները Մուղնու ս. Գևորգ եկեղեցու կառուցման մասին, բայց, քարեքախտաքար, տաճարի որմերի, դռների արձանագրությունները հավաստի կերպով լրացնում-ամրոջացնում են նրա կառուցման, վերանորոգման հանգամանքները: Եկեղեցու արևմտյան ճակատին, մուտքից ձախ, սյունասրահի որմնամույթերը միմյանց կապող կամարի տակ փորագրված ընդարձակ տարեգրության հավաստմամբ, Հովհաննես վարդապետը, Հակոբ Չողաչեցի կաթողիկոսի թուղտվությամբ ու օժանդակությամբ, Պարսից փոքր Ծախ Արասի թագավորության և Արաս դույի խանի բրդ-

⁴ Նույն տեղում:

նակալության (այս դեպքում՝ իշխանության) ժամանակ, 1664 թ., «քակեալ ի հիմանց սուրբ Գեորգայ եկեղեցիս» և «հրաշակերտ յօրինուածօք, ներքուստ ու արտաքուստ կոփածու քարօք» շինում է ներկա եկեղեցին ու պուճարահը՝ իր և տեղի ժողովրդի նյութական միջոցներով: Եկեղեցու կառուցումը հիմնականում ավարտվում է 1669 թ., Շահ Մուլեյմանի թագավորության և Սեֆի ղուլի խանի տիրապետության ժամանակ: Նույն տարում էլ մահանում է Հովհաննես Վարդապետը, իսկ տաճարի ներսի «թօշմեն»՝ սալահատակը ու ծածկի սալարկունն իրականացնում է նրա հաջորդ և եղբոր՝ Կարապետի որդի Դավիթ վարդապետը, և նրա կառուցումը, ամենայն հավանականությամբ, ավարտվում է 1670 թ.:

Եկեղեցու կառուցման մեկնմաններից է նաև Դավիթ վարդապետի եղբայր պարոն Վարդանը: Նա է տվել եկեղեցու հարավ-արևելյան պան և մեկ կամարի «խարճը»՝ ծախար՝ ի հիշատակ իր ծնողների՝ Կարապետի և Թուրվանդի, եղբայրների՝ Զաքարիայի և Մարգարեի, նրանց կանանց, զավակների և տոհմակիցների: Նույն կամարի վրա էլ 1670 թ. փորագրվել է համապատասխան արձանագրություն:

Իր դարի համար նշանավոր ու ծավալուն այս ձեռնարկմանը զորավիգ են եղել նաև Ագուլիսի ժողովուրդն ու իրենց հովվապետ Պետրոս վարդապետը: Նրանց խնայողություններով, ի հիշատակ Գողթան գավառի արքեպիսկոպոս, նույն Պետրոսի հորեղբայր Խաչատուրի, կառուցվել է եկեղեցու արևմտյան շքամուտքը՝ երկնքատակ կամարներով հանդերձ՝ համաձայն նույն մուտքի ճակատակալի արձանագրության:

Այնուհետև մեկուկես դար տաճարը գոյատևում է անխաթար: 1830 և 1839 թթ. վանքի առաջնորդ, գիտնական Ստեփանոս Թելավեցի արքեպիսկոպոսը նորոգում է ծածկերը և կայծակնահար կաթողիկեն⁵: 1866 թ. աշտարակեցի Սիմեոն Սաժումյանը, Ներսես 5-րդ կաթողիկոսի հրամանով, կարգվում է ս. Գևորգ եկեղեցու տեսուչ, իսկ 1868 թ. Գևորգ Դ-ի հրամանով՝ հրապարդում: Եվ քանի որ Մուղնիս Էջմիածնի թեմական գյուղերից էր⁶, ուստի կաթողիկոսության միջոցներով 1868 թ. Սիմեոնը

վերանորոգում է եկեղեցու տանիքները⁷:

Մուղնու վանքում հնուց ի վեր եղել է դպրոց և գրչատուն: Այստեղ 1023 թ. Սիմեոն գրիչը շարագրել է մի «ժառոնսիր»⁸, իսկ 1491 թ. Մկրտիչ երեցը, Սիրադեղ աղայի պատվերով՝ «Ճաշոց»⁹:

Մուղնու վանքի առաջնորդ Արեղ Մխիթարյան եպիսկոպոսը 1870 թ. տեղում վերաբացել է Արարատյան աշխարհի սակավաթիվ դպրոց-վարժարաններից մեկը¹⁰, որտեղ ուսանում-կրթվում են հայ մանուկները:

Մուղնու ս. Գևորգ եկեղեցին կառուցել է քարահատ, ճարտար ուստա, մեյմար-պետ անվանյալ Սահակ Հիզանցին: Մինչ այս, 1654—1658 թթ., վասպուրականցի Սահակը, իր քրոջ տղա, ուստա Մովսեսի և ուկերիչ Զաքարեի հետ, կառուցել էր Էջ-



Նկ. 1. Տաճարի տեսքը հարավ-արևմուտքից

միածնի Մայր տաճարի գլխավոր զանգակատունը: Եվ ահա ճանաչման արժանացած ճարտարապետը 1664 թ. ստանձնում է

⁷ Եկեղեցու ծածկերը և մախազալիք-սրահը անձնապես վերանորոգել է երևանցի, հանգուցյալ վարպետ Մովսես Գյովշեկյանը 1970 թ., իսկ նրա հարակից կառույցների, պարիսպների նորոգումը և բարեկարգումն իրականացվել է ՀՍՍՀ Պետշինի Հուշարձանների պահպանության և վերականգնման վարչության Երևանի հիմնադրման (Էրեքունի) թանգարանի միջոցներով, 1973 թ.:

⁸ Գարեգին Ա. Կաթողիկոս, Յիշատակարանք ձեռագրաց, հ. Ա, Աճթիլիս, 1951, էջ 213:

⁹ «ԺԵ դարի հայերեն ձեռագրերի հիշատակարան, ներ», մասն Գ, կազմեց Լ. Ս. Խաչիկյան, Երևան, 1967, էջ 167:

¹⁰ Հ. Ղ. Ալիշան, Այրարատ, Վեներիկ, 1890, էջ 184:


⁵ «Ստորագրություն կաթողիկե Էջմիածնի և հինգ գաւառացն Արարատայ, աշխատասիրութեամբ Յովհաննու եպիսկոպոսի՝ Շահ-Նաթուրանեանց Շահրիարցու, միաբանի սրբոյ Էջմիածնի», հ. 2-րդ, Էջմիածին, 1842, էջ 94:

⁶ Նույն տեղում, էջ 89:

Մուղնու եկեղեցու կառուցումը, սակայն, ձեռնարկումը թերավարտ, 1667 թ. գարնանը մահանում է: Սահակի դին ամփոփված է գյուղի հյուսիսային եզրի գերեզմանոցում¹¹:

Եկեղեցու կառուցումը շարունակում-ավարտում է Սահակի փեսան և աշակերտը, շնորհալի ուստա Մուրադը:

Սահակ անտարապետն իր ձեռակերտի ծավալա-տարածական հորինվածքի և արտաքին հարդարանքի մեջ օգտագործել է միջնադարյան հայկական անտարապետության լավագույն նվաճումներն ու դարավոր ավանդույթները, և այն որոշակի ազդեցություն է թողել հետագա շրջանի եկեղեցական անտարապետության վրա:



Նկ. 2. Գմբեթակիր կամարները

Մուղնու եկեղեցին Զ—Է դարերին բնորոշ գմբեթավոր սրահ է: Գմբեթը, որը տեղադրված է կենտրոնից համաձայնաբար արևմուտք, բարձրանում է չորս սյուների միմյանց կապող կամարների և նրանց միջև գոյացող առագաստների վրա: Թմբուկը կլոր է, սև ու կարմիր տուֆաքարե հաջորդական շարքերով: Եկեղեցին լավ է լուսավորվում Արուսի տաճարի, Աղթամարի և Խաչ վանքի օրինակով թմբուկի վրա բացված ութ խոշոր լուսամուտներով:

Թմբուկի վրա, աշխարհագրական կողմերի համեմատ հարավ-արևելքից հյուսիս-արևմուտք խիստ շեղված, ավետարանիչների խորհրդանիշ բարձրաքանդակներն են: Նման հնարամիտ տեղադրմամբ դրանք օրվա ընթացքում ամբողջովին լուսավորվում են: Ի տարբերություն այլուր գոյություն ունեցող համանման քանդակների, այստեղ

գրված են նաև ավետարանիչների անունները: Ի դեպ, բարձրության հետևանքով այդ քանդակները գետնի վրայից հազիվ են նշմարվում: Թմբուկի նկատելիորեն բույս վեղարը հովհարածն է՝ Անիի, Մարմաշենի, Ամբերդի, Տաթևի, Գլաձորի կառույցների օրինակով: Ավագ խորանին կից ունի թաղակապ կրկնահարկ փոքր ավանդատներ, որոնցից հյուսիսայինում ամփոփվել են ս. Գևորգի նշխարք-մատուցները, իսկ հարավակողմում պահպանվել են պատարագամատույց սպասքներն ու անոթները: Խորանների 2-րդ հարկի թաքստոցները հնարավոր է մագլցել-բարձրանալ գլխավոր աքսիդայի աջ ու ձախ կողմի փոքր միջանկերով: Այդ միջանկերից վեր են ձգվում կլոր խոռոչներ՝ 6—8 մ բարձրությամբ, պատերի մեջ տեղադրված աստիճաններով, որոնց օգնությամբ կարելի է հասնել մուսլ, խավար ու պաղ թաղակապ խորան-թաքստոցներ: Այդ հուսալի պատասպարաններն ունեցել են քարե միակտոր, շարժական դռներ, որոնք միջանկերի համար ծառայել են որպես առատադ և թաքցրել գաղտնի մուտքերը: Արևմտյան հատվածում, թաղակիր կամարների տակ, խորաններ չկան (ինչպես Էջմիածնի Մայր տաճարում, ս. Գալանե եկեղեցում, Պողոսիում, Արուսում, Թալինում և այլուր), և եկեղեցու ներսի ողողանկյուն տարածությունը մասնատվում է չորս հզոր մույթերով: Շքամուտքը բացվում է սրահ-



Նկ. 3. Հատված սրահ-նախագավթից

նախագավթի մեջ, մի այլ մուտք էլ՝ հարավային ճակատից: Մուտքերն ունեն փայտակերտ դռներ՝ պատրաստված 1838 և 1839 թթ. կնյազենց Գևորգի տոհմի հիշատակին: Ձախ խորանի դռան կաղնի փայտը ներծծված է ձեթով և փալլփլում է լավագույն կահույքի նման:


Մուղնու տաճարի նախագավթ-սրահին իր մտահղացմամբ նոր տարր է եկեղեցաշինության մեջ, որն այնուհետև լայն տա-

¹¹ Այս մասին ավելի մանրամասն տես մեր «Երբ և ովքեր են կառուցել Էջմիածնի Մայր տաճարի զանգակատունը» հոդվածը, «Էջմիածին», 1976, № 6, էջ 30—32:


րածում ստացավ¹²: Նրա եռաբաժին թաղը նստում է արևմտյան չորս պուրների և տաճարի պատին հեկաձ որմնամույթերից ձրգվող կամարների վրա: Կենտրոնական մասում, Հովհաննավանքի օրինակով բարձրանում է թերևս 12 առաքյալները խորհրդողանշող 12 կլոր, միակտոր պուրների վրա հանգչող զանգակատունը: Եկեղեցին և սրահ-նախագավիթը¹³ շարված են մեծածավալ, հղկված սև տուֆով, իսկ ճակտոնները՝ շախմատաձև՝ կարմիր ու սև տուֆով: Գունային այս հիասքանչ երանգները գեղագիտական մեծ հաճույք են պատճառում, ջերմությամբ համակում դիտողին, և խամրում է զանգվածայնության ոգին¹⁴: Տաճարի հարդարման տարրերից են նաև մուտքերի,

վանքից հյուսիս՝ պարսպին կցված եկ թաղակիր բնակելի սենյակներն ու երկբաժին սեղանատունը:

Մուղնու եկեղեցու որմերից և նրա մեծակալքից մենք հավաքել ենք 27 արձանագրություններ, որոնցից հինգը հրատարակված են եղել անցյալում: Ստորև ներկայացնում ենք բոլոր արձանագրությունները՝ ուրիշ շտկումներով վերահրատարակելով նաև հայտնիները: Առաջին անգամ հրատարակում ենք մի քանի մանր արձանագրություններ՝ Քանաքեռից, Փարպիից, Ավանից, Էջմիածնից, Հացառատից, որոնք լրացնում են Մուղնիում հանդիպող քարգործ-վարպետների գործունեության անհայտ էջերը:



Նկ. 4. Մեղանատան տեսքն արևելքից



Նկ. 5. Կենտրոնում 986 թ. խաչքարը, աջ կողմում՝ Մելիքների հորինած

ճակտոնների լուսամուտների շրջաքանդակները, պուրների ու որմնամույթերի խոյակների ստալակտիտային քանդակները, հովհարաձև վեղարը, թմբուկի բարձրաքանդակները, բուսական և կրոնական մոտիվներով որմնանկարները, պատերին ագուցված խաչքարերը և որմերի վիմագրությունները:

¹² Այն իր կոմպոզիցիայով չի կրկնում Սանահինի վանքի նախագավիթին, և նրա տարրերի ակունքները պետք է որոնել համրախայտ գավիթների ու զանգակատների մեջ:

¹³ Եկեղեցու վիմագրերի մեջ այս պուրնաբաժին, անկողնոյի, կոչվում է գավիթ, Ջաքարիա պատմիչի մոտ՝ զանգակատուն:

¹⁴ Անվարան պետք է ասել, որ երկզույն տուֆով շարված հուշարձանն առանձնակի հմայք ու արտահայտչականություն է ստացել: Մեր ճարտարապետները մոր-մոր սկսել են օգտագործել հայկական գունավոր քարերը՝ իրեն կառույցների հարդարանքի, բնավորման բնատուր ու մշտակյաց միջոց:

Մուղնու նախնական կառույցների վերաբերյալ մեզ ոչ մի վիմագիր չի հասել: Տեղում գտնված հնագույն արձանագրությունը 990 տարի առաջ հորինված խաչքարի ստորին մասում է: Պարզ ու անպարզաբան աղյուսով, երկու այլ խաչքարերի հետ, վերջին վերանորոգման աշխատանքների ընթացքում կանգնեցվել է սեղանատան արևելյան պատի տակ, ընդհանուր պատվանդանի վրա: Ահա նրա վիմագիրը¹⁵ (գծ. 1). ՆԼԵ (986) ԹՎ. ԵՄ՝ ՏԻՐԱՆ, ԾՆՈՒՅ ԱՄՍՈՒՇՈՅ, ՈՐ ԿԱՆԳ[Ն]ԷՑԻ ԶԽԱՉՍ/ Ի ՅԱԳՆԱԿԱՆՈՒԹԻՒՆ ԻՆՑ ԵՒ ՅԱԿԱԿԱՑ ԻՄՈՑ. ՈՐ ԵՐԿԻՐԱԳ[ԷԷ] /ԶԷ[ՐԻՍ-ՏՈՅ] ՅԱՂՈ[ԹՍ ՑԻՇԵՑԷԷ]:

¹⁵ Արձանագրությունն առաջինը հրատարակել է Ա. Ծախիճյանը (Տե՛ս նրա «Հայկական խաչքարերի արվեստը», «Էջմիածին», 1980, № 2, էջ 47): Նա առաջին տողի անձնանունը վերծանել է ՄԻՐԱՆ-ի, որը և մտել է հայագիտական մի եզակի ու բարձրարժեք աշխատության մեջ (Տե՛ս Ս. Ավագյան, Վիճական արձանագրությունների հնչյունաբանություն,

Եկեղեցու ձախ խորանի արևելյան պատի մեջ, ներքուստ, ագուցված է մի խաչքար: Այլ նպատակով հորինված խաչքարի քիվը տաշվել է պատին հավասարեցնելու համար, սակայն բարեբախտաբար փրկվել է թիվը և վարպետի ստորագրությունը՝ փռ-է թիվը և խաչքարի վերև (գծ. 2). քաղված խաչաքանդակից վերև (գծ. 2). ԹՎ. ՌԽԵ (1598). ՀԷՐԱՅՊԵ[Տ] ԿԱԶՄՈՂ: Այս վարպետի ձեռակերտ խաչքարերից մյուսը ագուցված է աջ խորանի նույն մասում (գծ. 3). ԹՎ. ՌԽԵ (1599). ՀԷՐԱՅՊԵ[Տ] ԿԱԶՄՈՂ հիշատակությամբ: Նույն խորանի հյուսիսային միջնային մեջ դրված խաչքարը ևս կարելի է վերագրել Հերայպետին, թեև նրա վրա վարպետի ստորագրություն չկա: Խաչքարի վերին կամարաղեղի վրա փորագրված է (գծ. 4). ԹՎ. ՌԽԵ (1598)¹⁶:

10—14-րդ դդ., Երևան, 1973, էջ 347): Մեր կարծիքով առավել հավանական է անձնանվան Տիրան ընթերցումը: Հին խաչքարերի ստույգ թվագրումը մեծ կարևորություն ունի այս տիպի կոթողական հուշարձանների զարգացման պատմության համար: Առայժմ մեծ չէ թվակիր հին խաչքարերի քանակը:

Մենք գտել ենք մի քանիսը ևս, որոնք են՝

ա Վարդենիսի շրջանի Թուսկույի գյուղի քաղիկ եկեղեցու հյուսիսային պատի տակ ընկած է երկատված խաչքար՝ պարզ ու խոշոր խաչաքանդակով, ընդարձակ, բայց ճեմված-ջարդոտված, չամբողջացող արձանագրությամբ. [ԹՎ.] ՆԼԸ (989). ԵՍ ՄԱ[Ր]ԱՆ ՈՐԴԻ ԽՈՌԱ ԶԱԼԱ ԵՒ ԹՈՒ ... ԵՒ ԿԱՆԳՆԵՑԻ ԶԽԱԶՍ ՅԱՆՈՒՆ...

բ Նույն շրջանի Կարճաղյուր գյուղի «Քարե դուռ» կից մատուռներից հարավայինի արևելյան պատին հենած խաչքարի եզրերի և ստորին մասի արձանագրության որոշ հատվածներ ծածկված են, սակայն ներքևի մասում հնարավոր է կարդալ՝

Թ. ՆԾԸ (1009) ... ԵՒՈՆ ԿԱԳԷՑԻ:

գ Հիշյալ մատուռներից արևմուտք՝ ձորակերպին ընկած խաչքարի եզրերին՝ Ի ԹՎ. ՆԶԻ (1035) ԶԽԱԶՍ ԱՐԳԵ... ՈՐԴԻ ԻՄ ՄԱՐԿՈՍ ՔԱԶԱՆԱԻՆ ԱՂԱԹՍ ՅԻՇԵՑԷ[Բ]. ԽԱԶԻԶ ԳՈՐԾՈՂԱ...

դ Մարտունու շրջանի Զորագյուղի Մարուն ա-նուպատ (ս. Կարապետ) եկեղեցու շրջապատի ավերակույտներից հանված և նույն տեղում վերատնդարված խաչքարի շրջանակներից՝ [ԹՎ.] ՆԼԸ (989) . ԱՂԱԹՍ... ԳԻՈՐԳ ԵՐԷՑՈ:

և Նույն տեղում պահպանվում է կարմրավուն խաչքարի ստորին մասը՝ ԾԸ (1059) թվի կիսանդձ արձանագրությամբ:

¹⁶ Հրապետ կազմողի խաչքարերից մեկը գտնվում է Քանաքեռում, Պետական որմնափակ խաչքարի մոտ (Տես Կ. Ղաֆադարյան, Երևան, 1975, էջ 211): Նույն տեղի ս. Հակոբ եկեղեցու հյուսիսային պատի

Մուղնու տաճարի հարավ-արևելյան հատվածի մաքրման-բարեկարգման ընթացքում հայտնաբերվել է ԺԶ դ. առավել հանրահայտ քարգործ վարպետներից մեկի՝ Մելիքսեթի հորինած խաչքարերից մեկը: Այն այժմ դրված է սեղանատան արևելյան պատի տակ, խորանախաչի վերին կողմում, ելնատուտ, գրված (գծ. 5). ՄԵԼ[Ի]Ք[Ս]ԷԹ ԿԱԶՄՈՂ:

արևելյան մասում, դրսից, բարձրուստ տեղադրված է մի այլ խաչքար՝ ՀՐԱՊԵՏ ԿԱԶՄՈՂ[Ղ] ստորագրությամբ, մի ուրիշը դարձված է Փարպիսի ս. Գրիգոր Լուսավորչի եկեղեցու սեղանաքար՝ ՀԷՐԱՅՊԵՏ ԿԱԶՄՈՂ մակագրությամբ, իսկ Կարմրավոր եկեղեցու մոտ պահպանվող ՀՐԱՅՊԵՏ կազմողի խաչքարը հորինվել է ոչ թե ՌԽԵ—1591 (տես Ս. Բաթխուդարյան, Միջնադարյան հայ ճարտարապետներ և քարգործ վարպետներ, Երևան, 1963, էջ 171), այլ ՌԽԵ—1598 թվին: Ժամանակագրական, տեղիտուրիալ առումով և առաջնորդվելով խաչքարերի ոճական նմանությամբ, Քանաքեռում, Փարպիսում, Աշտարակում և Մուղնիում հանդիպող Հրապետ, Հրապետ, Հերայպետ և Հարայպետ կազմողներին համարում ենք նույն անձնավորությունը: Հերայպետը բառ արժանվում է պետք է տեղ առանա նշանավոր հայ քարգործ վարպետների անդատմանում:

¹⁷ Մեր առոնցին պրպտումների ընթացքում հայտնաբերվել ենք այս նշանավոր արվեստագետի մի շարք խաչքարեր ևս: Դրանցից մեկը գտնվում է իր գործունեության կենտրոնում՝ Կամոյի շրջանի Կարմիր գյուղում (հորինված 1550 թ.), իսկ երկրորդը ագուցված է Էջմիածնի ծխական եկեղեցու հյուսիսային պատին, որի քիվի և խաչաքանդակի արանքում եղնատուտ հիշատակված է՝ ԿԱԶՄՈՂ ՄԵԼ[Ի]Ք-ՄԷԹԻՆ ՂՈՒ ("):

Մյուսը գտնվում է Վարդենիսի շրջանի Ծիշկազ գյուղի հյուսիսային եզրում, ավերակ եկեղեցու մոտ: Խոշոր խաչքարի քիվի արձանագրությունը վերձանել է Ս. Բաթխուդարյանը (Տես նաև «Իրվան հայ վիմագրության», պրակ 4-րդ, Երևան, 1973, էջ 812), իսկ խաչաքանդակի հորիզոնական թևերից վերև՝ բարձրաքանդակ տատերով գրված ԹՎ. ՌԲ (1553) ընթերցել է ԹՎ. ՌԸ (1559): Նա չի նկատել քիվի և խորանախաչի միջի մեղ գոտու բարձրաքանդակ տատերով հիշատակագրությունը՝ ՄԷԼ-ԲԻՄԷԹ ԿԱԶՄՈՂ: Հաջորդ երկու հիշատակությունները պահպանվում են Երևանի Ավան թաղամասի պատմական գերեզմանոցի հարավ-արևմտյան եզրում: Այդտեղ ընկած բարձրարվեստ խաչաքանդակի խորանախաչի ձախ կողմում ուռուցիկ, մեղ տառերով գրված է՝ ՄԵԼ[Ի]Ք[Ս]ԷԹ ԿԱԶՄՈՂ, իսկ միում առաջինի հարևանությամբ կարմրավուն տապանաքարի վրա է: Վերջինիս հյուսիսային ճակատին մարդու, ձիու, հազկու, գալի, միադոն արորի, իսկ հարավային ճակատին՝ չորս խորանիկներ ու նրանց մեջ՝ խաչերի քանդակներն են: Խորանների կամարաղեղների միջև հստակ կերպով ընթերցվում

Ահա սրանք են հին Մուղնու վանքի տա-
րածքից մեզ հասած հիշատակությունները:
Մնացած վիմագրերը վերաբերվում են ներ-
կայումս գոյություն ունեցող հուշարձանների
կառուցման և հետագա ժամանակի զանա-
զան խնդիրներին:

Մուղնու ա. Գևորգ եկեղեցու կառուցողա-
կան ընդարձակ արձանագրությունը¹⁸ հետև-
յալն է (գծ. 6).

ա. ԾՆՈՐՀՕՔ Տ[ԵԱՌ]Ն ԱՄԵՆԱԿԱԼԻ,
բ. Ի ԹՎԻՆ ՌԺԺԳ (1664), Ի Թ[Ա]Գ[Ա-
ԻՈ]Ր[Ո]ԻԹԵԲ[Ա]Ն ՊԱՐՍԻՑ ՓՈՔՐ
գ. ԾԱՀ ԱՊԱԶԻՆ. ԵՒ Ի ԲՈՆԱԿԱԼՈՒ-
ԹԵ[ԱՆ] ԵՐԿՐԻՍ ԱՊԱԶ ՂՈՒ-
դ. ԼԻ ԽԱՆԻՆ ԵՒ Ի ՀԱՅՐԱՊԵՏՈՒ-
ԹԵ[ԱՆ] ՀԱՅՈՑ Տ[ԵԱՌ]Ն ՅԱԿՈԲԱՅ
ե. ՍՐԲԱԶԱՆ Կ[Ա]Թ[Ո]Ղ[Ի]Կ[Ո]ՍԻ
ս[ՈՒՐ]Բ ԷԶՄԻ[Ա]ՅՆԻ, ՈՐՈՑ ՀՐԱ-
ՄԱՆԱԻ ԵՒ ԾԺԱՆԴԱԿՈՒԹ[ԵԱՄ]ԲԹՂ-
զ. ԹՈՎ, ԲԱՆԻԻ ԵՒ ԱՐԴԵԱՄԲ ԵՒ ԸՆԴ-
ՀԱՆՈՒՐ ԲՐԻՍՏՈՆԵԻՑ ՏՐԻԻԲ, ԸՆԴ-
ՆՄԻՆ ԵՒ

է. ԶԱՄ[ԵՆԱՅՆ] ԻՆՉՍ ԵՒ ԸՍՏԱՑՈՒԱԾ
ՀՈԳ[Ո]ՅՍ ԵՒ ՄԱՐՄՆ[Ո]ՅՍ ՎԱՏՆԵՑԻ

է. Ինքնին իմաստ չկազմող Ժ Ը Ի Լ Փ Վ Ը Ժ տա-
ռերը: Մեզ հաջողվեց բացել ավանի քարգործի՝ Մե-
լիքսեթի անունը կազմող գաղտնագիրը՝ եղբայրա-
գիր ծածկագրով, որն է՝

Ժ Ը Ի Լ Փ Վ Ը Ժ

Մ Ե Լ Ի Բ Ս Է Թ:

Ի դեպ, օրըստօրե ավելանում է ոչ միայն Մելիք-
սեթի, այլ նաև նույն դարի հուշակավոր մի այլ քար-
գործի՝ Քիրամի ստեղծագործությունների թիվը: Նրա
հնագույն ձեռակերտը մի փոքր խաչքար է՝ ագուց-
ված Էջմիածնի Հին Վեհարանի արևելյան պատին,
քարձրուստ, քիվին՝ Ս[ՈՒՐ]Բ ԽԱՉՍ ԲԱՐԵՍԱ[ԻՍ
Է] ՈՒՂՈՒՆԱՆԻ[Ն], իսկ խորանախաչի երկու կող-
մում՝ ՔԻՐԱՄ ԿԱԶՄՈՂ, ԹՎ. ՌԻԹ (1580) մա-
կագրությամբ: Մյուսը գտնվում է Հացատառի մեծ
գերեզմանոցում, ճամապարհի եզրին. դա քազայթե
փոքր տապանաքար է, որի հարավային լանջի թ
խորաններից վերև գրված է՝ ՔԻՐԱՄ ԿԱԶՄՈՂ: Ի
դեպ, ուշագրավ է, որ տապանաքարի մնացած երեք
կողերն անմշակ են, քանի որ այն պատրաստվել է
վաճառքի համար և պետք է լրացվեր ըստ գնորդի
նախահրությամբ: Քիրամի կազմած խաչքարերից
մեկը կանգնեցվել է Հակոբ եպիսկոպոսի հիշատա-
կին, Նորադուզում (Դիվան, պրակ 4-րդ, էջ 87),
որի տարեթիվը՝ ԹՎ. ՌԻՆԴ (1595) անկատ է մնա-
ցել:

¹⁸ Այս արձանագրությունը հրատարակել է Ծաֆ-
խաթունյանը՝ անցնալ վրիպումներով (տե՛ս նրա
«Ստորագրություն»..., հ. 2-րդ, էջ 92—93): Այն
նույնությամբ վերահրատարակվել է հետագայում
(տե՛ս Ալիշան, Այդարատ, էջ 188—184 և Վիմա-
կան տարեգիր, կազմեց Կ. Կոստանեանց, Պետեր-
բուրգ, 1918, էջ 188—189): Ի դեպ, Կոստանյանցը
լրորովի սրբագրել-խմբագրել է Ծաֆխաթունյանցին:

ԵՍ ՅՈՎՀԱՆՆ[Է]Ս Վ[Ա]ՐԴԱ[Ա]Պ[Ե]Տ
Մ[Ո]ՂԱՆԵՑԻ,

ը. ՈՐԴԻ Յ[Ա]Կ[Ո]ԲԱՅ, ԵՂՔՈՐ ՈՐԴԻ
ՄԱՐՏ[Ի]Ր[Ո]Ս ԵՊ[Ի]ՍԿ[Ո]Պ[Ո]ՍԻՆ,
ՔԱԿԵԱԼ Ի ՀԻՄԱՆՑ Ս[ՈՒՐ]Բ ԳԷՈՐ-
ԳԱՅ ԵԿ[Ե]Ղ[Ե]ՑԻՍ ԵՒ ԾԻՆԵՑԻ

թ. ԶՍԱՅ՝ ՀԱՆԴԵՐՁ ԳԱԽՈՎԱՄ ՀՐԱՇԱ-
Կ[Ե]ՐՏ ՅՈՐԻՆՈՒԱԾՕՔ, ՆԵՐՔՈՒՍՏ
ԵՒ ԱՐՏԱՔՈՒՍՏ ԿՈՓԱԾՈՒ ՔԱՐՕՔ
ժ. ԵՒ Ի ԹՎԻՆ ՌԺԺԸ-ԻՆ (1669), Ի Թ[Ա]-
Գ[ԱԻՈ]ՐՈՒԹԵ[ԱՆ] ՊԱՐՍԻՑ ԾԱՀ
ՍՈՒԼԷՄԱՆԻՆ ԵՒ Ի ԲՈՆԱԿԱԼՈՒ-
ԹԵ[ԱՆ] ԵՐԿՐԻՍ ՍԷՑԻ

ժա. Ղ[Ո]ՂԻԼ ԽԱՆԻՆ ԱԽԱՐՏԵՑԻ, ԵՒ ԵՍ
ԸՆԴ ՆՄԱ ԱԽԱՐՏԵՑԱՅ Ի ԿԵՆՑԱ-
ՂՈՅՍ ԵՒ ՓՈ-

ժբ. ԽԵՑԱՅ ԱՐ Տ[Է]ՐՆ ԱՄԵՆԻՑ. ՄԱՅ
ՄԻԱՅՆ ԳԼԽԻ ՍԱԼԷՆ ԵՒ ՆԵՐՔԻՆ
ԴՕԾԱՄԷՆ

ժգ. ԵԿ[Ե]Ղ[Ե]ՑՈՅՍ ԵՒ ԳԱԽՈՒՍ, ԶՈՐՍ
ԿՏԱԿԱԻ ՅԱՆՁՆ ԱՐԱՐԻ ԵՂՔՈՐ ՈՐԴ-
ԻՈ]Ց ԻՄՈՑ ԴԱ-

ժդ. ԻԻԹ Վ[Ա]ՐԴԱ[Ա]Պ[Ե]ՏԻՆ՝ ՓՈԽԱ-
ՆՈՐԻ ԼԻՆԵԼ ԻՆՁ ԵՒ ԿԱՏԱՐԵԼ ԶՊԱ-
ԿԱՍՈՒԹԻ[Ի]Ն ԵԿ[Ե]Ղ[Ե]Ց[Ո]ՅՍ

ժե. ԵՒ ԳԱԽՈՒՍ: ՈՐՔ ՏԵՍԱՆԷՔ ԶՅԻ-
Ծ[Ա]Տ[Ա]ԿՍ ԻՄ, Ա[ՍՏՈՒԱ]Ծ ՈՂՈՐ-
ՄԻ ԱՍ[Ա]ՑԷՔ ԻՆՁ ԵՒ ԾՆ[Ո]ՂԱՅ
ԻՄՈՑ,

ժզ. Տ[Է]Ր Ա[ՍՏՈՒԱ]Ծ ՁԵԶ ՈՂՈՐՄԵՍ-
ՑԻ, ԱՄԷՆ: ԱԼԷՔՍԱՆ ՔԱՐՏՈՒՂԱՐ
ՀԱՅՈՑ ՅԻԾ[Ե]ՑԷՔ Ի Ք[ՐԻՍՈ]Ս:

Արձանագրությունը կազմված է Հով-
հաննես վարդապետի անունով, բայց նրա
մահից հետո:

Եկեղեցու արևմտյան շքամուտքի ճակա-
տակալ քարի արձանագրությունը (գծ. 7)
ավետում է.

ա. ԾՆՈՐՀՕՔՆ Ա[ՍՏՈՒԾՈ]Ց ԵՍ ՊԵՏՐՈՍ
ՎԱՐԴԱՊԵՏ, ՈՐ ՅԱԳՈՒԼԵԱՅ, ԱՆ-
ՁԱՄԲ ԵՒ ԺՈ-

բ. ՂՈՎՐԴԵԱՄԲ ԻՄՈՎ ՅՕԺԱՆԴԱԿ ԵՂԷ
ԾԻՆՈՒԹԵԱՆ ՍՈՒՐԲ ԵԿԵՂԵՑՈՅՍ

գ. ԵՒ ԾԻՆԵՑԻ ԶՐԴՈՒՐՆՍ ՍՐԲՈՑՆ ԳԷ-
ՈՐԳԱՅ ԶՈՐԱՎԱՐԻ՝ ԵՐԿՆԱՔԱՏԱԿ
ԿԱՄԱՐ-

դ. ՕՔ ԵՒ ԿԱՆԳՆԵՑԻ Ի ՎԵՐԱՅ ԶՍՈՒՐԲ
ԽԱՉՍ Ի ԲԱՐԵՍՈՍՈՒԹԻՆ ՀՈՐԵՂ-
ՔՈՐՆ Ի-

ե. ՄՈՑ, ՏԵԱՐՆ ԽԱՉԱՏՐՈՑ ԱՐՀԵՊԻՍ-
ԿՈՊՈՍԻՆ ԳՈՂԹԱՆ ԳԱԽԱՐԻ ԵՒ
ԲԵՄԲԱ-

զ. ՍԱՀ ՎԱՐԴԱՊԵՏԻ. ՅԻԾԵՑԷՔ Ի ԲՐԻՍ-
ՏՈՍ, Ի ԹՈՒԻՆ ՌԺԺԸ (1669): ԱԼԷՔ-
ՍԱՆ¹⁹:

¹⁹ Ծաֆխաթունյանը փակագրված վերջին քառը
կարդացել է ամէն (տե՛ս նրա «Ստորագրություն»...,

Եկեղեցու կառուցման մեկենասներից պարոն Վարդանի հիշատակությունը փորագրված է ներսի հարավ-արևելյան պանարևմտյան կամարի վրա:

ա ՅԻՇԵՑԷՔ Ի Ք[ՐԻՍՏՈ]Ս ԶՊԱՐՈՆ
բ ՎԱՐԴԱՆՆ, ՈՐ Ի ԵՂԲՕՐ ՈՐԴԻՆ
գ ՅՈՎՀԱՆՆԷՍ Վ[Ա]ՐԴ[Ա]Պ[Ե]ՏԻ,
ԾԻՆՕՂԻ

դ Ս[ՈՒՐ]Բ ԵԿԵՂԵՑԻՈՅՍ ԵՒ ԳԱԽԹԻՆ
ԵՒ

ե ԵՂԲԱՅՐ ԴԱԽԻԹ Վ[Ա]ՐԴ[Ա]Պ[Ե]-
ՏԻՆ՝ ՓՈԽԱՆՈՐ-

զ ԴԻ ՆՈՐԻՆ, ՈՐ Ի ՀԱՆԱԼ ԸՆԶԻՑ ԻԻ-
ՐՈՅ ԵՑ

է ԶԽԱՐՇՆ ԾԻՆՈՒԹԵ[ԱՆ] ԱՅՍ ՍԵԱՆՍ
ԵՒԱ: (1)

ը ԿԱՄԱՐԻՆ՝ ՅԻՇԱՏԱԿ ՀՈԳՈՅ ԻԻՐՈՅ
թ ԵՒ ԾՆՕՂԱՅՆ՝ ՀՕՐԻՆ՝ ԿԱՐԱՊԵՏԻՆ,
ժ ԵՒ ՄՕՐԻՆ՝ ԹՈՒՐՎԱՆԴԻՆ, ԵՂԲԱՐՑՆ՝
ժա ԶԱՔԱՐԻԱՅԻՆ ԵՒ ՄԱՐԳԱՐԷԻՆ ԵՒ

ԿԵ-
ժբ ՆԱԿՑԱՑ ՆՈՑԻՆ, ԶԱՐՄԻՑ ԵՒ ԶԱ-
Ի[Ա]Կ[Ա]Յ,

ժգ ԿԵՆԴԱՆԵ[Ա]Յ ԵՒ ՀԱՆԳՈՒՑԵԼՈՅ:
ՈՐՔ ՈՂ[ՈՐ]-

ժդ ՄԻ ԱՄԷՔ Տ[Է]Ր Ա[ՍՏՈՒԱ]Ծ ԶԵԶ Ո-
ՂՈՐՄԵՍՑԻ. ԱՄԷՆ:

ժե ԳՐԵՑԱԻ Ի ԹՎԻՆ ՌԾԺԹ (1670), ԶԵ-
ՌԱՄԲ ԱԼԷՔՍԱՆԻՆ՝²⁰:

Եկեղեցու արևելյան պատի հյուսիսային մասում, բարձրուստ, խաչաքանդակից վերև, պահպանվում է հետևյալ ուշագրավ հիշատակագիրը (գծ. 8).

ա Ս[ՈՒՐ]Բ ԽԱԶՍ ՅԻՇԱՏԱԿ Ե ԾԻՊ
ՂԱՐԱՀԻՍԱՐՑԻ ՄԻ-

բ ՆԱՍ ՍԱՐԿԱԽԱԳԻՆ ԵՒ ԾՆՕՂԱՅՆ՝
ՅԱԿՈԲԻՆ, ԵԼԶԱՔԱՆԻՆ ԵՒ

գ ԵՂԲԱՐՑՆ՝ ՄԵԼՔՈՆԻՆ, ԽՈՒՊԱՍԱ-
ՐԻՆ ԵՒ ԱՄ[ԵՆԱՅՆ] ԿԵՆԴԱՆԵ[Ա]Յ
ԵՒ ՀԱՆԳ[ՈՂ]Ի-

դ ՑԵԼՈՅ. Ի ԹՎԻՆ ՌԾԺԹ (1670): ԱԼԷՔ-
ՍԱՆ ՆՕՏԱՐ:

2-րդ, էջ 93—94), մինչդեռ այն պետք է վերծանել Ալեքսան՝ նրան նույնացնելով նախորդ արձանագրության մեջ հիշատակվող հայոց քարտուղար Ալեքսանի հետ: Վերջինս կազմել է այլ արձանագրություններ ևս, որոնք կենդանիացվեն ստորև: Դրանցից մեկի մեջ Ալեքսանը կրում է ՆՕՏԱՐ (գրագիր) կոչումը, որը տվյալ դեպքում պետք է համարել ՔԱՐՏՈՒՂԱՐԻ հոմանիշ: Արձանագրությունը որոշ կրճատումներով մտել է Վիմակյան տարեգրքի մեջ (էջ 191):

²⁰ Արձանագրությունը հրատարակել է Ծախաբունյանը՝ ազատ ընթերցանությամբ (տե՛ս նրա «Լուրագրություն...», հ. 2-րդ, էջ 93), որը մտել է «Այրարատ»-ի (էջ 184) և «Վիմակյան տարեգրք» մեջ (էջ 191):

Արձանագրությունը գրվել է եկեղեցու կառուցման ավարտման տարում, և պետք է ենթադրել, որ Մինաս ասրկավագը ևս աջակցել է այդ ձեռնարկմանը, և հարազատների հետ արժանացել է հավերժ հիշման: Այստեղ հիշատակվող Շիպ Ղարաֆիսարը Ծապին Գարաֆիսարն է (Էրզրումի մոտ): Այն Շիպ Ղարաֆիսար է կոչվել նաև 17-րդ դ. մատենագիր Հակոբ Կարվեղյանի «Տեղագիր վերին հայոց» աշխատության մեջ²¹: Այլշանի համար այս՝ տեղ-տեղ հողմահարված ու դժվարընթեռնելի արձանագրությունն ընդօրինակել է Սիմեոն Օռլարտյանը, և այն մտել է մեծանուն երախտավորի «Այրարատ»-ի մեջ (էջ 184): Օռլարտյանն արձանագրությունն ընթերցել է հիմնովին աղավաղած, բնագրին խորթ ու քմածին սրբագրությամբ, և այն ստացել է հետևյալ տեսքը՝ «Խաչա յիշատակ է Սիպ-դաքոս ? ասրկավագին եւ ծնողաց իրոց Պապահն եւ... ետու զՊորթունն վասն հանգուցելոյն. թվ. ԷժԻԹ ասքանագեան»: Մեկնաբանություններն ավելորդ են²²:

Հաջորդ վիմագիրը պատվոգրված երկու տառ է՝ ԴՐ (գծ. 9)՝ փորագրված թմբուկի հարավային պատուհանից վերև, ներսից: Նման ձևով ապասելի էր ճարտարապետի, մեկենաս-կոնստրուկտի կամ նրանց հետ առընչվող անձանց անվանագրումը: Սակայն մեզ հայտնի են թե՛ ճարտարապետները, թե՛ վանքի առաջնորդներն ու թե՛ մեկենասները, և նրանցից ոչ մեկի անունը չի կարող կազմել ԴՐ հապավումը: Ձեռագրերում նման ձևով գրվում է միայն դրա դերանունը, բայց այս դեպքում դրա օգտագործումը անհիմատ է: Մեր կարծիքով հապավված է Դ[ԱՏԱԽՈ]Ր բառը՝ նկատի ունենալով Տեր Աստուծոն, որից արդարություն հայցող հավատացյալը հայացքն ուղղում է դեպի երկինք (թմբուկին)՝ դեպի այդ խորհրդավոր տառերը:

Թմբուկի հարավ-արևելյան լուսամտից վերև Մատթեոս ավետարանչի բարձրաքանդակն է, ձեռքերով կրծքին սեղմած Ավետարանով: Լուսապակով գլխի երկու կողմում հստակ ու պարզ փորագրված է ՄԹ—Մ[ԱՏԹԷՈ]Ս:

Թմբուկի հարավ-արևմտյան պատուհանից վերև տեղադրված է Մարկոս առաքյալին խորհրդանշող առյուծի բարձրաքան-

²¹ Տե՛ս «Մանր ժամանակագրություններ», 13—18-րդ դդ., հ. 2-րդ, կազմեց Վ. Հակոբյան, Երևան, 1956, էջ 151, 155:

²² Արձանագրությունը նույնությամբ վերահրատարակել է Կ. Կոտանյանը («Վիմակյան տարեգիր», էջ 122):

դակը՝ թաթերի մեջ առած Ավետարանով: Դրան մերձ փորագրված է ՄԱՐԿ[Ո]Ս և մի գեղագիր փակագիր-ծածկագիր (գծ. 12): Եկեղեցու կառուցումն ավարտողի անվան փակագիրը՝ ԴԱՎԻԹ ՎԱՐԴԱ[ՊԵՏ] բացվում է ոչ մեծ դժվարությամբ:

Եկեղեցու թմբուկի հյուսիս-արևմտյան պատուհանից վեր եզան բարձրաքանդակն է առջևի ոտքերով «բռնած» Ավետարանով, իսկ նրա տակ գրված է Ղ[ՈՒ]Կ[Ա]Ս: Հյուսիս-արևելյան լուսամտի գլխին արծվաքանդակն է՝ կտուցով պահած Ավետարանը, իսկ դրա երկու կողմում փորագրված է (գծ. 10) Յ[Ո]Հ[Ա]Ն[ԷՍ] Ա[ԻԵՏԱՐԱՆԻ] 2:

Ահա սրանք են Մուղնու ս. Գևորգ եկեղեցու կառուցման տարիներից մեկ հասած վիմագիր հիշատակագրությունները: Անշուշտ ուշադրության են արժանի նաև ավելի ուշ շրջանից պահպանվող արձանագրությունները: Այսպես, եկեղեցու հարավային մուտքի փայտե (կաղնի) դռան վրա գրված է (գծ. 11)՝ ԱՄԻ 1838 Ս[Ե]Պ[ՏԵՄԲԵՐ] /ՅԻԾԱՏԱԿ Է ԱՅՍ ԴՈՒՌՈՍ ԵՐԵՒԱՆՈՒ ՄՈՂՆԻ/ Ս[ՈՒՐ]Բ ԳԵՎՈՐԶԻՆ, ԿՆԵԱՋԻ/ ՈՐԴԻ ԳԵՎՈՐԶԻՆ ԵՒ ԿՆՈՉ/Ն ԳԱԻՆԻՆ ԵՒ ՈՐԴԻ Ն[Ո]Ր[Ա] ՄԻՔԱԻԼ[Ղ]ԻՆ: Ա[ՍՏՈՒԱ]Ծ[Ա]ՏՈՒՐ Տ[Է]Ր, Ա[Տ] /ԻՉՈՎՍ ՍՏՈՐԱԳՐԵՑԻ: Ինքնին ուշագրավ է, որ եկեղեցին կոչվում է՝ Երևանու սուրբ Գեորգ՝ Թբիլիսիի նույնանուն եկեղեցու հետ չփոթելու համար: Այս անվանումը պահպանվել է նույն տոհմի կողմից արձանագրության մեջ ևս, որն է (գծ. 12). ՅԻԾԱՏԱԿ Է ԱՅՍ ԴՈՒՌՈՍ ԿՆԵԱՋԵՆՑ/ ԳԱԻՆԻՆ, ԴՈՒՍՐՆ՝ ԱՆԱԻՆ, ՈՐԵՏ/ ԵՐԵՒԱՆՈՒ Ս[ՈՒՐ]Բ ԳԵՎՈՐԶ ՄՈՂՆՈՅՆ 1839. /ԸՍՏՈՐԱԳՐԵՑԻ ԵՍ ՏԻՐԱՑՈՒ Ա[ՍՏՈՒԱ]Ծ[Ա]ՏՈՒՐ Տ[Է]Ր ՄԸԿԸՐՏԻՉ/ Տ[Է]Ր Ա[ՍՏՈՒԱ]Ծ[Ա]ՏՈՒՐԵՆՑ:

Բեմին կից ձախ ավանդատան մուտքի դուռը ևս պատրաստվել է նույն տոհմի կողմից, ու թեև այն չի թվագրված, բայց առաջինների ժամանակակիցն է: Նրա արձանագրությունն է (գծ. 13)՝ ՅԻԾԱՏԱԿ Է ԱՅՍ ԴՈՒՌՈՍ ԿՆԵԱՋԵՆՑ ԳԵՎՈՐԶԻՆ, ԱՄԷՆ: Սյունասարահի հարավից երրորդ սյան հյուսիսային ճակատին (գծ. 14). ՄԿ 1860 ԱՄԻ:

Աշտարակցի Սիմեոն Սաժումյանին վերաբերվող առաջին արձանագրությունը փորագրված է եկեղեցու արևմտյան պատին, դրսից, պլուսարահի հարավային կամարի տակ, որն է (գծ. 15)՝ ա ԵՍ ՍԻՄԵՕՆ ՍԱԺՈՒՄԵԱՆՑ ԱՇՏԱՐԱԿՑԻ, Ի 18[6]6

բ ԱՄԻ, ՀՐԱՄԱՆԱԻ ԱՐԺԱՆԸՆՏԻՐ ՀԱՅՐԱՊԵՏԻՆ ՆԵՐՍԵՍԻ

գ ՀԻՆԳԵՐՐՈՐԴԻ ԿԱՐԳԵՑԱ ՏԵՍՈՒՉ ՎԱՆԻՑ Ս[ՈՒՐ]Բ

դ ԳԵՈՐԳԱՅ, ԶՈՐՊԻՍԻ ՊԱՇՏՈՆ ԶԿՆԻ ՄԱՀՈՒԱՆ

ե ՅԻԾԵԱԼ ՀԱՅՐԱՊԵՏԻ ՇԱՐՈՒՆԱԿԵՑԻ ՀՐԱՄԱՆԱԻ ՍԻՆՈ

զ ԹԻ. 1863 ԱՄՆ²³:

Այնուհետև Սիմեոնը կարգվում է նույն վանքի հոգաբարձու և վերանորոգում այն, որի առթիվ պլուսարահի թաղակիր կամարի վրա փորագրվում է (գծ. 16)՝ Ի 1868 ԱՄ. ՀՐԱՄԱՆԱԻ ԱՐԺԱՆԸՆՏԻՐ/ ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՑ, ՏԵԱ/ՈՆ ԳԵՈՐԳԱՅ Դ-Ի, ԿԱՐԳԵՑԱՅ ՀՈ/ԳԱԲԱՐՁՈՒ ԱՇՏԱՐԱԿԵՑԻ ՍԻՄԵՕՆ/ ՍԱԺՈՒՄԵԱՆՑ Ս[ՈՒՐ]Բ ԳԵՈՐԳԱՅ ՎԱ/ՆԻՑՍ ԵՒ ԱՐԴԵԱՄԲ ԳԵՈՐԳԱՅ ՎԵՀԱՓԱ/ՌՈՒԹԵԱՆ ՆՈՐՈԳԵՑԻ ԽԱՆՍ/ՏԵԱԼ ՏԱՆԻՍՆ ՏԱԾԱՐԻՍ:


Ս. Գևորգի նշխարներին հովանի կանգնած մարմարե տապանաքարի վրա (գծ. 17), ՅԻԾԱՏԱԿ Է ԱՇՏԱՐԱԿՈՒ /ՀԱՍԱՐԱԿՈՒԹՈՒՆԻՑ/ Ի 1893 ԱՄԻ:

ԺԹ դարի վերջերին երևանցի Մելիք Աղամալյանի միջոցներով շինարարական աշխատանքներ են կատարվում Մուղնու: Այս առթիվ պարսպակից սենյակների երկրորդ հարկ տանող աստիճանների պարսպետի վրա գրվել է (գծ. 18)՝ ԾԱՆԻԻՔ /ԵՐԵՒ[Ի]ԱՆՑԻ Ա/ՂԱՄԱԼ ԱՂԱՅԻ ՄԷԼԻՔ /ԱՂԱՄԱԼԵԱՆՑ. 1895:

Հավանաբար ԺԸ—ԺԹ դարերում Մուղնու տաճարի ներսում կատարվել են մի շարք որմնակարներ: Ինչ-որ տեղ Նաղաշների ռճն ու գունաչին համակարգը հիշեցնող այս որմնակարները մաքրվել քսամբացվել են 1975 թ. Հուլիսյանների վերականգնման Հատուկ գիտա-արտադրական արվեստանոցի նկարիչների կողմից, շնորհալի արվեստագետ Կառլեն Ավետիսյանի ղեկավարությամբ: Որմնակարների վրա պահպանվում են սև ներկով գրված մի քանի համատոտ հիշատակություններ՝ ա Բեմից ձախ, հայրապետական գավազանը ձեռքին, հասակով մեկ կանգնած սրբի որմնակարի վերևի մասում (գծ. 19). Ս[ՈՒՐ]Բ ՆԻԿՈՂԱ[ՅՈՍ] Հ[ԱՅ]Ր[Ա.]Պ[ԵՏ]:

բ Բեմի ձախակողմյան որմնամույթի վրա

²³ Առաջին տողում լավ չի քանդակված նախաձեռն թվատառը, սակայն այն պետք է 6 լինի (1866): Ի դեպ, սրանից վերև փորագրված է եղել մի ընդարձակ արձանագրություն, որի տառերը քերվել-հանվել են, և լույս մի քանի բառեր են ընթերցվում:



ԱՌԱՔԵԼ ՊԱՏՐԻԿ

ՄԵՐ ԲԱՆԴԱԿԱԶԱՐԴ ԴՌՆԵՐԸ

Մեր Պատմության պետական թանգարանում կան քանդակագործ Բինգ դռներ, որոնք պատկանում են ԺԲ—ԺԷ դարերին:

Մեզ հայտնի չէ, թե այդ դռների քանդակագործման արվեստի մասին երբևէ ուսումնասիրություն եղել է: Համեմայն դեպ, ներկա հողվածով փափագում ենք ուշադրություն հրավիրել մեր քանդակագործական արվեստի այդ ճյուղի գլուխ-գործոցների վրա:

Ժամանակագրական կարգով առաջին Մշո Առաքելոց վանքի դուռն է, ԾԶԳ (1134) թվակիր: Այդ դուռը ոչ միայն ուշագրավ է նախապես պատկանած իր վանքի և հնության տեսակետից, ինչպես նաև արվեստագիտական ինքնատիպությամբ, այլև դժբախտաբար միակն է, որ փրկված է 1915 թվականի աշխարհակործան աղետից...


Այս սողերը ստորագրողը շուրջ քառորդ դար առաջ մի հողվածով¹ անդրադարձել էր այս դուռն վիճակված քացառիկ ճակատագրին և արվեստագիտական արժանիքներին: Այժմ, ուրեմն, անտեղի պիտի լինեն նույնի կրկնությունը: Սակայն կան պատմական և արվեստագիտական հարցեր, որոնք մի հողվածով չեն սպառվում. ժամանակը հաճախ նոր մտքեր է թելադրում: Բացի այդ, անցած քառորդ դարի ընթացքում մի նոր սերունդ է հասակ առել և տեղ գրավել մեր ազգային կյանքում. ուստի հա-

մառոտակի մի անդրադարձումը անհրաժեշտ ենք համարում:

Առաքելոց վանքը գտնվում էր Մուշից ութ կիլոմետր հեռու, մի բարձունքի վրա, որից այն կողմ Սասնա լեռնաշխարհն էր: Վանքը շինված է եղել Մամիկոնյան նշանավոր տոհմի մի շառավիղը եղող Թոռնիկյան իշխանների կողմից: Մինչև 1915 թվականը, ուրեմն, այդ պատմական վանքը Տարոնի և Սասունի հայության հոգևոր կենտրոններից մեկն է եղել: Պարզվում է, որ այդ վանքի ամենից ավելի արժեքավոր հնությունը եղել է հենց վերոհիշյալ դուռը, որի մասին նախօրոք տեղյակ են եղել գերմանացի հնագետները: Դրանով կարելի է բացատրել այն փութաշահությունը, որ նրանցից մի քանիսը շտապ գալիս են Մուշ, ինչպես դիակի հոտ առնող ազուպներ, տեղից պոկում, հանում են դուռը և տանում Բիթլիս՝ ուղարկելու համար այնտեղից Բեռլին, քարեհաճ թույլությունամբ իրենց թուրք դաշնակցի...

Սակայն բախտն այլ կերպ է տնօրինում: Ռուսական բանակները շուտով առաջանում են դեպի ամայացած հայաքնակ նահանգները և թշնամու լքած ավարների միջից ձեռք բերում նաև այդ դուռը: Բանակի հայ զինվորականները դուռը հանձնում են դեպի Կովկաս գաղթող հալածական հայ գաղթականներին, որոնք մեծ զոհողություններով հասցնում են այն Երևան: Այդ դուռն այժմ Պատմության թանգարանի անգնահատելի գանձերից մեկն է ոչ միայն

¹ «Էջմիածին», 1952 թ., № Ա, էջ 23—26:



Մշո Առաքելոց վանքի դուռը (1134 թ.)

որպես պատմական հուշարձան, այլ նաև որպես մեր զարդաքանդակային արվեստի գլուխ-գործոցներից մեկը:

Դուռը գործն է երեք վարպետների՝ ըստ հետևյալ արձանագրության. «Է թ. Հ. ԾԶԳ. ԵՍ ՏՐ ԹՈՐՈՍ ԵՒ ԳՐԻԳՈՐ ԵՒ ՂՈՒԿԱՍ ԳԾ — որ է՝ ի թուականի հայոց ԾԶԳ—1134 — ես Տէր Թորոս և Գրիգոր և Ղուկաս գծեցաք, այսինքն քանդակեցինք»: Դռան չափերն են. 185×150 սմ, շինված կաղնեփայտից²:

Վանքի այս դուռն առանձնապես հետաքրքրական է իր այն հանգամանքով, որ չի կրում քրիստոնեական կրոնին հատուկ ուրել մի խորհրդանշան, ինչպես վայել էր: Նույնիսկ մեզ թվում է, որ այս դուռը պատրաստված է եղել հայ իշխանական մի պալատի համար, քանի որ դռան շրջանակը քանդակազարդված է աշխարհիկ կյանքի հատուկ պատկերացումներով: Երկփեղկացի դռան աջ և ձախ կողմի երկու շրջանակների վրա քանդակված են մի շարք ընտանի և գիշատիչ կենդանիներ, զարդակաւոր են գալարուն ճյուղերի միջև ձևավորված և ուղղված ներքևից դեպի վերև ու վերջացած մարդագլուխ-թռչնաձև մեկական հուշկապարիկով: Առավել ևս հետաքրքրական են գլխավերևի շրջանակի պատկերացումները: Աջակողմում գտնվում է սպառազեն մի ձիավոր, իշխանական մի մական բռնած, ձախով կրում է բոլորչի վահան, գեղեցկորեն քանդակազարդ: Նրա դիմացի ձիավորը նիզակով զգեստել է վիշապ: Նրանից վերև կա, հագիվ ընթռնելի, ՍԲԹՈՐՈ—գուցե Սբ. ԹՈՐՈՍ—արձանագրությունը: Հաջորդը դեպի ձախ դարձած շեփորող մի անձ է՝ քաղաքացու տարագով: Նրա առջևից արշավում են զինավառ երկու ձիավոր, որոնցից մեկը սուրը առած է ցցել, իսկ նրա առաջից արշավող ձիավորը, ըստ երևույթին մի իշխան, բարձր է բռնել մականը կամ մի գուրգ՝ ընթանալով դեպ առաջ:

Դժվար է մեկնաբանել այս էապես ռազմական բնույթի պատկերները: Համեմայն դեպս մենք վերադառնում ենք մեր այն ենթադրությանը, որ այս դուռը պատվիրված է եղել իշխանական մի պալատի համար, որի կործանումից հետո հավանաբար փոխադրել են այն Առաքելոց վանք, որպես ապահովագույն վայր... Եթե ճիշտ համարվի մեր այս ենթադրությունը, դռան նշանակությունն ավելի մոր և հետաքրքրական բնույթ կստանա:

Գալով դռան երկու փեղկերին, յուրա-

քանչյուրը զարդարված է երկրաչափական խաչաձևումներով ստացված նմանօրինակ պատկերներով՝ ձևացնելով չորսական ութանկյունիներ, և այլն, կենտրոն ունենալով ութթևանի մեկական աստղանիշ: Դռան ընդհանուր տեսքն այսպես անշուշտ ակնապարար է, բայց ոչ հավատարիմ հայկական զարդարվեստի ավանդություններին, քանի որ թե՛ մեր ճարտարապետության և թե՛ խաչքարային զարդարվեստի մեջ մույն մոտիվն ընդհանրապես չի կրկնվում՝ ձգտելով միշտ այլազանություն:


Մշո Առաքելոց վանքի դուռը, այսպես ուրեմն, մեզ դնում է դեռ նորահոր առեղծվածների առջև: Դրանցից մեկն էլ հետևյալն է.

Այս տողերը գրողը տարագրության ժամանակ հաջողել էր կանգ առնել Գոնիալում, ուր մասնակցել էր վերանորոգվող իսլամական մի աղոթատեղիի՝ «Սուլթան Սելիմ Ժամիի» (գործ՝ հայագիի .նշանավոր ճարտարապետ Գոնա Սիմանի) աշխատանքներին որպես որմնանկարիչ: Այդ աղոթատեղիի փայտյա դուռը մույնպես վերանորոգման կարիք ուներ, որը շինված էր բազմաթիվ ու բազմաձև կտորներից, վարպետորեն իրար ագուցված, որոնք երկրաչափական մույնպիսի խաչաձևումներով զարդակաւն այն մույն պատկերներն էին ձևացնում, ինչպիսին Մշո Առաքելոց վանքի դուռն ուներ... Ժամանակով իրարից այնքան հեռու, սակայն արվեստագիտական ամանդություններով այսպես շարունակված լինելու այդ փաստը մեզ մտածել է տալիս, թե ինչքան անանուն հայ վարպետներ դարերի ընթացքում իրենց գիտությունը, արվեստներն էին ծաղկեցրել Հայաստանից մինչև արաբական երկրներ, մինչև Անատոլիա, մինչև Բոսֆորի ափերը:

Ավելորդ թող չհամարվի, եթե հիշենք նաև, որ վերոհիշյալ դռան վերանորոգումը ևս կատարեց հայ տարագրյալների միջից գտնված ճարտար մի վարպետ, որ սակայն անխոհեմությունն էր ունեցել վերանորոգման գործը շուտ ավարտելու... Ուստի խեղճը ընտանյոք մորից քշվեց դեպի...

Ժամանակագրապես հաջորդ դուռը Սեփանի Առաքելոց վանքինն է և կրում է հետևյալ արձանագրությունը.. «Է ԹՎ ՀԱՅՈՅ ՈՒԵ (1178) ՆՈՐՈԳԵՑԱԻ ԴՈՒԹՆ ՍԲ ԵԿԵԼԵՑՈՅՍ ՀՐԱՄԱՆԱԻ ԻԾԵԱՆ ՔՐԴԻՆ ԵՒ ՁԵՈՍՄԲ ՅՈՎՀԱՆՆԻՍԻ ՀԻԻՍԱՆՆ ՈՐՔ ԸՆԹԵՐՆՈՅՔ ՅԻԾԵԱՋԻՔ»: Ինչպես երևում է, քանդակագործական մանրակրկիտ և խնամյալ մի արտադրություն է, 179×110 սմ մեծությամբ և գործն է արհեստով մի հյուսնի, որի անունն այսպես հազվադեպորեն է հիշված: Քան-


² Հողվածագիրը 1950—58 թթ. չափագրել և գծագրել է այս և հաջորդ 4 դռները, Պատմության պետական թանգարանում աշխատելիս:



Մանի Առաքելոց վանքի դուռ (1176 թ.)

դակող վարպետը դուռն վրա կատարել է մի ընտիր խաչքարի պատկեր: Այս փաստը ցույց է տալիս, որ նույն անձերն են եղել խաչքարեր «հորինող» կամ փայտյա դռներ քանդակող վարպետները:

նում: Հիմք ծառայող գեղեցկահյուս վարդյակի վրա ձևավորել է երեք կամար, որի կենտրոնական բարձրադիր կամարի տակ ներկայացրել է ս. Գրիգոր Լուսավորչին, որի աջակողմին Տրդատն է խոգագլուխ,




Տաթևի վանքի դուռը (1253 թ.)

Երրորդ դուռը պատկանել է Տաթևի վանքին և կրում է հետևյալ արձանագրությունը. «2Բ—1253—ԵՍ ՏՐ ՀԱՅՐԱՊԵՏ ԾԱՌԱԲԱՐՁՐԵԼՈՅՆ ԿԱՆԳՆԵՑԻ ԶԴԱՍԵՐՍ ՆՈՐՈԳԵՑԻ ԶԴՈՒՌՍ ԶԻ ԱՂԱԽԹՍ ՅԻՇԵՑԷՔ ԱՂԱԶԵՄ»

Դռան մեծությունն է 190×150 սմ:

Ափսոս, որ այստեղ էլ չկա տաղանդավոր քանդակագործի անվան հիշատակությունը: Այստեղ էլ պատշաճ է համարվել խաչքարային պատկերացումը: Կենտրոնի խաչանշանի երկու կողմի տարածությունը պատած է մեկը մյուսից տարբեր զարդաքանդակներով, ըստ հայկական ավանդական ոճի:

Երրորդ դուռը նորից Սևանի Առաքելոց վանքին է պատկանել և ունի երկարապատում մի արձանագրություն, դժվար ընթեռնելի, որի սկզբում նշված է թվականը՝ ԶՀԱ. (1522): Չկարողացանք հայտնաբերել մեծատաղանդ քանդակագործի անունը, թեև նշված էր: Նա այստեղ հանդես չի գալիս որպես զարդանկարիչ, որքան պատկերող՝ քրիստոնեության հաստատումը Հայաստա-



Սևանի Առաքելոց վանքի դուռը (1522 թ.)

իսկ ձախում՝ նույնը՝ թագակիր գլխով, որպես քրիստոնյա: Բարձրից նրանց վրա ճառագում է աղավանդեալ սուրբ Հոգին: Դեպի վեր՝ շարք-շարք սրբեր կան, աղոթական, ծնրադիր, իսկ ամենավերը բազմած է Քրիստոսը: Նրա երկու կողմում՝ ավետարանիչների կենդանակերպ խորհրդանշաններն են: Դռան ներքին և արտաքին եզերագարուերը ևս ձևավորված են բարձր ճաշակով և զարդաների հաջորդական այլազանությամբ:

Սևանա վանքի դուռը ամենափոքրն է մեր նկատի ունեցած դռներից (175×95 սմ), բայց, ժողովրդի կողմից նկատված լինելով որպես սրբություն, դարերով նրա առջև




Տաթևի ա. Գրիգոր Լուսավորիչ եկեղեցու դուռը
(1814 թ.)


վառված մոմի և ձեթի ծխից բոլորովին սև-
վացած վիճակում է գտնվում:

1927 թվականի երկրաշարժից Տաթևի
քաղաքային և պատմական վանքը բոլոր-
ովին ավերվեց: Փաստակների տակից կա-
րելի եղավ փրկել վանքի գեղարքանդակ
դուռը միայն, մեջտեղից երկնդրված: Դուռն
շրջաճակը չկա. երևում է, որ բոլորովին
ջախջախված է եղել, բանի որ Պատմու-
թյան թանգարանում ցուցադրված է միայն
փեղկը, որի մեծությունն է 193×110 սմ:
Դուռը գուրկ է որևէ արձանագրությունից:
Միայն դուռն վերևի ձախակողմյան կռակի-
յան վրա, հավանաբար հետագայում, նշվել
է ՌԿԳ (1814) թվականը:

Դուռն քանդակագործու՝ Կարապետի-
բար գործն է խաչքարեր կորիկող տաղան-
դավոր մի վարպետի, բանի որ նույն խոր-
հրդանիշներն առկա են և նույնպիսի զար-
դական ոճով ձևավորված:

Այս հինգ դռների շարքով էլ փակվում է
միջնադարյան Հայաստանի զարդաքան-
դակային արվեստի աչնքան պանծալի
գլուխ-գործոցներով հարուստ ժամանակա-
շրջանը:





ԷԿՈՒՄԵՆԻԿ

ԿՅԱՆՔ

ՆՈՐ ՀԱՆԴԻՊՈՒՄ ԿԱԹՈՒԿ ԵԿԵՂԵՑՈՒ ԵՎ ԱՐԵՎԵԼՅԱՆ
ՈՒՂՂԱՓԱՌ ԵԿԵՂԵՑԻՆԵՐԻ ԱՍՏՎԱԾԱԲԱՆՆԵՐԻ ՄԻՋԵՎ

Միաբանական ոգու անհրաժեշտությունը եկեղեցիների միջև, եկեղեցական ժողովների կարևորությունը եկեղեցու միության համար. սրանք են՝ եղել այն կարևորագույն հարցերը, որոնք, այլ հարցերի թվում, քննության են առնվել Վիեննայում երրորդ ոչ պաշտոնական խորհրդակցության ժամանակ, որը տեղի է ունեցել հոռմեական կաթոլիկ եկեղեցու և արևելյան ուղղափառ եկեղեցիների միջև: Մեկ շաբաթ տևած այս խորհրդակցությունը, որն ավարտվել է սույն թվականի սեպտեմբերի 5-ին Ավստրիայի մայրաքաղաքում, շարունակությունն է կազմել այն խորհրդակցությունների, որոնք տեղի էին ունեցել 1971 և 1973 թվականներին նույն քաղաքում կաթոլիկ և արևելյան ուղղափառ հինգ եկեղեցիների աստվածաբանների միջև:

Չնայած որ այս խորհրդակցությունները չեն ունեցել որևէ պաշտոնական բնույթ, սակայն զգալի չափով նպաստել են հարթելու աստվածաբանական այն տարակարծությունները, որոնք գոյություն ունեն Քաղկեդոնի ժողովից ի վեր: Արդեն նշանակալից առաջադիմություններ են ձեռք բերվել քրիստոսաբանության, ինչպես նաև եկեղեցական ժողովների և եկեղեցու առանձնահատուկ կառուցվածքների հասկացողության վերաբերյալ:

Խորհրդակցության մասնակիցների կողմից միաձայնությամբ առաջարկվել է շարունակել սկսված դիալոգը: Նախատեսվում է 1977 թվականի աշմանը գումարել մի չորրորդ խորհրդակցություն, որն իր աշխատանքը պիտի կենտրոնացնի գլխավորապես Հռոմի Աթոռի գերագահության, պապական անախալականության, ինչպես նաև Վատիկանի իրավասությանը ենթակա արեվելյան եկեղեցիների և մարդորսության հարցերի քննարկման վրա:

ԱՄԵՐԻԿԱՆ ԵԿԵՂԵՑԻՆԵՐԻՑ
ՄԵԿԸ ՀՐԱԺԱՐՎՈՒՄ Է ԵՆՍ-Ի
ԱՆԴԱՄՈՒԹՅՈՒՆԻՑ

«Յոթերորդ օրվա մկրտչականների կոնֆերանս» անունը կրող եկեղեցին իր տարեկան ժողովի ընթացքում, որը տեղի է ունեցել վերջերս Հուլիոնում (Նյու-Յորքի նահանգ), որոշել է հրաժարվել ԵՆՍ-ի անդամությունից:

Ռոդ Ալլենդի նահանգում 1871 թվականից ի վեր գործող այս փոքրիկ եկեղեցին, որը մկրտչական մյուս եկեղեցիներից զատորոշվում է իր շաբաթապահությամբ, անդամակցում էր ԵՆՍ-ին 1948 թվականին գումարված նրա առաջին համաժողովից ի վեր: Մի քանի տարի առաջ նա հրաժարվել

էր նաև Միացյալ Նահանգների եկեղեցիներին ազգային խորհրդից՝ չբաժանելով վերջինիս որդեգրած քաղաքականությունը ընկերային հարցերում:

ՕՐԹՈՂՈՔՍ ԱՍՏՎԱԾԱԲԱՆՆԵՐԻ ՀԱՆԴԻՊՈՒՄ ՀՈՒՆԱՍՏԱՆՈՒՄ

Օրթոդոքս աստվածաբանական դպրոցների երկրորդ կոնգրեսը, որը տեղի է ունեցել սույն թվականի օգոստոսի 19—29-ը Աթենքի մոտ գտնվող Պենտելիի վանքի միջօրթոդոքս կենտրոնում, բնութագրվել է որպես աստվածաբանական բարձր մակարդակի մի հանդիպում: Հունաստանի, Ստամբուլի, Բուլղարիայի, Սովետական Միության, Ռումինիայի, Հարավսլավիայի, Ֆրանսիայի, Միացյալ Նահանգների աստվածաբանական հաստատություններից ուղարկված ավելի քան հարյուր օրթոդոքս աստվածաբաններ, ինչպես նաև զանազան եկեղեցական շրջանակներից եկած հայտնի անձնավորություններ և էկումենիկ դիտորդներ մասնակցել են վերոհիշյալ կոնգրեսին:

Այս երկրորդ կոնգրեսը (առաջինը տեղի է ունեցել 1931 թվականին), որի թեման է եղել «Եկեղեցու աստվածաբանությունը և նրա կիրառումը այսօր», կազմակերպվել է Աթենքի և Թեսալոնիկեի համալսարանների աստվածաբանական ֆակուլտետների կողմից՝ Հունաստանի օրթոդոքս եկեղեցու սուրբ Սիմոնի գործակցությամբ: Կոնգրեսում կարդացվել և քննարկվել են շուրջ հիսուն զեկուցումներ, որոնցում շոշափվել են երեք գլխավոր խնդիրներ. «Աստվածաբանությունը որպես եկեղեցու կյանքի և գիտակցության արտահայտություն», «Աստվածաբանությունը որպես եկեղեցու ներկայության արտահայտությունը աշխարհում», «Աստվածաբանությունը եկեղեցու կյանքի վերագարթոնքի մեջ»:

Քննարկումներն ի հայտ են բերել տեսականների ալլազանություն ժամանակակից օրթոդոքսության ծոցում, ինչը վերաբերում է աստվածաբանության նպատակներին և մեթոդներին: Բոլորն բանավեճեր են առաջացել մասնակիցների միջև, մասնավորապես երբ քննության են առնվել հասարակության մեջ եկեղեցու առաքելության և տեղի, ինչպես նաև օրթոդոքս ափսոսանքի հետ առնչվող աստվածաբանական և կառնական կարգի մի շարք հարցեր:

Կոնգրեսը ցանկություն է արտահայտել, որ մի նոր հանդիպում տեղի ունենա մոտ ապագայում՝ խորացնելու համար կապերն ու գործակցությունը աստվածաբանական տարբեր դպրոցների միջև:

ԱՐԴՅՈՒՆԱՎԵՏ ԵՐԿԻՈՍՈՒԹՅՈՒՆՆԵՐԻ ԿԱԹՈՒԿԻԿՆԵՐԻ ԵՎ ԼՈՒԹԵՐԱԿԱՆՆԵՐԻ ՄԻՋԵՎ

Լուծարական համաշխարհային ֆեդերացիայի գլխավոր քարտուղար Կարլ Մաունցերը Եվեդիայի Ուիսալա քաղաքում գումարված ֆեդերացիայի գործադիր կոմիտեի նիստին ներկայացրած իր զեկուցագրում նշել է, որ կաթոլիկների և լուծարականների միջև տեղի ունեցած երկխոսություններն սկսում են իրենց բարի պտուղները տալ: Հաստատելով այն փաստը, որ այսօր արդեն հնարավոր է մոտենալ քրիստոնյաների միության հարցերին ավելի ճկուն և բացահայտ կերպով, լուծարական եկեղեցու ղեկավարն ընդգծել է, որ երկրագնդի բնակչության մեծ մասում օրավոր բազմապատկվող անմարդկային և անարդար իրադարձությունները շեշտում են քրիստոնյաների կողմից վկայություն և ճշմարիտ ծառայություն հանդես բերելու անհրաժեշտությունը: Կարլ Մաունց գոհունակությամբ է հաստատել, որ քրիստոնեական տարբեր եկեղեցիների միջև մշակվող հարաբերություններում մեծ առաջընթաց է արձանագրվել անցած տարի Նայրոբիում կայացած եկեղեցիների համաշխարհային խորհրդի համաժողովից հետո: «Այդ համաժողովը,—ավելացրել է նա,—նոր հեռանկարներ բաց արեց շինարար համագործակցության համար»: Եկեղեցիների միջև երկկողմանի հարաբերություններ զարգացնելու համար Լուծարական ֆեդերացիայի հատուկ կոմիտե ստեղծելու վերաբերյալ որոշ առաջարկություններ անելուց հետո, ֆեդերացիայի գլխավոր քարտուղարն ավելացրել է, որ կազմակերպության պատասխանատու անձինք այժմ հարց են տալիս միմյանց, թե ինչ ճանապարհով պետք է ընթանա լուծարականների համագործակցությունը մի կողմից ԵՀԽ-ի և էկումենիկ մյուս կազմակերպությունների, իսկ մյուս կողմից՝ ավետարանական շարժումների հետ:

ԷԿՈՒՄԵՆԻԿ ՆԱԽԱՋԵՆՈՒՆՈՒԹՅՈՒՆ

Միջերկրականի ծովափնյա Տարսուս քաղաքն ամբողջ աշխարհին հայտնի է որպես հեթանոսաց առաքյալ տարսուցի սուրբ Պողոսի օրրան: Հակառակ այն բազում իրադարձություններին, որոնք դարերի ընթացքում ցնցել ու ավերել էին այդ քաղաքը, նրանում սակայն մինչև օրս պահպան-

վել է մի բացառիկ միջատակ՝ այն ջրհորը, որը գտնվում էր սուրբ Պողոսի հայրական տան պլանագարդ շենքի մոտակայքում: Առաքյալի պատմական մեծ դեմքն իր երիտասարդական տարիների միջավայրում վերապրեցնելու մտածումով, հռչակող եպիսկոպոսը՝ Զմյուռնիայի սուրբ Պոլիկարպոսի Աթոռի փոխանորդը, 1969 թվականին այցելել է Տարսոն, որպեսզի թույլտվություն ստանա տեղական իշխանություններից՝ ձեռք բերելու սուրբ Պողոսի հայրական ջրհորին սահմանակից մի հողամաս և այնտեղ ստեղծելու մի կենտրոն՝ «Տարսոնացի Պողոսի կենտրոն» անունով:

Այսօր, շնորհիվ ցույց տրված լայն օժանդակությունների, կենտրոնն արդեն կառուցման ընթացքի մեջ է. այն կլինի հսկայական մի շենք՝ Էկումենիկ ժողովների համար սահմանված իր ընդարձակ և շքեղ սրահներով, իր գրադարանով, բազմաթիվ գրասենյակներով, ցուցահանդեսների, կոնֆերանսների և համագումարների դահլիճներով ու կղաճա մեծ առաքյալի հիշատակին արժանի աղոթքի, ուսումնասիրությունների և Էկումենիկ պրոպագանդայի մի կենտրոն, որի դռները բաց կլինեն աշխարհի այն բոլոր գիտնականների և մասնագետների առջև, որոնք կցանկանան իրենց աշխատակցությունը բերել տարսոնացի Պողոսի անձի և գործի ուսումնասիրությանը:

ԵՐԻՏԱՍԱՐԴՈՒԹՅԱՆ ԷԿՈՒՄԵՆԻԿ ԽՈՐՀՐԴԻ ՈՒԹԵՐՈՐԴ ՀԱՄԱԺՈՂՈՎԸ ԵՎՐՈՊԱՅՈՒՆ

Սույն թվականի հոկտեմբերի 10—16 օրերին ԳՖՀ-ի հողորքական երիտասարդության ֆեդերացիայի նախաձեռնությամբ Հյուսիս-Օդեսկայդում (ԳՖՀ), Հեսենի և Նասաուի ավետարանական եկեղեցու երիտասարդական կենտրոնում տեղի է ունեցել Երիտասարդության Էկումենիկ խորհրդի ութերորդ համաժողովը: Համաժողովի աշխատանքներին մասնակցել են երիտասարդական կազմակերպությունների 80 ներկայացուցիչներ 19 եվրոպական երկրներից: Համաժողովի թեման է եղել «Քարոզությունը գործողության մեջ»: Համաժողովում հաղորդում է տրվել 1977 թվականի հունիսին Մոսկվայում կայանալիք համաշխարհային կոնֆերանսի նախապատրաստման մասին, կոնֆերանս, որի թեման է լինելու «Կրոնական գործիչները որպես կողմնակիցներ ժողովուրդների միջև կայուն խա-

ղաղության, զինաթափման և արդարացի փոխհարաբերությունների»: Համաժողովում որոշում ընդունվեց, որ վերոհիշյալ կոնֆերանսին իր մասնակցությունը բերի նաև Եվրոպայի Երիտասարդության Էկումենիկ խորհուրդը:

ԽՈՐՀՐԴԱԿՑՈՒԹՅՈՒՆ ՕՐԹՈՂՈՔԱԵՎ ԲԱՐԵԿԱՐԳԱԿԱՆ ԵԿԵՂԵՑԻՆԵՐԻ ՆԵՐԿԱՅԱՑՈՒՑԻՉՆԵՐԻ ՄԻՋԵՎ

Սույն թվականի հոկտեմբերի 20—24 օրերին Լենինգրադում տեղի է ունեցել օրթոդոքս և բարեկարգական եկեղեցիների ներկայացուցիչների խորհրդակցական հանդիպման հերթական երկրորդ փուլը: Խորհրդակցությանը մասնակցել են վերոհիշյալ երկու եկեղեցիները ներկայացնող 26 աստվածաբաններ Հունգարիայից, Միացյալ Նահանգներից, Սովետական Միությունից, Չեխոսլովակիայից, Ծվեյցարիայից, Ֆինլանդիայից, Ծոտլանդիայից և Հարավսլավիայից:

Խորհրդակցության թեմաներն են եղել՝
ա) Սուրբ հաղորդության խորհուրդն ըստ օրթոդոքս և բարեկարգական եկեղեցիների ուսմունքի:

բ) Օրթոդոքս և բարեկարգական եկեղեցիների դիրքը քրիստոնեական ծառայության վերաբերյալ՝ ի բարօրություն հասարակության:

Վերոհիշյալ թեմաների շուրջ զեկուցումներ են կարդացել պրոֆ. Դևիդ Ռիլիսը, դոկտ. Յուզին Կարսոն Բլեյֆը (Միացյալ Նահանգներ), Միքայել եպիսկոպոսը, պրոֆ. Զաբոլոտսկին (ՍՍՀՄ) և դոկտ. Տիբոր Բարտան (Հունգարիա):

Մտքերի փոխանակության ընթացքում խորհրդակցության մասնակիցների կողմից ճշտվել են շրջանակներն՝ այն մի քանի հարցերի, որոնք պահանջում են հետազոտավել մանրակրկիտ և խոր ուսումնասիրություն եղբայրական սիրո և անկեղծության մթնոլորտում:

ա) Ծիշտ նկարագրումը առաքելական հաջորդականության բնույթի, որ պահպանում են երկու կողմի եկեղեցիները, ըստ իրենց հայտարարության:

բ) Ձեռնադրյալ քահանաների պաշտոնավարության բնույթի ճիշտ որոշումը:

գ) Սուրբ հաղորդությանը ձեռք բերված շնորհների արտահայտման եղանակը, որը մատչելի լինի այսօրվա մարդու հասկացողությանը և բացահայտի հաղորդության ողջ կարևորությունը:



ԲՈՎԱՆԴԱԿՈՒԹՅՈՒՆ

Հայրապետական քարոզ Փրկչի հրաշափառ և սուրբ Ծննդյան տոնի առթիվ Մայր տաճարում	3
Նորին Սրբություն Պողոս Զ Պապի պատգամը 1977 թվականի հունվարի մեկի «Խաղաղության համաշխարհային օրվա» առթիվ	6
Վեհափառ Հայրապետի այցելությունը Հայկական ՍՍՀ Գերագույն սովետի նախագահության նախագահ Բարկեն Ե. Սարկիսովին	9
Ամանորի և Փրկչի հրաշափառ և սուրբ Ծննդյան տոների առթիվ Ամենայն Հայոց Ծայրագույն Պատրիարք և կաթողիկոս, Նորին Սուրբ Օծություն Տ. Տ. Վազգեն Ա Հայրապետի և քույր եկեղեցիների հոգևոր պետերի միջև փոխանակված ողջույնի հեռագրերն ու գրությունները	10
Ամենայն Հայոց Վեհափառ Հայրապետի շնորհավորական գիրը Ամանորի և սուրբ Ծննդյան տոների առթիվ՝ ուղղված Հայաստանյայց եկեղեցու նվիրապետական երեք Աթոռներին, թեմակալ քույր առաջնորդներին և եկեղեցական համայնքներին	13
Սուրբ գրական ընթերցումներ	15
Հաղորդագրություն	17
Ամանորը Մայր Աթոռում	19
Ս. Ծննդյան տոնը Մայր Աթոռում	24
Ս. Ստեփանոսի տոնը և սարկավագների ձեռնադրություն Մայր Աթոռում	26
Հայրենիք-սփյուռք հարաբերություններ	28
ՄԱՅՐ ԱԹՈՐՈՒՄ—Եկեղեցական թեմ. լուրեր	30
Ն. ԹԱՀՄԻԶՅԱՆ—Մխիթար վարդապետ Այրիվանեցի և Ավագ հինգշաբթի օրվա «Միրտ իմ սասանի» գանձ-երգը	33
ԶԱՎԵՆ Ծ. ՎՐԴ. ԱՐԶՈՒՄԱՆՅԱՆ—Քննություն ձեռագրաց Ը դարու հայ հեղինակ Ղևոնդ երիցու պատմագրության	38
ՍՈՒՐԵՆ ՏԻԳՐԱՆԻ ՍԱՂՈՒՄՅԱՆ—Մուղնու ա. Գևորգ եկեղեցին և նրա վիմագրերը	46
ԱՌԱՔԵԼ ՊԱՏՐԻԿ—Մեր քանդակագործ դռները	55
ԷԿՈՒՄԵՆԻԿ ԿՑԱՆՔ	
Նոր հանդիպում կաթոլիկ եկեղեցու և արևելյան ուղղափառ եկեղեցիների աստվածաբանների միջև	61
Ամերիկյան եկեղեցիներից մեկը հրաժարվում է ԵՀԽ-ի անդամությունից	61
Օրթոդոքս աստվածաբանների հանդիպում Հունաստանում	62
Արդյունավետ երկխոսություններ կաթոլիկների և լուսեռականների միջև	62
Էկումենիկ նախաձեռնություն	62
Երիտասարդության Էկումենիկ խորհրդի ութերորդ համաժողովը Եվրոպայում	63
Խորհրդակցություն օրթոդոքս և բարեկարգական եկեղեցիների ներկայացուցիչների միջև	63

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱՄԻՆ

«ԷՋՄԻԱՄԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Rédaction de la revue «Etchmiadzine», Etchmiadzine, Arménie, URSS

Հանձնված է արտատրության 17.1.1977 թ.: Ստորագրված է տպագրության 21. 2. 1977 թ.:
Տպագրական 4 մամուլ, թուղթ 60×84¹/₈, պատվեր 32:

Մայր Աթոռ ա. Էջմիածնի տպարան, 1977 թ.